

412130.187
30
-128

第一册

序

原序

姓氏

凡例

目錄

圖

卷一

卷二

輿地

宮室

卷三

卷四

學校

食貨

增修容城縣志序



聞諸昌黎云莫爲之前雖
美弗彰莫爲之後雖盛弗
傳理無微而不顯事有絕
而必續所固然也余於己
卯季夏奉

序

命涖容至今辛巳三年以來

見其風俗醇茂人民樸誠
敦信義而畧浮誇事詩書
而勤耕織訟獄不繁盜賊
不作案無積牘庭有餘閒
不禁喟然興歎曰猗歟休

哉是誠周禮所云康樂和
親安平可爲一書者也嘗
取舊乘觀之凡夫天星地
輿民彙均力秩官遷舉之
典災祥疢氛之故以及忠
孝廉節又人義士莫不詳
核具在但其中間頁多缺少
字殊模糊窺厥所由蓋自
河陽趙公修輯後將百年
於茲矣風雨之所摧殘蠹
魚之所蝕剝日久日湮不
惟無以發後人未闡之光

亦且漸以失前人旣著之
實余竊憫焉思以踵其事
而續厥典於是詢諸故老
博求羣書徵文考獻酌古
準今星野之離合叅諸天
土田之墳墟察於地風氣
之剛柔觀其通政教之張
弛窮乎變凡所謂山川草
木土田疆域之名數貢賦
典章忠孝節義之蹟條
分縷晰一取舊志而新之
補其殘缺正其錯訛數十

年間鬱酒而求影於世者
皆得同光史冊容原彈丸
黑子耳非有洞天福地名
山大川足標千秋之勝概
然而繚繞八景居然地靈
鼎峙三賢卓乎人傑其他

序

四

名著一鄉行成一隅者六
里之中指不勝屈於以表
上谷之雄風壯

畿輔之屏藩亦鉅觀也夫山
以仙名水以龍靈伊迺空
桑聖誕闕里奚必斤斤焉

於幅幘寸尺間爭廣狹也
哉余用是旣厥心三簿書
之暇相與纂輯而文章之
用鼓吹一時之俗苟使百
世而下鑑志其德則可觀
可興可歌可泣其於人心

序

五

風俗之大不無厚幸焉因
悉次斯語以弁其篇
乾隆二十六年辛巳
文林郎知空事北齊
王克淳撰



原序

邑令

李蔡春

永和

志記也邑有志猶國有史也古列國紀事紀言後世踵而行之體裁雖異而編摩考據證類核真欲其信今傳後則未始有異也顧記不本於實則侈言僞增祇亦自誣不足以垂信或厭豐腴而就儉約刪竄過嚴是遺落太甚者又失其真惡在其爲志耶容古燕地縣自漢始金元之變兵燹交馳其志之未有無足異者迨我朝立都迄今二百餘年乃怠弛相仍靡知有作其沿革者莫適而原其起也其革者莫適而究其廢也

容城縣志

一

其典章無可考而獻賢無所見也摭逸遺而備考按發湮鬱而事宣暴得非今日之當務與余不敏承乏邑事觀風審尚咸旣厥心卽有闕者稽於衆僉曰諸苟完無已惟邑史余憫焉迺延庠師生館於西司而蒐輯之博取郡書敷詢故老實有可採則據事而直書文有可刪則因繁以就簡宏綱細目俱有矩度表輿地山川風土之詳悉矣表宮室官署邑居之度昭矣由職官而知吏治之美由食貨而知貢賦之宜於人物而知鍾毓之英於兵備而知防守之豫於藝文

而知著作之多茲未嘗侈以自誣亦不至嗇以
失真將使後之人不出戶庭一舉目而萬有畢
見也寧復有文獻不足之歎耶帙成凡七卷共
屬余序余惟日月星辰以志天也山川草木以
志地也典章禮樂以志人也茲編之彙義取諸
三才吾道其昌矣然則是志也關係豈小小哉
雖然紀載殊端惟人物爲最纂編易就必感化
實難容之地里類亦足觀矣其人如靜修之學
術正大節操堅貞楊椒山之忠直激烈王主敬
之剛正清廉在官則有廉平之雷思仁恕之奧

容城縣志

二

屯勵精之賈夔廣愛得衆之謝壘斯皆人物之
傑出者在我後人觀法之可以感發而興起者
也嗣茲而生於斯者修德立行砥名礪節宦於
斯者敦本尚實濟民利物洪濶遠到以共翼斯
道於無窮仰惟前人時若慎母曰古今人不相
及則作志者亦與有光云

隆慶三年夏五月

原序 二

趙秉忠

癸卯秋余北上道出白溝渡時衰柳寒鴉影落
殘照彌西望一帶城阜隱隱狀如霞起詢之士
人答以容城縣因念同社友蔡賓王駿才也少
以博學拔幟而製錦於此其少能文章以飭吏
治閏三月賓王述職歸下事竣會余於京邸
手縣志眎余曰容城下邑也然紀興廢不
可無志補殘缺不可無流替志初於李蔡春自
隆慶三年以迄今二十有年之循故事增補而成
者也間問風俗因循之弊勤問經術曰崇尚先

容城縣志

三

哲問理學曰有元劉靜修先生紹孔孟之傳高
不仕之誼邑人宗之問忠義曰楊椒山先生鍾
間氣於茲士自以海仰其景烈而豈遺於鄉之
人外是若山川之向背輿圖之沿革政事之利
弊一一抵掌而談若揭照數計蓋不啻燭關其
籍猶之海內之風俗也余是知賓王其志有深
意寧獨以文章爲事乎抑亦以
載地通志之體以重人乃人乃以重地也
邦之有言者若其則也志之所以爲志蓋符
寶之印璽用正則正用邪則邪不用而置諸

猶之無有容邑之有靜修椒山二先生吾道出
處之正印也惟是提携之者有人則符寶珍爲
世瑞賓王私淑二先生亟爲表章其嘉言懿行
勁節高標若咸池浴日而重朗俾邑之士民口
述身踐悉符二先生之矧茲非賓王之善於用
正常用常新而對先民於几席者耶士人果能
不隳跡先哲之模不浸厥賓王之指處則講道
論德爲真儒出則滿耳批鱗爲名世容邑藉賢
哲以鼎重於天下於以肩翼京國稱首善地將
山川且爲止氣而輿圖因之生色賓王斯舉寧
其字序之者國史修撰北海趙秉忠也時
萬歷歲甲辰夏之重午日

原序三

邑令趙士麟
河陽人

郡國之書以備輶軒上之

天子彙成圖籍昭一代之盛蓋重典也容咫尺

京輦地窪瘠民多蕩析閭左佗僚實甚余弗類弗

克牧民於况瘁惟尸曠是惕邇奉

綸音纂修通志 憲檄下徵邑乘余稽容古燕地縣

自漢始邑之有志肇於明隆慶丁未李侯綦春

再修於萬歷甲辰蔣侯如萃越茲七十餘年代

革時移人湮事易所宜表章而釐正者未易更

僕數爰集邑諸宿彥於敬一講堂經理之不踰

容城縣志

三

月而功竣章章縷縷恢恢燿燿編摩考據燦若

列眉用報成事焉夫古者今之鑒也往者來之

師也公輸子天下之巧人也釋規矩自創則拙

故蒐奇抉異博者能之塗出幻化才者能之若

樹鉅標棗闐幽昭故貴質而要典而法先其大

者不遺乎衆斯信而可傳今

國家定鼎於燕四方奉贄納貢之臣繼屬而至其

諸羽毛齒角百物珍異皆

御府所餘容錯壤於扶風三輔間凡疆域建置城墜

星落與夫林麓川原之美食貨菑畝之息有司

考戶口覈繇役歲上之司農何一非

國家所有然所貴者獨有道之儒忠貞之士耳茲於邑考理學則曰劉文靖公孫徵君考忠節則曰楊忠愍公是三先生者近接鄒魯遠肩逢比祇頽波而撐日月百世之下千里之廣聞其風者尚當頌廉懦立况在里黨開乎容固彈丸黑子地哉異日者會計朝宗獻琛陳璧則容豈在諸姬後蓋自古英君誼辟所禱祠而求者所重在此不在彼也故是編所錄人必關風所稱豪俠奇儻不由先王之道者不與焉言必範世舉

浮侈無當繁華沒實者咸竄焉至賢孝循良幽貞孤嫠是非去取悉一聽於士大夫與國人寧嚴母泛寧信毋疑弗敢襲舛訛以惑觀聽予竊有所感矣余自南中來而渡於河見有轉大木於河澗者前呼輿譁後皆應之木駭然如馳當是時也鄙有齊謳郢謠吳歛越吟以及激羽流商之奏截雲下塵之曲悉未用之茲故執符於往度叅變於今規而先其大者蓋有感於轉大木之事也且割正於中庸會通於衆論而不與以已蓋有感於轉大木而前呼輿譁之事也若

夫厪鹵瘠鏡民隱察機祥辨淑慝休養生息起
弊維風是所望於後之君子是役也邑孝廉李
君進光孫君立勳明經李君龍光皆有良史才
考覈往牒撰次新事之功多而蒐羅稽詢則原
任黃梅令孫君琦進士孫君祚昌孝廉楊君友
桐明經李君知新實襄其事彙輯校繕則茂才
梁生可均朱生澤滄張生棻梁生永溥張生奇
鵬李生瑞球儒童孫士琬云

康熙癸丑秋七月

原序 四

孫奇逢 邑人

容城有志由來舊矣萬歷甲辰修於東魯蔣少陽使君崇正癸未再修於關中胡葵衷使君稿成未梓而罷胡信山付其稿於余携過蘇門康熙癸丑奉 憲檄編修邑志適河陽趙玉峯使君膺其事走使蘇門索所藏以備採取借邑諸文學襄厥成成而復索序於余蓋以生長是邦言或可信然羣矣心思多舛往事新門未能詳述獨念上谷屬邑二十容城僻處一隅右倚郎峯左繞白河夙昔懿德嬖行率不乏人而劉靜

容城縣志

序

八

修先生之理學楊椒山先生之忠節不徒光邑乘而且以照耀天下馨香奕世無俟增加修飭者他如山川城池土田墳墓官師科日藝文諸類歲久勢變損益不一無一不待賢使君之修明以準制而合道昔揭傒斯言志以存於得人
有學問文章不知史事不
史事而心術未講不可
多載地方之利
地之後請
或借外助以今

水地而曹州江泰如信
文餘地期蘇民困

又除豁莊基墳地壕塹道路訖土田變矣諸事亦率因之變革詳核者或至廢弛防維者或至蔑棄淳朴不無澆漓饒洽漸滋彫弊升降在世道休戚在民生可念也可志也使君起弊扶衰軫災獨旌節孝修城池革火耗而又範俗程士崇舉正學凡歷年廢興之事所爲條列而詳著者無不可以示法示戒去俚去浮彬彬乎信史美觀也然於人物之鼓舞尤見實用焉蓋自劉楊兩先生樹幟於先如靜修及門梁至剛劉英李蒙等他如五經進士隱居林尖之胡炳南一

時興起羽翼不孤迨其後疏請從祀之李希直張希古皆其表表耳目者嗣是一節一長之士率仰顧前哲不敢有外名教使君偏全畢錄大小兼收已足深入觀感又復加意理學率邑紳士時習而講明之將見劉楊兩先生興起於前使君同揆於後闡揚警策希企往昔將以昭示後來撐拄天地豈特一邑乘之關係已哉謹序
康熙十二年癸丑孟冬吉日

原修志紀事

李進光 邑人

容志自永和益都兩公肇修後曠以缺者七十祀其間制度沿革吏治得失人事廢興與夫忠孝節烈諸熾行半就蕪沒非所以昭往勸來也會奉

旨纂修一統志台檄徵之邑邑侯河陽趙公憫文獻久堙慨仔肩之命余及諸同人董其事余維先正有言史貴實不貴華貴公不貴私貴能傳信於千百世不貴粉飾鋪張以耀一時是故玉卮無當雖寶弗用侈言無驗雖麗弗經惟志亦然

容城縣志

事

十

首方域著厥所自星野燕爲箕尾分山川地平衍白溝帶其東北鮑河襟其西南蓋巨浸也戶口賦役生齒登耗繇役煩簡而世道升降因之城池民所藉以衛廟社民所倚以福物產學校民所恃以養且教也皆犁然眉列人物則前有文靖忠愍今有徵君皆海內表表者乃如智效一官德擅一鄉者指不勝屈雖筭幃亦煥星辰光河嶽焉至於宦蹟之赫煜寓賢之聯華川岳爲之獻靈人文以之生色不啻天球河圖矣若夫藝文思絢道德藻揆天庭有關風教者則列

諸琬琰其餘雖工槩未登也未以災異殿蓋謂
有人事則有臧否有臧否則有感召長世字疇
者兢兢然若天道保民生鑒往所以謹來哉嗚
呼一志而天地人物三才之道備焉余學踈才
劣博物不能如國僑幸逢其盛得尾諸君子後
繆同編輯不兩月而竣其役公以鐵筆總其成
裁正釐訂字字精研乃壽之梓其亦庶乎可以
信今而傳後矣故爲紀其畧如此

康熙癸丑中秋日

原修志姓氏

知縣

李綦春 蔣如萃 胡廷佐 趙士麟

教諭

李東奎 謝夢豹

訓導

孫良祐 劉 睿

典史

蕭 檀 文 愚

邑人

容城縣志

氏

十三

胡 彧 李進光 李龍光 趙啟光

李瑞徵 李昌宗 孫立勳 楊遠條

孫 淦 梁永淳 李用樞 崔之璉

王克明 梁可均 梁永溥 張奇鵬

鄧 振 孫士琬

新修容城縣志姓氏

纂定

容城縣知縣 王克淳 筆峰山東黃縣舉人

參閱

容城縣教諭 王時堯 堯田河間府東光縣舉人

容城縣訓導 蕭栢 歲青奉天府承德縣教習

督刊

容城縣典史 徐倫 達人紹興府會稽縣人

考訂

內廷教習河南柘城知縣胡具朴 邑人

容城縣志

上

三

庚辰恩科舉人 魏士 邑人

恩貢 侯鏜

歲貢 王以楫

編次

廩膳生 員 陳亮采

廩膳生 員 孫鈞

增生 員 梁永沛

增生 員 孫鎮

校對

增 廣生 員 楊銘

孫 鏗

胡具梅

宋允恭

楊行可

陳 鎔

採訪

趙克侓 廩生 宋 著 廩生 鄭 坊 例貢

楊登寬 監生 張彥元 增生 尙 勛 以下俱 生員

王仁涇 蕭瓊貴 王 洩

胡具僕 張天爵 雷天爵

容城縣志

劉 鉅 劉 坊 王永泰

曹振聲 朱永年 孫 璉

李習吉 李效乾 李天衢

李溫玉 李溫恭 賈銘盤

高允升 孫耀先 曹 瑛

捐資

曹 琬 例貢 捐銀二十兩

李大剛 侯選 守備 捐銀二十兩

胡具梅 生員 捐銀十兩

劉孔亮 監生 捐銀十兩

朱景清 監生

捐銀十兩

李栢甫 生員

捐銀十六兩

李宗堯 監生

捐銀十六兩

楊得祥 監生

捐銀八兩

師萬金 監生

捐銀八兩

容城縣志

凡例

一覈實

採芳椒貴披文而得情錄節孝務循聲而核實遺則沒善濫更失真偏好則誕偏惡則枉茲廣爲稽考訂誤補遺著其有徵者

一書例

善不足稱雖貴弗銘事可維風卽賤亦勒若人賢矣而論未定弗書論定矣而事或佚弗書事非引史據傳承訛襲舛弗書文非利病攸關名

容城縣志

十六

教所係弗書總劾史氏體裁以成直紀實錄

一嚴釐

嗜酒者不得矯之以醒面黑者不得誣之以白子孫只知爲祖父爭體面而過爲溢美人各有口反因之而摘短攻瑕實自開之隙慎母借口爲孝子順孫而以不情之詞罔祖父於地下也庶其共諒

一旌揚

凡名宦鄉賢載在祀典孝子節婦已經旌表者其美政實事罔不搜採至未入祀典未經

旌表實有功被生民節孝可風者詢諸故老參之
輿論特增小傳勒爲典型

一立論

集各有類類各有目茲於一類之首序述志義
冠以數言要皆論而弗斷褒貶是非所不敢出
也

一刪繁

舊志不無冗繁茲嚴爲訂証凡名賢著述有關
土地人民者存之如無切本邑雖鴻詞鉅裁概
不敢錄

容城縣志

列

七

一分類

志共八卷總以地輿宮室學校食貨秩官人物
藝文雜志使其類各隸焉一省煩冗一便觀覽
一正經

左道有禁祀事宜嚴舊志所載寺觀盡行刪去
必祀典所載有功德於民者乃登之

重修容城縣志目錄

圖

星野圖

疆域圖

縣城圖

文廟圖

縣治圖

八景圖

輿地卷之一

星野

疆域 沿革

山川

古蹟

城池

里社

橋樑

河堤

邱墓

風俗

宮室卷之二

公署 倉廩舖舍附

壇壝 義塚附

廟祠

綽楔

容城縣志

目錄

學校卷之三

文廟

儒學

祭器

樂章

儀注

祝文 羣祀祝文附

書箴

鄉飲酒禮

食貨卷之四

戶口

人丁

支解附 旗租

稅課

倉穀

武備

物產 集市附

秩官卷之五

官制

官籍

名宦

人物卷之六

理學

鄉賢

忠臣

甲科

鄉科

恩選

歲貢

例貢

稼史

封蔭

武科

武弁

隱逸

善行

孝友

節烈賢孝

藝文卷之七

諸論

疏

記

序

傳

書

碑

表

辨

說

引

跋

銘

贊

歌

賦

容城縣志

目錄

二

詩

災異卷之八


容城縣

志書圖

容城縣志

星野圖

圖




樓

臺

臺

樓

關



秀觀門

容城縣志

圖

四

文廟圖




東宅



啟聖祠



道冠亭



明倫堂

進德齋

聖

東廡

名宦祠

星橋

亭

修業齋

西宅

殿

西廡

池

鄉賢祠

天地配

容城縣志

縣治圖

圖

五

東軒

縣宅

捕廳

地土祠





禮賢館

書房

大

儀

大



容城縣志

圖


六



預備會




西園別業



縣守



堂



書房



門

獄神祠



門



門

八景圖

聞之積土成山而梗楠生積水成淵潯蛟龍騰積
氣成異而賢哲興容無巖谷足窺憑眺僅有白河
孤流於左難言形勝矣然一邱一壑會心初不在
遠矧茲八景亦皆靈氣所鍾依仿舊圖臚列名勝
匪云刻畫靈秀庶以點綴太平云爾


容城縣志

圖

古城春意

在城北十五里

土壤肥饒草木暢茂每春早發比他地異



容城縣志

易水秋聲

樹木蔭

翠禾稼


繁盛暑

退風清

水聲嘹

曉

圖




谷城縣志

玉井甘泉

在城南
午方村

泉清味甘
與他所金宗
駐蹕名曰甘
泉



容城縣志


圖



白溝曉渡

地皆孔道
烟樹蒼茫
朝露未晞
競夜

春城



賢塚洞

修先生墓
在拒馬河

南岸

河水冲决

地多圯

獨此三石

崇洞無虞

容城縣志

忠祠松雪

在學
官東

堂廡嚴整


栢檜森然

每當風雪

清翠亭秀

圖

士



容城縣志

白塔鴉鳴城在



東白塔村
屹立塔下
拍手相擊
鴉聲即應
神異莫測



容城縣志

古篆搖風 在明


倫堂
前
每遇微風
碑座搖動
塵埃徐出
見者驚異



谷城縣志

圖

十五



容城縣志卷之一

輿地志

書曰申畫郊圻慎固封守蓋分土分民政在是焉故首星野辨星土也次方域識封壤也次山川紀形勝也次古蹟興憑弔也次城池明險守也次里社著民居也次橋梁表利濟也次河堤防水患也次邱墓啟後人也次風俗觀民尚也嗚呼緣地以盡制左右以宜民從政君子豈徒發盛衰興廢之感已哉

星野

容城縣志

卷一

星野

春秋元命苞曰箕星散爲幽州分爲燕國

史記曰尾箕幽州紫微斗星其六爲闕陽王燕而天垣之三亦曰燕

前漢地理志曰燕尾箕分野涿郡之易容城范陽新城固安涿州良鄉新昌及渤海之安次皆燕分也

爾雅曰析木謂之津釋者云天漢之津梁爲燕天漢爲燕之分星而幽之土星也

宋史云中台之下星王冀

通考云上谷入尾一度右北平入尾七度涿郡

入尾十六度高陽志謂於燕當尾箕於趙當昴
畢尾箕析木津也唐志以上谷爲析木津分蓋
尾箕爲東方之宿而天漢起東方實經於其間
尾九星十九度去極一百二十七度箕四星十
一度距西北星去極一百二十一度半天獄主
辰星爲燕爲趙其天柱有填星舍中央爲大旱
燕趙之地當之高陽志又云女下十六星爲十
二國而齊北二星曰趙楚南二星曰燕至於五
星之中之辰星現實主燕趙容城古燕上谷郡
地也

疆域沿革

五帝時唐冀州虞幽州夏商冀州春秋爲北燕
魏屬燕國上谷郡周召公封燕於其南陸地
七秦始皇分天下爲三十一郡爲上谷郡漢封
漢三有郡氏於之置容城屬涿郡東漢省入
涿縣魏文帝更名范陽郡晉武帝置國封宣帝
弟子爲王而容城隸之屬幽州郡范陽國北齊
並入范陽隋開皇三年改爲道縣唐武德
五年置七義州道將廢焉貞觀元年州廢縣屬
易州聖歷二年改爲全忠縣神龍中仍曰道縣

容城縣志

卷一

疆域

三

天寶元年復曰容城縣五代晉天福初入契丹
仍屬易州周顯德六年亦置容城縣割屬雄州
尋廢宋建隆四年復置仍屬雄州金太和八年
割屬安州貞祐三年改屬安肅州後仍屬雄州
元屬雄州隸保定路明初省入雄縣洪武十四
年復置屬保定府

本朝因之

容城之域舊本寬廣按水經注曰易水東注渥
水在容城縣東南安州志云漢新安本涿郡容
城地故老云定興楊村等社皆容城屬地見石

碣大約相距有六十餘里金至元九年置新安
縣始分其南地大定七年定興縣立移楊村等
社屬焉明初隸雄州洪武七年改雄州爲縣併
其地十四年復爲縣屬保定府重行揆步里至
狹隘編戶六里廣四十里袤三十里東至新城
縣界三十六里至縣治六十里西至安肅縣界
十八里至縣治四十里南至新安縣界八里至
縣治三十里北至定興縣界十八里至縣治五
十里東南至雄縣界十八里至縣治四十里西
南至安州界十二里至州治四十里東北至新
城縣界十八里至縣治六十里西北至定興縣
界十六里至縣治五十里西南抵本府九十里
北抵京師二百六十里

山川

四野平坦無山

易水考寰宇記易水有三南北中源皆谷出南
易名雹水源出獨石岡經安肅入容城界卽瀑
河下流安州中易名武水出故城閭鄉谷中自
易州入定興河陽渡史云燕太子丹祖荆軻於
易水上卽此北易名濡水出窮獨山南入定興
與中易水合流俱入縣之巨馬河于查閭容城
境內河道無
易水名實昔易水之下流蒼志載易水著其
源也今或所親勘者而詳其原委於左
瀑河縣西南十二里源出易州獨石岡由安肅

入縣之西牛營界東南流新安界下抵安州河
濱地畝賴以灌溉

巨馬河縣北十里源出涿水縣由定興縣之楊
村入容之城子村界新溝市村至王家營入白
溝河或云巨馬河以晉劉琨拒石勒得名

白溝河縣東北三十里宋遼以此分界源發代
郡爲巨馬中易北易三河會流處由新城縣之
高橋流入容城縣界舊從白溝店北流永樂年
間徙店南經王祥鄉流瀉雄縣

萍河乾河也縣西南十二里起安肅縣之田部

鋪入縣之西牛村匯入龔家溝

龔家溝乾溝也縣西南八里起縣之龔家庄下
達鄭家溝

鄭家溝亦乾溝也縣南十五里起縣之小李村
下達新安縣之韓家埕

胡渠溝亦乾溝也縣西十里起安肅縣之胡渠
村經縣之沙河村南入萍河

王許溝亦乾溝也縣西南十五里起縣之小李
村入新安縣之三臺村

古蹟

三臺城容舊屬地城塚記燕魏分易水爲界築登降以耀武卽此亦名劉盆子砦下有洞迤西二里至三臺浮圖東有古井井有券門臺上可登眺所稱臺城晚照卽此靜修書院在焉按三臺今屬新安舊載入縣志因有靜修書院故耳今仍舊載入

督亢波劉向別錄曰督亢燕膏腴之地風俗通曰亢莽也淫淫漭漭無際涯也在容城北界

古城卽八景內古城春意也在縣北十五里城子村前周圍七里故老云唐寶建德築儒學故址在縣東南洪武七年歸併雄縣廟學俱廢

容城縣志

卷一

古蹟

七

講堂在舊學後元至正間縣尹賈彞建今廢孔子廟在縣西沙河村元梁師安建殿宇廢基址存

瞭馬臺在縣東二十餘里宋楊延昭築此以望馬基址現存今立寺

古溝在縣北門西三十餘步北門跨橋卽此處也其西有家百餘因以溝西名邨白河水溢從

村西來直抵城下從溝北洩而東由天溝流新
安白洋淀

浮圖一座卽八景內白塔鴉鳴也塔高七丈周
圍六丈五尺故老云宋時建

城池

城周圍三里一十五步高二丈下濶一丈六尺上濶八尺池深六尺濶一丈二尺歲久坍塌明景泰初大尹王璽重修成化四年大尹林景重修名西門曰迎恩北曰鎮東南曰朝陽正德六年大尹劉相重修有記嘉靖六年大尹慶二年大尹童思善奉文增高二尺六年大尹慶二年大尹五尺深一丈五尺三年大尹李葵春三門外各置木橋一座上用欄杆兩道置八字牆更城門名北曰拱極南曰朝陽西曰饒日萬歷三十年

容城縣志

卷一

城池

九

大尹蔣如莘重修三門橋梁又建坊於西門外題曰秀擁大尹徐廷松撤舊基重修增高加厚三門樓有記或藝文

本朝康熙十二年大尹趙士麟重修南樓曰薰北曰近宸西曰攬秀乾隆五年大尹王之鼎請帑重修

里社

進德里 縣西南村十五

東牛村 去縣八里

高莊 去縣八里

東莊 去縣八里

小莊 去縣五里

白龍村 去縣十里

小李村 去縣十五里

王村 去縣十五里

劉牛村 去縣十二里

西牛營 去縣十二里

師家莊 去縣二十五里

李茂村 去縣十里

南張村 去縣十四里

北張村 去縣十四里

沙河村 去縣十里

沙河營 去縣十二里

容城縣志

卷一

里社

十

歸化里 附郭及縣西北村十九

溝西村 去縣里許

午方村 去縣三里

白塔村 去縣里許

小白塔 去縣四里

馬家莊 去縣七里

北城村 去縣四里

王果莊 去縣六里

王家莊 去縣六里

高家莊 去縣十里

東張楚 去縣八里

西張楚 去縣八里

張楚營 去縣九里

東四莊 去縣十五里

西四莊 去縣十五里

段家莊 去縣十里

樓堤村 去縣二里

小樓堤 去縣二里

野橋村 去縣二里

野橋營 去縣十七里

興賢里 縣東北村十四

大八于 去縣八里

小八于 去縣八里

西壩村 去縣九里

大南頭 去縣八里

小南頭 去縣七里

陳家莊 去縣十里

張堡村 去縣十二里

小張堡 去縣十二里

大河村 去縣十五里

小河村 去縣十五里

后台村 去縣十四里

溝市村 去縣十五里

城子村 去縣十五里

賈家莊 去縣十里

樂安里 縣正東村十五

谷城縣志 卷一 里社

胡村 去縣十四里

南文村 去縣十四里

南文營 去縣十五里

南鄭村 去縣十五里

北鄭村 去縣十五里

瞭馬臺 去縣十五里

張市村 去縣十五里

南劇村 去縣二十里

北劇村 去縣二十里

南河照 去縣十五里

北河照 去縣十五里

新夏莊 去縣二十五里

四合莊 去縣二十五里

打魚莊 去縣二十五里

騎馬莊 去縣二十五里

王祥里 縣東村十一

四張京 去縣二十里

南王管 去縣二十二里

北王笪 去縣二十三里 王家營 去縣二十五里

李家營 去縣二十七里 張家莊 去縣二十七里

白溝店 去縣三十里 王褚村 去縣三十里

王祥村 去縣三十里 新蓋房 去縣三十里

閻家舖 去縣三十里

遷善里 後添

容城縣志

里社

橋梁

三門橋康熙七年署縣事蔣仕榮重修

北關橋在縣治北關西壘石成之其水源來自龍堂潭橋崩於永樂初今廢

黑龍口石橋在縣西南二十里小李村南通保定路嘉靖年修土橋在黑龍口西三里許通安

肅路嘉靖年修乾隆二十八年奉 恩請 帑次建木橋通舟楫

王村西土橋南石橋乾隆二十八年奉 恩請 帑俱改建木橋

小李村東西兩石橋義士李尚玉朔造康熙十年重修有碑記

古渡橋白溝河橋也在白溝店西木橋高二丈三尺寬一丈五尺長二十丈乾隆二十五年知縣王克淳重修有碑記

永安橋巨馬河橋也在王家營北康熙五十年邑侯王一元建高一丈五尺長一百步寬濶五步乾隆十八年邑侯劉師健重修有碑記

河堤

瀑河堤西接安肅東南連新安康熙九年大尹趙士麟重修乾隆二十八年奉 恩請帑重修巨馬河堤西自溝市村接定興東至王李二營連雄縣長四十餘里防巨馬白溝兩河水患高五尺寬一丈八尺底寬三丈九尺堤旁各村拉段分修

邱墓

周劇辛墓在縣東二十五里劇村居人掘地見墓志一通誌名年代俱載

漢李左車墓在縣南十五里白龍潭西居民獲墓志一通載左車名

宋八大王墓在縣東北西塹庄現存石碣

元大夫月不花墓在縣南六里有碑一通石門一座上書春露今壞

元臣梁平章墓在縣西沙河村有石碣

元儒劉靜修墓在溝市村卽波濤賢塚也中有

容城縣志

卷一

邱墓

七

碑天順八年大尹林景修築垣墉天啟丙寅孫徵君倡邑紳士建祠宇三楹於墓南內塑先生像庭前植栢門外豎坊題曰山高水長每歲清明節本縣同紳士祭之有墓表載藝文

元義士魏敬益墓在沙河村東

明侍郎王汝璠墓在白溝河右有諭祭碑

給事中王汝璠墓在北關正東

處士張三元墓在西關

參議陰標墓在東牛村北

太常寺少卿楊椒山墓初在北河照村西萬曆

三年遷於定興縣西南八里東引村墓前有都院孫丕揚題明忠臣楊椒山墓

世祖章皇帝御製表忠論立石刊於左論載藝文

運使宋彥墓在張市村西南有石坊

通判孫臣墓在賈家莊西北

運同孫養魁墓在午方村西北

知州薛溢墓在東牛村西南

通判劉繼志墓在王村西南

知縣陰助墓在東牛村東北

知縣牛學會墓在東牛村正南

容城縣志

卷一

卽墓

六

通判張克寬墓在西關

主事胡向化墓在東牛村西

司理陳述志墓在北關西北

兵馬使崔庚墓在沙河村南

知縣孫煌墓在西關正西

知縣張嘉遇墓在北關外西北

訓導孫繼志墓在午方村

司理李承光墓在王村正南有杜隱君越志銘

方伯梁炳墓在白塔村北有孫徵君志銘

訓導薛茂桂墓在東牛村

知縣周應選墓在東牛村

同知李日炳墓在北張村

知縣劉師因墓

知府梁永淳墓在王果莊村北

理學孫徵君墓實在河南輝縣而北城村則墓
衣冠處也

武城宰孫奇彥墓在北城村北

風俗

周職方云其利布帛其人二男三女畜宜五擾穀宜五種圖經云風土多寒士輕生而尚義有荆軻之遺風地理志云性緩尚儒仗義任俠與圖記云人性寬舒韓愈云多慷慨悲歌之士蘇軾云自古多英傑勁勇而沉靜劉漁云稍事詩書之業畧無僥競之風范鎮云風俗樸茂蹈禮義而服聲名一統志云民風質樸男不游惰女不治容勤務農桑府志云土無異產民務耕織

冠禮

容城縣志

卷一

風俗

六

前士大夫家間行之然今或有行焉者寡矣

婚禮

先以閨閣相契後以媒妁相通初行納采禮銀錢幣帛趨家豐儉謂之定親後行納徵禮首飾幣帛頗加於納采謂之完親

喪禮

成服後鄰戚相弔踰三日行旌禮有德位者魚羊剝豕誄文致祭士大夫家遺文公家禮不作佛事葬日親友祖送

祭禮

鄉人祭於墓士大夫家起祠堂墓祭亦不廢

歲時

元日 具酒殺寫桃符繪門神賀新歲

春日 先日迎春次日觀春官有公宴民有會賞

上元 結燈彩崇禋祀喧鼓吹

寒食 清明前一二日男女詣墓拜掃畢燕飲其側

清明 折柳踏青婦女簪落多架鞦韆

四月八日 俗信佛者作禮佛經會

端午 爲角黍江蒲酒懸艾虎男女家有節儀

七月十五 墓塚獻瓜果立麻穀

容城縣志

卷一 風俗 十九

中秋 爲月餅三月集親友夜宴玩賞


重陽 賞菊饋糕

十月一日 焚紙衣

臘月八日 煎五穀諸菓爲粥俗名臘八粥

二十四日 煎龍

除日 爆竹守歲



容城縣志卷之二

宮室志

宮室之制遠矣非徒輪奐觀美已也向明而治臨兆庶辨等威焉故備述朔建始末以俟治人晉之公署明行政立教之所繼之舖舍昭巡歷觀風之司次壇壝重祈報也次祠宇表功德也次綽楔紀勲烈也凡此者固不可窮工極麗以儆民而亦不容漫不修葺使傾盡而後太刳其殃民也倍甚後之君子尚其踵倣增新顧名思義也哉

容城縣志

卷二

公署

一

公署

縣治城內偏西明初隸雄州洪武七年改雄州爲縣併其地治傾圮洪武十四年復設容城縣大尹唐益因舊修正廳三間軒堂二間後堂三間嘉靖九年大尹祁鯨修耳房二間幕廳三間正德七年大尹呂錫重修東西司房左吏戶禮房承發科架閣庫右兵刑工馬科儀門內有官箴牌樓縣宅在正廳後典史宅在儀門東正德六年流賊兵燹縣治俱壞大尹劉相重修嘉靖四十四年大尹張國賢重修正廳隆慶三年大尹

李秦春重修後廳萬歷十二年大尹劉羽國建
東廳三間書舍三間築更垣一圍萬歷三十年
大尹蔣如莘重修建西廳三間康熙八年大尹
趙士麟重修後廳琴堂三間廂房四間書辦房
十四間增建樓一座大堂抱厦三間快手房一
間民壯房一間
庫樓在縣後廳之西嘉靖二年大尹畢張建今廢
庫房在縣正堂之東嘉靖三年大尹畢張重修今
廢

儀仗庫三間在縣廳西北今廢

容城縣志

卷二

公署

二

寅賓館在大門內東萬歷十五年建今廢

典史宅在儀門內東

鼓樓在縣大門上圯後未修

鐘樓在縣治大門東南乾隆十三年大尹程懋建

申明亭在縣東南洪武年建今廢

旌善亭在縣門東弘治年建今廢

輝惡亭在縣門西嘉靖年建今廢

察院在縣治東今廢

府廳在縣治西今廢

陰陽學在縣治東北今廢

醫學在縣治東北今廢

惠民藥局在縣東南久圯

養濟院在城內西南

留養局二一在城東關一在白溝店

常平倉在縣廳西北

社倉附

義倉四一在胡村一在白溝一在野橋一在小李

學倉在明倫堂東今廢

演武場在縣城南正德九年大尹劉相買民地十畝剏建今圯遺址存

舖舍

容城縣志

卷二

舖舍

三

縣城更夫巡更舖中舖一間北門外舖一間南門外舖一間西門外舖一間

南張舖在縣治西十五里原在村內南北長十五步東西濶十二步計地八分嘉靖十年移村東計地一畝

王祥舖在縣治東三十里東西長三十步南北濶二十二步舖內地二畝五分舖東地五畝舖北地一畝五分舖南地一畝五分又路西園圃地四畝

胡村舖在縣治南十里計地八分

壇壝

社稷壇在城西北里許

風雲雷雨山川壇在城東里許

先農壇在城正東里許

厲壇在城東北

義塚四

一在縣西北七里張楚村劉世達地

一在縣正北五里王家莊王鑑地

一在縣西南二里樓堤村太監劉清地有碑

一在縣西四里樓堤村生員康君錫地有碑

廟祠

關帝廟在縣治西

龍王廟在縣西關西南

城隍廟在縣治西北洪武十四年大尹唐益建景泰

三年大尹王豫重修隆慶三年大尹李綦春重

修碑石存萬歷三十年大尹蔣如萃重修添建

迴廊乾隆二十年大尹郭成峻重修添建戲樓

八蜡廟在縣南里許

今廟內神像與典禮不合

劉猛將軍廟在八蜡廟內

土地祠在縣治內儀門東南

容城縣志

卷二

廟祠

五

馬神廟在縣治內東北馬廐內

文昌閣在縣東城上萬歷三十年大尹蔣如萃建

魁星閣在縣東南城上

靜修祠在縣治西南元至正年勅建嘉靖二十二年

邑進士陰標增修萬歷三十年大尹蔣如萃

修刻椒山和靜修九飲歌於碑廟

陰葆元重修順治十年邑人胡

十五年知縣土克淳倡紳士重

忠愍祠在邑學東萬歷四年破有

江左彥增修三十年大尹蔣如萃

年大尹宋之儻置祭田崇禎九年大尹聶應緒
重修順治三年大尹江起元重修督學曹溶給
穀二十石十五年大尹... 重修康熙二年
大尹陳士性重修六年... 將什榮增橋子督
學蔣超給銀二十兩五十五年大尹郁士選重
修雍正十三年間王之麟重修乾隆十四年大
尹程懋置溝西村祭田二十七畝高家莊地六
畝南張村地三畝有碑... 二十年大尹劉
師健置胡村地二十五... 二十四年 總
督方 撥永清縣... 河淤地六頃安州
紳士建有碑記

容城縣志

卷二

廟祀

新安縣同口村河淤地三頃爲祠祭田有碑記
徵君祠在縣治西南康熙十九年大尹孟長安率邑
忠孝祠在明倫堂東

節義祠在縣治東北大街路西

烈女祠在縣治東南嘉慶... 一年知縣祁鯨建今廢
邑侯徐張二公生祠在... 定興鹿善繼爲之記載

藝文

邑侯朱王宋三公生祠在南郭
邑侯聶公生祠在白溝店

宋楊將軍廟在縣治西北城隍廟前今廢

防於城東
設瞭馬臺

劉誠意伯廟在縣東北里許

伯諱基容為立
廟不知何自

綽楔

城隍廟坊在縣治東北天啟三年大尹宋之儁建

儒林坊在學門前匾曰儲元養相今廢

靜修坊在祠前今廢

理學坊在縣治西南天啟三年大尹宋之儁建今

廢

儒官登第坊爲本縣教諭登癸丑進士吳鵬建今

廢

文昌閣坊天啟三年大尹宋之儁建今廢

進士坊在縣治東南爲給事中劉吉和建今廢

容城縣志

卷二

綽楔

八

進士坊在縣治東南爲刑部侍郎王寅建今廢

進士坊在白溝店爲工部侍郎王寅建今廢

進士坊在縣治東北爲戶部員外郎李世亨建今

廢

進士坊在縣治東南爲參議魏彥昭建今廢

進士坊在縣治東南爲參議陰標建今廢

恩榮坊在縣治東南爲勅贈兵部主事陰重光

建今廢

昭代直臣坊爲忠愍楊繼盛建康熙十年直隸守

道丁思孔重修改爲匡世直臣

雙壽重封坊爲 勅封行人宋文德孺人鄭氏建
今廢

進士坊爲戶部郎中宋豸建今廢

舉人坊在縣東南爲閻通建今廢

舉人坊在縣東南爲沈廣建今廢

舉人坊在縣東南爲楊志建今廢

舉人坊在縣東北爲胡世忠建今廢

舉人坊在縣東北爲李世卿建今廢

舉人坊在縣東爲劉盤建今廢

恤刑坊在縣西白溝店爲比部郎胡向化建

容城縣

卷二

續楔

鄉賢坊在縣東關爲誥贈太常寺少卿梁景先建

鄉約坊在縣人街路西嘉靖三十五年大尹張國賢

建

貞節坊在縣西南東牛村爲陰繼先妻崔氏建

貞節坊在縣治東南爲張志剛妻李氏建

貞節坊在縣西南東牛村爲陰春妻王氏建

貞節坊在縣治東北爲張世官妻王氏建

貞節坊在縣南白龍村爲生員王之妻陰氏建

貞節坊在縣村爲生員陳經之妻田氏建

貞節坊在縣西溝西村爲張鐸妻李氏建

貞節坊在縣南午方村爲孫光祚妻李氏建

貞節坊在縣治東南爲康廷相妻楊氏建

貞節坊在縣東南白塔村爲王鄰然妻胡氏建

貞節坊在縣西樓堤村爲生員胡堪妻顏氏建

貞節坊在縣東南白塔村爲財王懋極妻孫氏建

貞節坊在縣東南爲生員宋淙妻孫氏建

貞節坊在縣治後爲生員陽理陽妻張氏建

貞節坊在縣治東北爲烈長用妻董氏建

貞節坊在縣治東南爲胡淦妻常氏建

貞節坊在縣東北后臺村爲朱爾均妻楊氏建

容城縣志

卷二

紳耆

十

貞節坊在縣北北城村爲生員李煥元妻孫氏建

貞節坊在縣西南小李村爲安維翼妻凌氏建

節烈坊在縣南午方村爲黃桂林妻孫氏建

貞節坊在縣西北野橋村爲生員殷其熾妻周氏

建

貞節坊在縣

村爲張天才妻丁氏子婦

蕭氏建

貞節坊在縣北北城村爲梁永瀚妻何氏建

貞節坊在縣南午方村爲孫公望妻李氏建

貞節坊在縣

村爲王幾妻張氏建

貞節坊在縣東北溝市村爲劉國祥妻沈氏建
貞節坊在縣北北城村爲生員李用行妻崔氏子
婦凌氏建

貞節坊在縣東劇村爲顏大成妻蕭氏建

貞節坊在縣西南張村爲生員牛斗先妻陳氏建

貞節坊在縣西北張村爲殷寶柱妻路氏建

貞節坊在縣北高家莊爲高材妻張氏建

貞節坊在縣西沙河村爲魏連城妻范氏子婦王
氏孫婦衛氏建

貞節坊在縣西北野橋村爲劉亨吉之女建

容城縣志

卷二

紳楔

十一

貞節坊在縣西北野橋村爲監生孫錦妻趙氏建

貞節坊在縣西北野橋村爲郭實妻李氏建

貞節坊在縣西西牛村爲蕭守妻李氏建

貞節坊在縣東鄭村爲鄭學妻曹氏建

貞節坊在縣治東南爲孫法宗繼妻劉氏建

貞節坊在縣治東南爲孫興宗妻劉氏建

貞節坊在縣西西牛村爲蕭琰妻李氏建

貞節坊在縣東南胡村爲梁應龍妻楊氏建

貞節坊在縣南白龍村爲王焯妻李氏建

貞節坊在縣東關爲張珍妻胡氏建

貞節坊在縣東鄭村爲鄭安妻張氏建

貞節坊在縣西南張村爲牛長有妻李氏建

貞節坊在縣西西牛村爲李讓妻陳氏建

貞節坊在縣西沙河村爲崔文燦妻李氏建

貞節坊在縣西沙河村爲王士倫妻石氏建

貞節坊在縣西沙河村爲王士休妻龔氏建

貞節坊在縣西沙河村爲李克侷妻李氏建

節烈坊在縣南午方村爲孫彩鳳妻李氏建

貞壽坊在縣南白龍村爲王以桂妻楊氏百歲建

貞節坊在縣東北尉村爲顏大章妻傅氏建

貞節坊在縣東北大河村爲張福徵妻劉氏建

貞節坊在西澗村爲師應魁妻李氏建

容城縣志卷之三

學校志

古者建國親民必立學校學校者儲養人材之地教化所由隆也茂草是鞠佻達與刺識者傷之良由俗吏寡文鮮與論道肉食多鄙率罕流韻耳夫鸞鹿有洞蘇湖有條芳規不乏爲有司者所宜隆師教敦先德行而後文藝相與鼓舞不倦不可徒爲粉飾文具已也故舉歷代尊崇之典而併詳其儀使知國家建學之至意云

儒學舊在縣治東南創置無考洪武七年歸併雄縣積久傾圮十四年復設縣治知縣唐益建於縣治東北天順七年知縣林璟重修嘉靖十九年知縣王懋元重修有記萬曆五年知縣張與行重修有記萬曆三十年知縣蔣如萃重修

國朝順治十年署教諭柴應宸重修康熙十二年訓導周映斗重修乾隆十九年教諭許式玉重修

大成殿五楹廟中偏東先師像一碣正中南面

至聖先師孔子位四配位殿中左右向左復聖顏

子述聖子思子右宗聖曾子亞聖孟子

十二哲位東西墻下東 閔子損 冉子雍
端木子賜 仲子由 卜子商 有子若西
冉子耕 宰子予 冉子求 言子偃 顓孫
子師 朱子熹

按禮祀孔子自漢高始又漢魯相請置孔子廟
其後晉魏皆祀於國學而春秋釋典始於隋唐
武德初以周公爲先聖孔子爲先師貞觀二年
罷周公仍以孔子爲先聖四年詔州縣皆立孔
子廟高宗永徽中復如武德制旋以長孫無忌
等議仍如貞觀開元二十七年始正孔子南面

容城縣志

卷三

學校

二

之位

舊以周入南面孔子西面

追諡文宣王宋祥符五年加

至聖號冕十二旒服九章元大德十一年加封
大成至聖文宣王明成化弘治間禮樂用天子
制嘉靖九年以張璁議易木主題曰至聖先師
去其王號及大成文宣之稱改殿爲廟並禮樂
皆有降殺

本朝順治二年定諡爲大成至聖文宣先師孔子
其廟中配位唐以前惟顏子貞觀二年議以左
邱明卜子夏二十二入爲配至開元八年始以
顏子閔子冉伯牛仲弓宰我子貢冉有季路子

游子夏爲十哲曾子居十哲之次二十七年贈
顏子爲公閔子以下九人爲侯曾子以下七十
子爲伯宋真宗咸平二年晉十哲爲公會子以
下七十子爲侯左邱明以下二十一人爲伯
卽前
二十二入子神宗元豐六年封孟子爲公七年
夏已入爲伯配享大觀二年詔躋子思從祀咸淳元年以顏
曾思孟爲四配進顏孫子爲十哲元至順元年
以顏子爲兗國復聖公會子爲鄒國宗聖公子
思爲沂國述聖公孟子爲鄒國亞聖公
國公皆宋封至
是加復聖等號明嘉靖九年四配稱聖十哲以下皆稱
子之次一

容城縣志

卷三

學校

三

先賢左邱明以下皆稱先儒並罷公侯伯稱

本朝康熙五十四年升朱子入殿配享乾隆三年
升有子入殿東卜子之次移朱子於殿西顏孫
東廡五楹從祀凡六十二人

先賢

蘧子瑗

澹臺子明

原子憲

南宮子縉

商子瞿

漆雕子開

司馬子耕

梁子鱣

冉子儒

伯子虔

冉子季

漆雕子徒

漆子哆

公西子赤

任子齊

公良子儒

公子定 鄒子單 罕子臯 榮子旂

左子人 鄒子國 原子亢 廉子潔

叔子會 西子如 鄧子美 陳子充

琴子張 步子乘 秦子 顏子噲

顏子何 年 正子克 年 正子克 年 正子克

萬子 周子 程子顯

邵子

先儒

公氏高 伏氏勝 董氏舒 后氏蒼

杜氏春 葛氏亮 王氏通 范氏仲

容城縣志 卷三 學校 四

歐陽氏修 楊氏時 羅氏從 李氏侗

呂氏祖 蔡氏沈 陳氏淳 魏氏翁

王氏栢 趙氏復 許氏謙 吳氏澄

胡氏 王氏守 羅氏欽

西廡五楹 從祀凡六十一人

先賢

林子放 宓子不 冶子長 哲子哀

高子柴 樊子須 商子澤 馬子施

顏子辛 曹子卹 孫子龍 秦子商

顏子高 壤子赤 石子作 夏子首

后子處 奚容子葳 顏子祖 句子井

秦子祖 縣子成 祖子茲 燕子伋

樂子欵 狄子黑 子茂 子忠 夫子兄孟皮之子

公子葳 顏子 之僕 施子 之常 申子振

左子明 秦子冉 牧子皮 雍正二年增祀

公都子 雍正二年陞祀 孫子丑 雍正二年陞祀

張子載 程子頤

先儒

穀梁氏赤 高堂生 孔氏 安國 毛氏萇

鄭氏 康成 范氏甯 韓氏愈 胡氏瑗

容城縣志 卷三 學校 五

司馬氏光 尹氏焯 胡氏 安國 張氏枋

陸氏 九淵 黃氏幹 真氏 德秀 何氏基

陳氏 皓 金氏 履祥 許氏衡 葺氏瑄

陳氏 獻章 蔡氏清 陸氏 隴其

廟門三楹 舊稱大成門嘉靖年改為戟門以列戟故宋太祖建隆三年詔廟門立戟十六

枝大觀四年增為二十四枝

泮池 在櫺星門內嘉靖三十八年知縣張大經鑿修

櫺星門三楹

東西坊 左曰德配天地右曰道貫古今

崇聖祠三楹在聖廟東中祀

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

配享先賢左顏氏無繇孔氏鯉右曾氏黜孟孫氏激東從祀周氏輔成程氏珣蔡氏元定西從祀張氏廸朱氏松

按宋真宗咸平三年幸曲阜登叔梁氏堂詔封

爲齊國公元晉封啟聖王明嘉靖九年立啟聖

容城縣志

卷三

學校

六

祠題主曰啟聖公顏曾思孟父爲配俱稱先賢某氏以程珣朱松蔡元定從祀如兩廡萬歷二十三年以周輔成從祀雍正九年加封孔氏五代爲王更名崇聖祠以張廸從祀

明倫堂五楹在大成殿後

名宦祠三楹在戟門左

列祀十五人

鄉賢祠三楹在戟門右

列祀十一人

教諭宅一所在明倫堂西

訓導宅一所在明倫堂東

射圃亭在城內東北角正屬三楹今廢

祭器

籩 百二十二
豆 百二十
簋 三十
簠 三十

鉶 十八
登 一
罇 八
白磁爵 三十

銅爵 百五十
帛筐 二十
牲俎 二十九

樂器

編鐘 十六
編磬 十六
應鼓 一
搏拊鼓 二

琴 二
瑟 一
笙 二
笛 二

簫 二
塤 一
篪 一
排簫 二

敔 一
祝 一
木笏 六
麾 一

節 二
羽 三十六

容城縣志

卷三

學校

七

樂章 春祭夾鐘為宮倍應鐘起調
秋祭南呂為宮仲呂起調

迎神樂奏昭平之章 無舞

大哉孔子 先覺先知

與天地參 萬世之師

祥徵麟紱 韻答金絲

日月既揭 乾坤清夷

初獻樂奏宣平之章 有舞

予懷明德 玉振金聲

生民未有 展也大成

俎豆千古 春秋上丁

清酒既載

其香始升

亞獻樂奏秩平之章

有舞

式禮莫愆

升堂再獻

響協鼓鏞

誠孚壘廡

肅肅雍雍

譽髦斯彥

禮陶樂淑

相觀而善

終獻樂奏叙平之章

有舞

自古在昔

先民有作

皮弁祭菜

於倫思樂

惟天牖民

惟聖時若

容城縣志

卷三

學校

八

夔倫攸叙

至今木鐸

徹饌樂奏懿平之章

無舞

先師有言

祭則受福

四海鬯宮

疇敢不肅

禮成告徹

毋疏母賁

樂所自生

中原有菽

送神樂奏德平之章

望燎同

鳧釋我我

沫泗洋洋

景行行止

流澤無疆

聿昭祀事

祀事孔明

化我蒸民

育我膠庠

佾舞乾隆六年飭定佾舞生名數樂用二十二人
又執麾一人持節一人歌章四人外備更替四
人舞生三十六人外備四人凡七十二人

儀注

先期齋戒三日前一夕各與祭官入廟於階下
行一跪三叩禮教官滌器視牲瘞毛血祭之日
四鼓教官率各執事人陳設祭器祭品牲俎於
各

神位前工歌陳篋簏琴瑟鐘鼓祝歌五鼓各官朝

容城縣志

卷三

學校

九

服執事俱公服序立禮生導承祭官盥洗

階下立

典儀

樂舞生各就位執事者各執其事

贊

承祭官就位分獻官就位倍祭官各就位班

齊瘞毛血迎神

司樂

舉迎神樂奏昭平之章

贊

跪承祭官以下皆跪三跪九叩首

贊

興樂止

典儀

行初獻禮

司樂

舉初獻樂奏宣平之章

詣盥洗所濯水進巾詣醴尊所司尊者舉羣酌

醴執爵者捧帛執爵者捧爵

主祭者捧帛

詣

三聖先師孔子神位前跪獻帛獻爵叩首興詣讀祝

位跪典儀分獻陪祭各官皆跪樂止贊讀祝文

讀畢仍安原位樂作贊叩首與承祭官以下贊詣

復聖顏子神位前跪獻帛獻爵叩首與次 曾子

次 子思次 孟子皆如前儀其十二哲兩廡

分獻官於讀祝後典儀行分獻禮獻禮畢贊復

位樂止典儀行亞獻禮司樂舉亞獻樂奏秩平

之章亞獻禮畢贊復位樂止典儀行終獻禮司樂

唱舉終獻樂奏叙平之章儀皆如初終獻禮畢

贊復位樂止典儀飲福受胙贊詣飲福位跪飲

福醴受福胙叩首與復位典儀謝胙跪承祭官

容城縣志 卷三 學校 十

跪一跪三叩首贊與徹饌司樂舉徹饌樂奏懿

平之章徹畢樂止典儀送神司樂舉送神樂奏

德平之章典儀跪承祭官以三跪九叩首與典

唱讀祝者捧祝司帛者捧帛司饌者舉饌各詣

瘞所典儀望瘞承祭官率分獻陪祭各官面瘞

次立典儀焚祝帛瘞饌豆復位樂止禮畢

祝文 部頒 羣祀祝文並附

維年月日致祭於

至聖先師孔子曰惟師德隆千聖道冠百王揭日月以常行自生民所未有屬文教昌明之會正禮和樂節之時辟雍鐘鼓咸若馨香泮水膠庠益致嚴於籩豆茲當宗廟之祭章肅展微忱率將祀典以復聖廟宗聖曾子述聖子思子亞聖孟子配尚饗

崇聖祠祝文

禮行兩跪六叩儀與正殿同無樂

維年月日致祭於

容城縣志

卷三

祝文

士

肇聖王 裕聖王 詒聖王 昌聖王 啓聖王

曰惟王奕葉鍾祥光開聖緒盛德貽後積久彌

昌凡聲教所覃敷率循源而溯本宜肅明禮之

典用申守土之忱茲屆仲春敬修祀事以先

賢顏氏 先賢曾氏 先賢孔氏 先賢孟孫

氏配尚饗

關帝祝文

禮行三跪九叩儀與文廟同無樂

維年月日致祭於

忠義神武關聖大帝曰惟帝浩氣凌霄丹心貫日扶正統而彰信義威震九州完大節以篤忠貞

高三國神明如在徧祠宇於寰區靈應丕昭薦馨香於歷代屢徵異績顯佑羣生恭遇嘉辰遵行祀典筵陳籩豆几奠牲醪尚饗

關帝三代祝文 儀與崇聖祠同

維年月日致祭於

光昭公 裕昌公 成忠公日惟公世澤貽庥靈

源積慶德能昌後篤生神武之英善則歸親宜

享尊崇之報列上公之封爵錫命優隆合三世

以肇禋典章明備恭陟吉日祇事薦馨尚饗

社稷壇祝文 禮行三跪九叩無樂

容城縣志 卷二 祝文 十三

維年月日致祭於

社稷之神日惟神奠安九土粒食萬邦分五色以

表封圻育三農而蕃稼穡忝承守土肅展明禮

時屆仲春敬修祀典庶九九松柏鞏盤石於無

疆翼翼黍苗佐神倉於不賈尚饗

風雲諸壇祝文 儀與社稷同

維年月日致祭於

風雲雷雨山川城隍之神日惟神功天澤福佑

蒼黎佐靈化以流形生成永賴乘氣機而鼓盪

溫肅攸宜磅礴高深長保安貞之吉憑依鞏固

實資得禦之功幸民裕之殷盈仰神明之庇護
恭修歲祀正值良辰敬潔籩豆祇陳牲幣尚饗

先農壇祝文 儀與社稷同

維年月日致祭於

先農之神曰惟神肇興稼穡粒我蒸民頌思文之
德克配彼天念率育之功陳常時夏茲當東作
咸服先疇洪惟 九五之尊歲舉 三推之典
恭膺守土敢忘勞民謹奉羹章聿修祀事惟願
五風十雨嘉祥恒沐於神庥九穗雙岐上瑞頻
書於大有尚饗

容城縣志 卷三 祝文 十三

雩祭祝文 儀與社稷同

維年月日致祭於

社稷先農山川之神曰恭膺 詔命撫育羣黎仰
體 彤廷保赤之誠勤農勸稼俯惟藟屋資生
之本力穡服田令甲爰頒肅舉祈年之典惟寅
將事用申守土之忱黍稷惟馨尚冀明昭之受
賜來牟率育庶俾農裕於蓋藏尚饗

八蜡神祝文 禮行兩跪六叩

維年月日致祭於

八蜡之神曰伊耆始蜡義取報功先嗇司嗇遂及

我農緊郵表曦坊與水庸貓虎咸列害除昆虫
惟年順成八蜡乃通神其歆格錫我屢豐尚饗
劉猛將軍祝文 與祭八蜡同

維年月日致祭於

勅封天曹司揚威侯劉猛將軍之神曰惟神英鍾往
代靈赫 聖朝驅除蝗孽掃蕩虫妖螟螣不作
蠹賊潛消勦我農事保我禾苗民以豐裕盛德
斯昭敬陳牲帛來格是邀尚饗

城隍祝文

禮行兩跪六叩

維年月日致祭於

容城縣志

卷三

祝文

古

城隍之神曰惟神德慈聰明功隆捍禦壯金湯於
千載崇墉表畿甸之規節風雨於四時和會佐
歲功之叙禍淫福善顯呈有赫之靈威阜物康
民默相無私之化育 神麻丕應祀典宜昭敬
鍊日時肅陳牲帛馨香惟德格在茲尚饗

厲壇祝文

與祭城隍同

維年月日致祭於

城隍之神暨闔境無祀鬼神衆曰幽明異路守
土維均命折殊名求食同憂惟聰明正直有以
作之鑒觀庶蒸蒿悽愴無不極其情狀爰遵定

制聿舉明禋凡斯無祀之魂俱屬有生之類爲男爲女姓莫紀於宮商是故是新代何稽於子丑號風嘯雨斷子姓而疇依附草棲烟絕姻親其何託謹設壇於城北仰主祭於

尊神惟茲

中元禁烟焚衣

之節敬備牲醴肅具飯羹統一境

之幽魂索羣靈而大亨鬼言歸也庶幾望壇墮以知歸神之格思尚其鑒馨香而來格尚饗

忠義孝弟祠祝文

禮行一跪三叩

維年月日致祭於

忠義孝弟之靈曰惟靈秉賦貞純躬行篤實忠誠

容城縣志

卷三

祝文

五

奮發貫金石而不渝義問宣昭表鄉閭而共式祇事慈愛倫之大性摯莪蒿克恭念天顯之親情殷棣萼模楷咸推夫懿德綸恩特闡其幽光祠宇維隆歲時式祀用陳尊簋來格几筵尚饗

節孝祠祝文

禮與忠義祠同

維年月日致祭於

節孝之靈曰惟靈純心皎潔令德柔嘉矢志完貞全閨中之亮節竭誠致敬彰闈內之芳型茹水藥而彌堅清操自勵奉盤匱而匪懈篤孝傳徽絲綸特沛乎殊恩祠宇垂昭於令典祇循歲祀

式薦尊醪尚饗

龍王祝文

禮行三跪九叩與社稷同儀

維年月日致祭於

龍王之神曰惟神德洋洋寰海澤潤蒼生允襄水土
之平經流順軌庶濟泉源之用膏雨及時績奏
安瀾占大川之利涉功資育物欣庶類之蕃昌
仰借神庥宜隆報享謹遵祀典恪按良辰敬布
几筵肅陳牲幣尚饗

書籍

聖諭廣訓

大清律例

樂善堂全集

學政全書

日講四書

科場條例

字典

畿輔通志

周易折衷

書經傳說

詩經傳說

春秋傳說

三禮義疏

通鑑綱目

性理精義

明史

三賢集

志樂

容城縣志

卷三

書籍

七

理學宗傳

書院

社學在縣治南後移縣治西南街北今廢

正義書院原名正學書院後改今名在大街路北
縣治東察院西正廳五楹顏曰敬一堂東廂爲
經義齋西廂爲治事齋前後共三十一楹興學
會約列款十二一辨學二立志三明性四正心
五謹獨六躬行七篤倫八改過九虛受十讀經
十一持久十二申約知縣趙士麟建有記並約
載藝文今存正廳三楹中奉文昌帝君像東
西兩齋餘俱傾圮無存

書院地六十四畝四十八畝坐落縣東五里十六
畝坐落縣北王家莊村民耕種免差役歲延掌
教收其籽粒

義學在沙河村太學生李喆捐設置田五十畝以
爲膏火資

鄉飲酒禮

歲以正月十五日十月初一日行禮於儒學先
謀賓者大賓以耆德致仕官爲之次俱賓以鄉
耆有德者爲之次介賓耆德之次者次三賓又
其次者年皆六十以上知縣爲主人司正以教
官爲之贊贊以生員前一曰執事於明倫堂陳
設三次大賓位西北面東南俱賓位東北面西
南介賓位西南面東北主人位東南面西北三
賓在大賓位西面東僚屬序爵在俱賓位東面
西司正在主席東面北司正率執事者習禮至

日昧爽執事者宰牲具饌主人及僚屬司正先
請學遣人速賓賓至執事入告主人率僚屬出
迎於庠門之外揖以入主居東賓居西三揖三
讓而後升堂東西相向立贊兩拜皆坐執事唱
司正揚觶執事引司正由西階至堂中北向立
執事唱賓俱以下皆立唱揖司正揖賓俱以下
皆揖執事以觶酌酒授司正司正舉酒曰恭惟
朝廷之舊章敦崇禮教舉行鄉飲非爲飲食凡
我長幼各相勸勉爲臣盡忠爲子盡孝長幼有
序兄友弟恭內睦宗族外和鄉里無或廢墜以

容城縣志卷之四

食貨志

粵稽禹貢成則三壤成賦中邦洪範八政食貨爲先是誠不可緩者故首之戶口以植其本次之田畝以開其源賦稅以充乎公之入差役以給乎用之宜武備所以戒不虞也物產所以辨方物也審乎此則君可儉民可裕禮樂可興而政無不舉矣

戶口

原八百七戶順治年間開除逃亡故絕投充實

容城縣志

卷四

食貨

在七百三十二戶康熙十年編審增三戶實在七百三十五戶歷年生聚乾隆三十六年清查牌甲編造烟戶冊實在一萬二千二百九十戶人丁

原額上中下九則折就下下人丁一萬二千五百八十五丁順治年間編審除豁逃亡故絕實在人丁八千九百二十二丁歷年加添滋生丁至康熙五十五年編審原丁並加增實在九千一百六十二丁每丁徵銀一錢共徵銀九百一十六兩二錢奉

詔永不加賦雍正二年均攤入地糧銀內徵收

田賦

原額民地二千二百六十二頃七十一畝八分九釐零除圈估外實在存剩民地七百七十四頃五十畝三分零每畝徵正供銀一分二釐四毫零又徵雜辦銀一分八釐六毫零又加徵津旅兵餉胖衣芝棉鄉場物料銀一釐一毫零每畝實徵銀三分二釐二毫零其徵銀二千四百九十四兩七錢六分九釐零每兩均攤丁匠銀一二錢七釐零其攤丁匠銀五百一十六兩四錢

容城縣志

卷四

食貨

二

八分四釐零其徵銀三千一十兩三錢三分零遇閏每畝加徵銀三釐六毫零每兩徵丁閏銀七釐九毫零共加徵銀三百二十五兩三錢六分零額外每兩徵耗羨銀一錢四分其徵耗羨銀四百二十一兩四錢四分六釐零遇閏加徵耗羨銀四十五兩五錢七分八釐零

支解

修理

龍亭銀五錢

文廟銀十兩

文廟崇聖名臣鄉賢春秋二大祭銀四十兩

關帝廟春夏秋三大祭銀四十兩

社稷山川風雨雷雨城隍八蜡馬神等神春秋二大

祭銀三十一

三小祭共銀九十兩

時憲書銀三兩

鄉飲酒禮銀十兩

朔望行香紙燭銀一兩

本府驛遞工利等項解銀二百七十一兩九錢四分

零共解銀一千八百七十三兩七錢二分

容城縣志

卷五

食貨

加銀九十兩二錢三分零

本府步快批之每名工食銀六兩共解銀四十八

兩遇閏月加解銀四兩

本縣知縣俸薪銀四十五兩

門子二名每名工食銀六兩共銀十二兩遇閏

月加銀一兩

皂隸十四名每名工食銀六兩共銀八十四兩

遇閏月加銀七兩

馬快八名每名工食銀六兩共銀四十八兩

一百三十四兩四錢遇閏月加銀十一兩二錢

民壯四十五名每名工食銀六兩共銀二百二十五兩遇閏月加銀二十二兩五錢雍正年撥給宛平縣四名工食銀二十四兩遇閏月加銀二兩涿州四名工食銀二十四兩遇閏月加銀二兩清縣縣丞四名工食銀二十四兩遇閏月加銀二兩薊州州判三名工食銀十八兩遇閏月加銀一兩五錢本縣現在民壯三十名工食銀一百八十兩遇閏月加銀十五兩禁卒八名每名工食銀六兩共銀四十八兩遇閏月加銀四兩

容城縣志

卷四

食貨

四

件作二名每名工食銀六兩共銀十二兩遇閏月加銀一兩

轎傘扇夫七名每名工食銀六兩共銀四十二兩遇閏月加銀三兩三錢

庫子四名每名工食銀六兩共銀二十四兩遇閏月加銀二兩

斗級四名每名工食銀六兩共銀二十四兩遇閏月加銀二兩

農夫二名每名工食銀六兩共銀十二兩遇閏月加銀一兩

典史俸薪銀三十一兩五錢二分

門子一名工食銀六兩遇閏月加銀五錢

皂隸四名每名工食銀六兩共銀二十四兩遇

閏月加銀二兩

馬夫一名工食銀六兩遇閏月加銀五錢

教諭俸薪銀四十兩

訓導俸薪銀四十兩

齋夫六名每名工食銀六兩共銀三十六兩遇

閏月加銀三兩

門斗二名每名工食銀七兩二錢共銀十四兩

容城縣志

卷四

食貨

五

四錢遇閏月加銀一兩二錢

廩生二十名月糧六十四兩遇閏月加銀五兩三

錢三分零膳夫二名工食銀十三兩三錢三分

零遇閏月加銀一兩一錢一分零

騰錄書手銀八兩五錢七分零

舖司十名每名工食銀六兩共銀六十兩遇閏

月加銀五兩

吹手四名每名工食銀六兩共銀二十四兩遇

閏月加銀二兩

更夫五名每名工食銀四兩八錢共銀二十四

兩遇閏月加銀二兩

火夫十名每名工食銀四兩八錢共銀四十八兩遇閏月加銀四兩

孤貧六十四名口糧銀二百三十四兩四錢遇閏月加銀十九兩二錢冬衣布花銀十七兩八錢一分四釐零

遞馬八匹工科銀九十八兩二錢八分遇閏月加銀八兩一錢八分二釐

二年一辦

貢生花紅旗扁銀二兩五錢

容城縣志

卷四

食貨

六

三年一辦

會試舉人盤費銀十五兩每年該銀五兩

新中舉人每名牌坊銀八十兩每年該銀二十六兩六錢六分零

新中進士每名牌坊銀一百兩每年該銀三十三兩三錢三分零

新中武舉每名花紅旗扁銀十兩每年該銀三兩三錢三分零

新中武進士每名花紅旗扁銀二十兩每年該銀六兩六錢六分零

以上存留支解共銀二千八百四十七兩四錢八分五釐零遇閏月加支解銀一百九十五兩四錢五分六釐零餘解 藩庫

額外旗租

雍和宮香燈地二頃七十四畝八釐每畝徵銀不等共徵租銀二十八兩

公產地五頃四十一畝六分五釐每畝徵銀不等共徵租銀一百三十七兩八錢七分七釐零存退餘地六十四頃一十三畝二分三釐一毫零每畝徵銀不等共徵租銀一百三十七兩

容城縣志

卷四

食貨

七

九錢零

回贖戶下典買旗地三十二頃八十七畝八分每畝徵銀不等共徵租銀八百三十四兩六錢四分九釐零

回贖民典買旗地八十七頃二十八畝零每畝徵銀不等共徵租銀二千五百五十九兩九錢六分零

稅課

當稅 每店一座稅銀五兩

房地稅 赴司請領契尾每銀一兩稅銀三分

牙課稅 共十五名

牛驢雜稅

以上各稅數無定額儘收儘解

倉穀

常平倉額設穀一萬石

社倉穀無定額

義倉穀無定額任人捐助

鹽引

原設額引二千五百引又分認京引一百六十引

武備

經制外委把總一員 雍正五年增設

馬兵二名步兵十二名

墩舖三座

容城汎墩

王祥舖墩

新蓋房墩 俱在白溝店南屬雄縣汎

營房 在城隍廟前

遞送公文營房 在瞭馬臺

物產

蔬食類

粟卽今之穀也有黃白二色種類甚多脫殼則謂小米北人日用不可缺者

黍說文云禾屬而粘可爲酒有丹白黑三色

稷亦曰糜徐鉉曰楚人謂之稷關中謂之糜陝西通志曰苗穗似蘆而米可食其米猶黍米但不粘耳

麥有小麥大麥二種小麥秋種夏收具四時之氣晝花薄皮多麩食之宜人陳者更良又有春

種者曰春麥大麥仁可作飯生芽可作餽

秫紅白二種俗呼高糧其米可食味平無毒北方下濕之地尤宜此

蕎麥一作苳廣羣芳譜北人作餅餌日用以供常食農人以爲禦冬之具

豆爾雅曰茂菽其種不一大小各色不下十數種

棉花有白紫二色二高地種者最多

白菜一名菘廣羣芳譜北方多入窖內不見風日苗葉皆嫩黃色脆美無滓謂之黃芽

芥一名辣菜可鹽用東坡詩云蘆菘有兒芥有孫

葱味辛苗葉而筍

韭葉如馬連而小春芽香脆五雜俎京師有韭黃蓋地窖火坑中所成

蘿蔔廣羣芳譜一名萊菔狀有長圓二類根有紅白二色可生可熟可粗可齏又有胡蘿蔔水蘿蔔

高苣俗呼高苣遜齋閑覽云出倭國有紫白二色

芫荽一名胡荽切切所書云鶯不食草

葶藶其葉如艾香脆可食東坡詩云着眼應誇美如牙不塞齧

菠菜一名大葉菜東坡詩云北方苦寒今未已

雪底菠薐文鐵甲

芹菜有園芹野芹水芹又名水英杜子美云香片碧澗羹

茗藟一名秦菜葉厚而光滑飲膳正要云茗藟根圖狀絕類茄蓮今涼夏有茄蓮

莧菜格物論云莧有數種有馬齒莧紅莧白莧

詢芻錄北人呼苻乃莧音誤也

瓠味甘而形長一名匏瓜形圓者謂之葫蘆

瓜有西瓜南瓜梢瓜王瓜絲瓜甜瓜冬瓜數種

獨西瓜味極佳文文山西瓜吟云拔出金佩刀

切破蒼玉瓶干其核後桃一團黃水晶

蒜冰辛能消法盧解諸肉毒五月五日出土獨

辨者能治諸瘡

花菓類

桃唐明皇為銷恨花實有緋碧白三色杜詩云

鸚鵡啄金桃

杏葉似梅而微紅東坡詩云零露滋丹葉濕風

散晴葩實有丹銀二種

李花如積雪其實青脆者佳客燕雜記李有五

紫李綠李黃李麝李李盤山李韓詩云米盤

薦碧寶脆

梨有數種而香水秋白更佳辛寅遜詩云嚼

春冰敲齒冷嚼時雪液沃心寒

柰有數種即俗呼蘋婆沙菓甜菓是也潘岳賦

曰二柰耀丹白之色蜀都賦曰素柰夏成

棗有大棗小棗酸棗廣雅云棗有馬牙雞心杜

詩云庭前八月梨棗熟一日上樹能千迴

詩云庭前八月梨棗熟一日上樹能千迴
有言詩者多亦有玉葡萄味極佳魏都賦曰
有玉葡萄

石榴潘岳賦云千房同核一二如一江總詩云
庭榴剖朱實

菱說文云菱陵也韓詩云菱翻紫角利

芡周禮注云芡雞頭一名鴈頭內有米圓白如
珠八月三日食以爲食

蓮實說文云蓮荷實也藕荷根也爾雅云其實
蓮其根藕

容城縣志

卷四

食貨

三

菊一名日精種類甚繁

牡丹花譜云唐人謂之木芍藥北方地寒不甚
相宜冬必覆蓋

芍藥上林賦注云根主和五臟辟毒氣

薔薇俗呼佛見笑十弟兄者是米慶孫詩云四

面芙蓉
英
面芙蓉
薔薇俗呼佛見笑十弟兄者是米慶孫詩云四
面芙蓉

萱花說文云忘憂草也梅聖俞云人心與草不
相同安有樹萱憂自釋若能憂及此能忘乃是
人心爲物易

雞冠有紅黃白紫數種矮者名壽星雞冠山谷
詩云紫冠黃鈿縹緗窠

葵花名不一有冬葵戎葵莢葵向日葵黃葵錦

葵
西種

石
名剪春蘿太白詩云石竹繡羅衣

玉
詩云玉簪墮地無人拾化作

東

荷
葉爲芙蓉爾雅

云
爾雅注云

北
爾雅注云

容城縣

西

馬
蘭生道旁似蘭而大色黃無香離騷云蘭芷

變
不芳茶藨也

菖蒲一名菖歆風俗通曰菖蒲放花人食之干

年

萍
說文云無根浮水而生郭璞注云江東人謂

之藻爾雅云萍之大者曰蘋

木類

松
左傳云培塿無松栢容無山故此木少

栢
文選云青青陵上栢容城栢樹惟廟寺墳墓

中有近亦有植於家園者

槐管子云沃土其木宜槐魏都賦云槐以蔭途
桑毛詩云蠶月宜桑術云桑木箕星之精王介
甫詩幽燕桑葉暗川原幽薊古多樹桑今則絕
少矣

榆管子云五沃之土其物宜榆春秋元命苞曰
三月榆錢落又白榆名榆也周府志云白粉皮
可充饑其錢甚美葉亦可食漢龔遂治勃海令
民口種十樹備饑

柳管子云五沃之土其物宜柳州記云緣城堤邊
悉植細柳綠條散風曰文栢

容城縣志 卷四 食貨 五
榆一名栢爾雅云栢身曰櫨

禽類

雞春秋題辭云雞爲不陽火德之精故陽出雞
鳴以類感也白樂天詩云黃雞催曉丑時鳴
鴈爾雅云北方有鴈似鴻而小色白秋深乃來
來則霜降儀禮云婚禮用鴈

鶩一名野鴈古今注云鶩善鬪好啖蛇

鳴一名舒鳧李巡云家曰鳧野曰鳴今之家鴨
乃鳧也詩曰曲池眠浮鴨

獸類

馬格物論云馬武獸

騾崔豹古今注云騾驢父馬母

驢說文云驢長耳也

牛說文云牯特牛父也犢牛子也曲禮曰牛曰元武

羊古今注云一名羴羴主簿曲禮曰羊曰柔毛

豕爾雅曰豕豬也古今注曰一名長喙將軍

犬爾雅曰犬狗也魏賈曰犬主書則無穿窬之客夜則無姦淫之盜

貓西陽雜俎云貓日晴圓及午豎斂如線其鼻

尖常冷惟夏至一日暖

水族類

容無水澤巨馬白游河產有數種然亦甚少

鯉魚陶隱君云鯉為魚下品鱗三十有六

魴魚詩注云身廣而薄鱗細鱗

鯽魚本草云稷米所化也食脾

鮎魚爾雅云鮎鮎三月後出海

鮓鮓黃類似鮎而小背黑而腹白

鱮魚又呼為黑魚鱮而紋黑

鱖魚眼赤頭小而身長

蝦事文類聚云蝗化為蝦

鯨西陽雜俎云鯨腹下有王字者不可食

集市

在城 一三六八

白溝河 三五八十

小李 四九

張市 四九

容城縣志

卷四

食貨

七

130.187
34
2

第二册

卷五

秩官

卷六

人物

容城縣志

貞

容城縣志卷之五

秩官志

天下重器不可以一人理設官分職其來舊矣故首官制昭定員也次官籍記鄉曲也次名宦旌賢能也嗚呼受若職不怠若事貽芬月日靡忝先哲蒞斯土者尚其勉諸

官制

知縣一員 縣丞一員裁 教諭一員

訓導一員 典史一員 外委一員雍正五年設

醫學訓科一員 陰陽訓術一員 缺 貢生一年

容城縣志

卷五

秩官

廩膳生員二十名 增廣生員二十名 附學生員每考入學

十五名 武生每考入學 十二名 司吏缺

官籍

知縣

金

雷思渾源人詳見名宦

元

奧屯女真人詳見名宦

賈夔房山人詳見名宦

明



唐益 洪武十四年任

林景 福建人天順七年任

邵奎 遼東廣寧衛進士成化三年任

何宗 山東膠州舉人成化七年任

華崙 山東德州舉人成化十年任

李漢 山東舉人成化十五年任

孟理 山東兗州舉人弘治八年任

謝璽 山西代州進士弘治十二年任詳見名宦

鄭原 河南鄭州舉人弘治十四年任

劉思明 山東嘉祥舉人正德三年任

容城縣志 卷五 秩官 二

呂錫 江西奉新舉人正德五年任

劉相 山東壽張監生正德九年任詳見名宦

張績 陝西同州舉人正德十二年任歲荒施粥活民甚衆

畢張 河南祁州進士嘉靖三年任行人謫縣隄苑馬寺丞

袁文光 河南舉人嘉靖四年任

蹇賢 陝西涇陽舉人嘉靖七年任

祁鯨 河南汲縣監生嘉靖八年任詳見名宦

王元傳 廬州英山監生嘉靖十二年任

王懋元 遼東舉人嘉靖十七年任

李廷祿 山西臨晉監生嘉靖二十二年任

張鳴鶴 揚州海門舉人嘉靖二十四年任

吳可立 四川宜賓監生嘉靖二十七年任

陳治 浙江監生嘉靖二十九年任

李進忠 陝西藍田舉人嘉靖三十一年任

蔣棧 廣西全州舉人嘉靖三十四年任清廉公恕

張大經 山東滕縣舉人嘉靖三十六年任

楊乾貞 陝西朝邑舉人嘉靖三十八年任

黃天衢 福建南安監生嘉靖四十四年任

張國賢 河南內鄉監生清慎寬平時稱循吏

童思善 江西太和舉人隆慶元年任

谷城縣志 卷五 秋官 三

李素春 山西永和歲貢隆慶三年任識敏才通文學兼優始修縣志

何天德 廣西宜化舉人隆慶四年任陞廣平府同知

王德新 山東寧海恩貢萬歷二年任

苗如耘 山西朔州歲貢萬歷三年任

張與行 山西絳州舉人萬歷五年任陞滄州牧詳見名宦

劉羽國 河南唐縣進士萬歷十一年任詳見名宦

周有人 陝西鳳翔監生萬歷十二年任

江左彥 山東金縣監生萬歷十四年任

方義壯 江西進賢舉人萬歷十五年任

蕭迎 湖廣沔陽州監生萬歷十七年任

張席璿 山西保德州監生萬歷十九年任調城遠縣

孟熊 山東膠州舉人萬歷二十一年任

黨天爵 山東德平舉人萬歷二十六年任

莫應祥 河南孟縣監生萬歷二十七年任

蔣如萃 山東益都恩貢萬歷二十年任任縣志至公再修他若修文廟靜修忠愍二祠城隍廟規

模悉開徵焉

袁夢庚 山東舉人萬歷二十八年任

毛廷齡 山東茂貢

徐廷松 山東掖縣舉人萬歷三十年任詳見名宦

徐元薦 山東海豐人萬歷四十七年任邑人有黑徐白徐之稱黑徐謂廷松公也

容城縣志 卷五 秩官 四

張元義 山東選貢

郭宗憲 山西舉人

朱純 山東長清進士端介方嚴人不敢干以私文學及事成為時所推重與宋公有合祠

宋之儒 山西靈石進士詳見名宦

王文清 山東進士詳見名宦

賈元勳 四川巴縣進士

潘嗣衮 淮安貢生

曹鑑 河南輝縣選貢

張承業 山西貢生有修城功

璠詹緒 江南五河選貢崇禎九年任陞同知見名宦

胡廷佐 陝西平涼恩貢崇禎十三年任陞刑部主事

國朝

白粹忠 山西天城衛歲貢順治元年任

江起元 山東曹縣進士順治三年任詳見名宦

王 廕 遼東蓋州貢生順治四年任

宋興義 遼東遼陽貢生順治六年任開爽有幹局寇襲破城公出身懼之曰城皆良民

汝等欲殺良民非先殺令不可寇兵氣奪民賴以全

劉成龍 滿洲貢生順治六年任

靳台彥 河南盧氏歲貢順治十年任初多惠政惜以憂去

施化遠 江南上元舉人順治十二年任布衣蔬食無異寒素潔已愛民率多餘韻

容城縣志 卷五 秩官 五

霍光祥 遼東鐵嶺衛歲貢順治十五年任

陳士 江會稽恩貢康熙三年任陞山西解州知州

趙 巡撫詳見名宦

馮 古鄆拔貢康熙十四年任惠愛百姓周建義館

孟長安 河南洛陽舉人康熙十八年任

林 最 康熙二十七年任

張 濤 山西進士康熙二十九年任

張光祖 滿洲舉人康熙四十二年任

張 煥 滿城縣署容城事康熙四十八年任

陳守劄 高陽縣署容城事康熙四十九年任

王一元 山東進士康熙四十九年任

郁士選 江南宜興舉人康熙五十六年任捐俸課士恤民疾苦病施方藥死給棺木

陳圖 安州署容城事康熙六十年任

周松 福建舉人康熙六十一年任

林廷璧 福建舉人雍正四年任公明廉恕裁革雜派調任新安縣

李鍾俾 福建安溪進士雍正六年任

王之麟 河南祥符進士雍正十三年任課士愛民人至今稱之

王天慶 福建晉江縣劍監乾隆十年署任

程悰 山西祁縣舉人乾隆十年任三賢祠俱置祀田

孫聯捷 陝西高平舉人乾隆十四年任恤士愛民後陞滄州知州

容城縣志 卷五 秩官 六

吳山鳳 湖北漢陽例監乾隆十五年署任後調繁河間縣

劉師健 貴州清平優生乾隆十五年任愛民課士廉明無私

蔣元潛 保定府水利鹽捕分府攝容城縣事乾隆十九年署任廉潔公正民多感德

郭成慶 甘肅岷州進士乾隆十九年任

任維祺 山西汾陽舉人乾隆二十四年署任

王克淳 山東黃縣舉人乾隆二十四年任公明正直沒於任所

狄咏宜 江蘇甲戌進士乾隆二十九年署任

縣丞

明

姜耀 四川監生天順三年任

張璉 江西安仁監生正統十年任詳見名宦

段貞 山西榆次監生

裴振 山東萊蕪監生

高麟 陝西監生

李漢 山東平原吏

甘寵 廣西監生裁革自此始

典史

容城縣志

卷五

秩官

七

明

母貴 山東萊陽人宣德年任

王道 河南湯陰人

王恕 山西應州人弘治年任

曹詔 山東人正德元年任

劉愛春 南京人

周丹 福建莆田人正德六年任

韓慶 陝西涇陽人正德十年任

邢寰 河南孟津人正德十三年任

李祿 河南人嘉靖三年任

李 發 江南人嘉靖五年任

楊 祿 山東平原人嘉靖七年任

譚 佩 山東平原人嘉靖十二年任

蔣 璉 河南孟津人嘉靖十八年任陞吏目

李 珏 鳳陽人嘉靖二十二年任

蔡得時 河南偃師人嘉靖二十四年任

張啓東 河南鈞州人嘉靖二十八年任

李宗繫 泗州盱眙人嘉靖三十三年任

王進禎 山西陽曲人嘉靖三十八年任

方 寸 浙江人嘉靖四十二年任

容城縣志

卷五

秩官

八

吳宗周 福建人嘉靖四十四年任

蕭 檀 福建大田人隆慶元年任

文 恩 江西人隆慶三年任

董應相 直隸涇縣人隆慶五年任

黃應祥 浙江黃岩人萬曆五年任

邱大懋 福建清流人萬曆七年任陞和平縣主簿

朱 洪 江南丹徒人萬曆十二年任陞淮安倉大使

周 懋 福建莆田人萬曆十二年任陞板橋山巡檢

馬允中 江南當塗人萬曆十八年任陞慶府典膳

王 寧 湖廣江夏人萬曆二十三年任陞倉大使

顧應奎 浙江錢塘人萬歷二十七年任陞淇州
巡檢

張拱極 江南六安州人萬歷三十二年任

高自立 萬歷年任

王國政 萬歷四十二年任

寇修吉 崇禎元年任

常慎獨 崇禎八年任

張彩 崇禎十三年任

國朝

楊德 順治元年任

婁君玉 順治十二年任

谷城縣志

卷五

秩官

九

劉芳遠 江南太平人順治十六年任在官十五
年慈愛廉幹民甚德之後陞福建同安

巡檢

蘭國禎 山東招遠人康熙十二年任

胡銓 江南和州人康熙二十年任

周謙 河南商邱人康熙三十二年任

劉源長 浙江人康熙四十年任

李遇春 山西襄陵人康熙五十年任

薛偉 福建清縣人康熙五十七年任

王公膚 安州吏目雍正八年署任

陳之復 貴州人雍正九年任廉正不苟取

金揚

江南崑山人雍正十三年任待人忠

尚紹先

陝西汧陽人乾隆三年任廉潔自守

賴定璠

江西瑞金監生乾隆四年署任後陞東
光縣知縣

劉祚永

江南武陽人乾隆五年任

沈熙

浙江山陰人乾隆九年署任

蔡基

浙江會稽人乾隆九年任

楊龍翔

山東歷城人乾隆十七年署任後任任
即縣主簿

董杰

浙江山陰人乾隆十八年任

劉玫

山東蓬萊人唐縣創馬關巡檢乾隆二
十年署任

韓嘉正

浙江上虞人乾隆二十年任

容城縣志

卷五

秋官

十

汪燕

湖北漢陽人乾隆二十四年署任

王兆元

浙江山陰人乾隆二十四年署
任

楊樂成

江蘇武進人以少目乾隆二十四年署
任

徐倫

浙江會稽人乾隆二十五年任

教諭

明

李伸 東安舉人天順三年任詳見鄉賢

袁祿 河南杞縣舉人成化八年任

劉廷章 舉人成化二十年任

吳鵬 福建舉人成化二十三年任中弘治癸丑進士

李徽 山西沁源人弘治六年任

馬鵬 山西安邑人弘治十五年任

吳鍾玉 廣西宜山舉人弘治十八年任

辛忠 廣東瓊州府人正德三年任

容城縣志 卷五 秩官 七

胡縉臣 陝西平涼府人正德八年任

侯爵 山西安邑人正德十三年任

馮繼業 山東陵縣人嘉靖二年任

邵敏學 陝西咸寧人嘉靖十年任

閻太綸 山西榆次人嘉靖十七年任

董孟晉 山東陽谷人嘉靖十九年任

朱紳 山東濮州人嘉靖二十三年任

袁江 河南鈞州人嘉靖三十年任

楊時茂 山東滋陽人嘉靖三十五年任

婁拱陽 山西忻州人嘉靖四十三年任

汪堯仁 江南休寧舉人嘉靖四十五年任

李東奎 山東莘縣人隆慶元年任

王聘 南真陽歲貢隆慶四年任

周兆熊 廣西臨桂舉人萬曆二年任

魏奉璋 陝西鄠縣舉人萬曆五年任

張時雍 直隸武邑歲貢萬曆八年任

楊燦 河南睢州歲貢萬曆十一年任

張萬璧 直隸南和歲貢萬曆十二年任陞保安衛教授

劉廷陶 直隸邢臺人萬曆十五年任授河間府學訓

蘇州 遼東寧遠衛人萬曆十五年任陞開平衛教授

容城縣志 卷五 秩官 三

李學道 四川隆昌舉人萬曆十八年任陞河間府通判

白可畏 直隸鹿鹿選貢萬曆二十一年任陞朔州學正

耿慎勤 直隸元城舉人萬曆二十四年任陞蘭陽知縣

郭棟茂 直隸高邑歲貢萬曆二十八年任

陶珙 雲南姚安舉人 萬曆三十二年任

謝夢豹 廣東德慶人 萬曆年任有去思碑

田野 直隸饒陽人 萬曆三十六年任

劉芳名 山東濱州舉人萬曆三十九年任

張士毅 廣西舉人萬曆四十四年任

周汝昌 遼東舉人萬曆四十五年任陞台州府推官

董邦治 遼東歲貢天啓二年在

陳勳 河間舉人崇禎年任

李友竹 平谷人崇禎六年在

高桂芳 直隸冀州歲貢陞保定府都司教授

趙全符 直隸永平舉人崇禎八年在陞忻州知州

王鑑

國朝

吳志遠 山東海豐歲貢順治二年任陞邵武知縣

余司仁 順天宛平舉人順治六年任奉姿英發豈弟性成葺學宮勤月課諸生貧者濟之後官至給事

中有去思碑

容城縣志

卷五

秩官

三

丁耀亢 山東諸城選貢順治十一年任博學有才工古文詩詞後擢惠安令投劾去

柴應辰 順天永清舉人寬厚和平導士有方再補故城教諭

劉名史 順天宛平人康熙十六年在

王堪 文安歲貢康熙四十六年在

孫鑄 趙州寧晉拔貢雍正三年任廉靜寡欲

張永助 安平副榜雍正八年在

許式玉 順天大興舉人乾隆十七年任修理文廟嚴課諸生以敦品行正心術為本

闈學感戴呈請入名宦

黃文煥 唐山恩貢乾隆二十二年任

王時 河間東光舉人乾隆二十七年任

訓導

明

顧平 山東德州人弘治五年任

智崇 山西榆次人弘治六年任

齊冕 山東德州人弘治十一年任

張榮 山東掖縣人弘治十五年任

陳洪 山東登州人正德三年任

李淮 河南洛陽舉人正德六年任學行兼優
陞國子監典籍至武昌府推官

王驪 山東清平人正德九年任

謝天錫 山東東昌人正德十二年任

峽城縣志

卷五

秩官

齒

徐貫 山東鄒城人正德十二年任

王助 山西蒲州人正德十五年任

焦傑 嘉靖五年任

謝弘道 河南柘城人嘉靖七年任

江源 遼東人嘉靖十五年任

吳章 陝西咸寧人嘉靖十五年任

邊漢章 山東鄆城人嘉靖十八年任

孫塘 河南府人嘉靖十九年任

高泉 山西大同人嘉靖二十三年任

史庶 陝西麟遊人嘉靖二十五年任

蔡宗禮 山東登州人嘉靖二十七年任

張東魯 山東利津人嘉靖二十七年任

楊宗仁 陝西汧陽人嘉靖三十三年任

郭瓚 山西平遙人嘉靖三十七年任

張繪 山東登州府人嘉靖三十九年任

李機 山西人

張偉 山西太平人嘉靖四十四年任

孫良祐 山西臨汾人隆慶二年任

文一脉 山西太平人隆慶五年任

趙軒 直隸撫寧人萬曆二年任

容城縣志

卷五

秩官

五

蘇日唯 直隸平鄉人萬曆三年任

張文華 直隸盧龍衛人萬曆十一年任

韓用賓 直隸定州人萬曆十五年任陞河南府學教

張元昆 陝西原州人萬曆十六年任陞順天大城教

王國仕 直隸定州人萬曆二十一年任

沈登 直隸河間人萬曆二十五年任陞晉府教

劉客 陝西平涼人萬曆二十八年任

趙國賓 直隸遷安人萬曆三十二年任

孔煥 山西文水人萬曆三十七年任

董維漢 直隸文安人萬曆四十一年任

李一松 直隸靈壽人萬歷四十五年任

朱崇儒 直隸三河人天啓元年任

任穩 直隸大名府人崇禎四年任

萬民瞻 山東高唐州人

郭拱極 直隸宣化人

王昌祚 直隸懷柔人崇禎十六年任宅心樂易不立町畦

國朝

王錫命 直隸保定縣人順治六年任

張燮 直隸大興人順治七年任器局爽豁成就後學憐恤貧生陞江南常熟知縣

有去思碑

容城縣志

卷五

秩官

六

門慶傳 直隸安平人順治三年任

胡士鳳 直隸人

張師道 直隸真定人

周映斗 直隸延慶衛人順治九年任

王師旦 直隸寶坻人順治四十七年任修

劉育粹 奉天錦縣人順治三年任

周之哲 奉天寧遠人順治十一年任

董宗帝 直隸巨鹿人乾隆八年任愛惜士子

李廷簡 直隸邢臺人乾隆十九年任樸誠待

蕭栢 奉天茂人乾隆二十六年任修理本署宅舍

經制外委把總

劉德 定興人

王允中 新城人

王盛 新城人

時丕顯 雄縣人

醫學訓科

王宣 城內人

名宦

金

雷思

渾源人為政廉平撫民寬厚其德碑載藝文

元

奧屯

女真人好讀書愛士歲旱蝗請賑以濟活民甚衆有去思碑載藝文

賈燹

房山人失傳

明

張璉

安仁監生為容邑縣丞服官清謹正統間兵變官馬被掠公詣闕申訴得免賠累民感之

謝璽

山西代州進士公正廉平政有循聲均馬地甚得衆心有去思碑載藝文

容城縣志

卷五

秩官

一

劉相

山東人明廉勤真修城池學宮及靜修祠九載而歸士民感慕詳見修城學宮碑記

祁鯨

河南汲縣人才能明敏長於政事丈地均糧頓除風弊

張與行

山西絳州人釐定三壤豪右不得兼併正軍籍力役均平民建祠祀之

徐廷松

山東掖縣人敏毅有吏才能戢奸除暴革濫費歲饑出積粟減價平糶多所全活買牛百助不能耕者境無蕪田民懷之建祠以祀

劉羽國

河南唐縣人清廉平易省刑罰郵凋敝重學校寬疑獄興利除害人稱循良

宋之儁

山西靈石人性剛毅有局幹鄰有疑獄斷案已定公洞其冤立為昭雪調東鹿

民戀不舍為立祠

王文清

山東人沉靜有道律身甚嚴待上以寬諸生進饋公斥之由是人知自愛視象

於雄除驛累歲省民錢億萬兩邑稱直
父母擢儀曹去民建祠祀之官至中丞
江蘇五河人政尚簡易愷悌近人懲創
巨憝蠹穴一清陞同知有生祠


國朝

江起元

山東曹縣人嘗參幕府軍負重望初抵
容值牧馬屯田諸事紛拏公於不便民
者一切報罷至丈量地畝破陀蕪荒
坵漸墾悉與豁除浹歲調繁去雀符劫
害之遇

趙士麟

雲南瀘陽人以正人心敦風俗為第一
事建書院明正學與諸生講論輯其語
為敬一錄揭教約十二則邑有不便於
民者一切報罷范陽盜起密偵聚處牒
安肅合兵殲捕畿南以安歷陞浙江巡
撫民思不忘舉祀名宦



容城縣志卷之六

人物志

容西連易水東環白溝靈秀之氣實於是鍾故
 豪傑相繼出焉其首道學所以紹聖統之緒次
 鄉賢所以表士民之冠次忠臣所以倡鯁直之
 風次科第貢員別流品也次封蔭昭恩典也次
 武科武弁昭鷹揚也次隱逸勵清節也次善行
 重高誼也次孝友篤倫理也次節烈嘉貞德風
 後世也嗚呼人物之列詳矣景行者尚其自附
 前哲以為鄉郡光

容城縣志

卷六上 人物

一

理學

劉

因

字夢吉溝市村人父述遠性理之學中
 統初為武邑令以疾歸生公之夕夢神

人馬載一兒至其家曰善養之既覺而生因
 名駟字夢驥後改今名及字公天資絕人三
 歲識書日記千言六歲能詩十歲能文弱冠
 才識超邁闕方策思得如古人書友之作希
 聖解初為經學究訓詁嘆曰聖人精意殆不
 止此及得周程張邵朱呂之書一見曰我固
 謂當有是也論其學曰邵至大也周至精也
 程至正也朱子極其大盡其精而貫之以止
 也其高見遠識類如此公性不妄交事繼母
 孝家甚貧非義不取隱居教授師道尊嚴嘗
 愛諸葛孔明靜以修身之語扁所居曰靜修
 又號雷溪真隱至元間詔徵為右贊善大夫
 未幾以母疾辭歸後復徵拜集賢學士以疾
 固辭帝聞之曰古有所謂不召之臣其斯人
 之徒與卒贈翰林學士封容城公謚文靖所
 著有四書精要丁亥集小學四書語錄易繫

辭說
行世

梁師安

沙河人學於靜修輕財重義捐創孔子廟及齋舍延名士以屬後進置腴田以

克廩餼時
論重之

梁至剛

字浩然三臺人尙論友古闢明正理淡於仕進與靜修講學不輟人勸之仕曰

堯舜之世尙有巢由終身不仕號曰南溪老人

劉英

字厚蒙三臺人早歲為吏聞靜修學折節從之研精至理不求聞達及靜修卒

深隱
林泉

梁泰

至剛子靜修門人翔舉書院

王綱

三臺人師事靜修居母喪哀毀逾禮人勸之曰聖人制禮不以死傷生終不聽

父病又作綱朝夕憂戚未嘗見齒與人言輒流涕遂致疾而卒靜修以詩哭之銘其墓

容城縣志

卷六上

理學

二

胡炳南

以五經登元進士隱居自樂屢徵不就與楊九萬李益公毛文伯焦恂儒講道

易水林尖山有楊李毛焦胡燕山五丈夫之句卒配享靜修

李伸

安次人宣德年貢授館陶訓時學規廢弛先生至師道尊嚴職滿雖容城論以

靜修得程朱正傳應入從祀章數上未允然立祠皆其力也陞太學助教致仕歸籍容城

配享
靜修

張紹烈

字孟晦號希古為諸生志行高古父母歿皆廬墓三年業師卒亦結廬負土除

廩米二十七月以終心喪性鯁直弘治初疏乞御經筵抑奔競去淫祠備馬政興學校切

中時弊孝宗允行之正德間疏請斥宦官番僧武宗僭為之賜冠裳好事者繪皇都獨諫

圖逆瑾用事又上疏千餘言詔下獄旋釋之歸七日而卒生平藏書不火自焚遠近歎異

配享
靜修

孫奇逢

字啓泰號鍾元年十七舉於鄉所友皆知名士丁內外艱廬墓六年朝廷旌其

孝璫禍薰灼周旋左魏不避艱險海內高其

義抱道自樂屢辭徵書天下嘉其節倡道蘇

門以繼往開來為已任問業者趾相錯咸謂

靜修復出焉著作甚富有四書近旨答問理

學宗傳取節錄行世學者稱爲徵君先生祀鄉賢

孫立雅

思貢生徵君長子謹言慎行受學江

村鹿忠節徵君徒藉門留立雅守墳墓

以一身肩父師之傳繫南

北之望卒配饗五賢祠

鄉賢

劉秉德 靜修叔祖登進士第終奉直大夫性安

間避地河南 隱於許封山

魏敬益 字士友沙河村人性至孝好施予喪葬

者錢而不取其息嘗買四莊田十頃一日語

其子曰自吾買若田村民皆不能給吾深憫

張紹烈 明處士詳

王寅 字敬夫成化辛丑進士剛正廉介對妻

肅清海道憲副陝西發韓藩姦罪為廣西臬

征苗有功後為工部侍郎理易州山厥完負

容城縣志

卷六上

鄉賢

四

李世亨 治癸丑進士官至戶部員外郎先為

生祠卒 祀鄉賢

梁景先 字國祥號霽川邑學廩生遙授訓導性

研理深慕靜修每手其集哦誦不輟比方伯

登第里中醵金賀愀然曰吾安吾素丞持去

梁炳 號如星萬歷癸丑進士三授縣尹以治

報引疾歸尋巡按貴州平土酋亂東南以寧

賑撫陝西活飢民數萬陞潞安叅政賊聞風

遁陞河南左布政時流寇方熾糧餉不敷公

擁孤城誓守賊不能下乃決河灌滅公僅以

身免公前後蒞官三十餘年特立寡援聲震

朝野居家敝廬僅蔽風雨好鼓舞後進遂天

終人以爲香山洛社云祀鄉賢

孫奇逢

康熙十五年入鄉賢詳見理學

胡向化

天啓辛酉舉人宰新泰邑著灘派力除

居西曹却犯璫請托平河臣賊罪恤刑三晉釋無辜者八十八人子告家居捐賑每先品毅以正才健而堅有古人風康熙十七年入鄉賢

忠節

李濂先

祖皓從明太祖屢建戰功陞保定府後

守備北兵入境公保障奏績晉都指揮尋改

右叅將歷山西寧武關總兵官嘉靖中邊騎

數萬入境巡撫趙時春親擊之公血戰脫時

春自與長子松及遊擊李桂等皆死於八角

大虫嶺事聞贈少保左都督謚忠愍立祠廕

一子授指揮使次子桐繼祖爵以松之嗣併

廕加授都指揮使次梓承公

楊繼盛

字仲芳號叔山嘉靖丁未進士初授南

奇盡通其天文地理樂律太乙六壬奇門兵

陳之學遷兵部車駕司員外郎時仇鸞擅開

馬市上疏論其十不可五謬謫狄道典史敬

共其職暇則進邑諸生為講文義大旨立書

院置產以給筆札及婚喪費吏民愛之鸞敗

累擢武選司疏論嚴嵩十罪五姦下詔獄或

容城縣志

卷六上

忠節

六

道以蚺蛇膽云服之可禦杖却不受曰椒山

自有膽安用蚺蛇哉杖訖創甚破羹碗刺股

出血數升已復手小刃割左股腐肉旁觀戰

慄卒為嵩陷論死西市妻張氏疏乞代死為

嵩所抑不得達隆慶初贈太常少卿賜諭祭

謚忠愍廕一子天啓四年論准全葬建旌忠

祠有五一在本城一在河照本都一在郡城

西街一在郡西關一在定興北河

世祖

章皇帝御製袁忠

王家珍

字季玉初以文章節義自雄順治二年

由貢生為朔州牧五年總兵姜襄叛守

土者多奔竄珍以義感動士民固守之守備

張為姜內應開門延賊珍奮力死戰被執不

屈支解之每割一瓣問曰降乎珍血肉飄零

罵不絕聲全家被害順治十年贈山西布政

司參議邑舉人孫

川禎為作孤忠傳

甲科

元

胡福 任江西行省參政

胡炳南 福子見理學

明

洪武辛亥科

胡濂 福孫炳南姪

成化丙戌科

劉吉和

成化辛丑科

峽城縣志

卷六上

甲科

七

王寅 詳見鄉賢

弘治癸丑科

李世亨 詳見鄉賢

弘治己未科

魏彥昭 爲行人擢御史上疏劾瑾請利津縣丞
禦流氓有功陞武岡知州官至江西參

議

嘉靖癸未科

王允修 寅子授刑部主事審錄山東獄無寃
陸大同知府再知登州府有劫盜殺人

設法捕之人頌神明後歸
里養重其高尚殆足稱云

張琛 授泗州知州發粟賑民
法治土豪人稱廉明

嘉靖辛丑科

陰

標授兵部主事丁內外艱皆廬墓創轉禮部郎中陞河南參議以清節名修學官開荒田稱藩治第一致仕歸里祿餘盡與諸弟共稱友愛焉

嘉靖丁未科

楊繼盛

詳見忠節

嘉靖乙丑科

宋

牙初授行人奉使東藩却餽不受擢戶部主事轉郎中監兌小灘汰蠹清弊貢餘百萬具疏克餉陞知汝寧府轉知鄖陽府遷山東鹽運使致仕入忠義祠

萬歷癸丑科

梁

炳詳見鄉賢

容城縣志

卷六上

甲科

八

國朝

康熙庚戌科

孫祚昌

任山東諸城縣知縣歷陞刑部員外郎

康熙丙辰科

李用楫

初授中書選安慶府同知

李瑞徵

廣西容縣知縣每遇鄉試年使人送盤費給本邑應試舉子以鼓士風後行取

戶部主事

康熙壬戌科

孫

淦歷任中書徵君裔孫中河南籍

鄉科

明

洪武丁卯科

王琦 任訓導

蕭興 任府同知

永樂乙酉科

楊煦 任訓導

馬驥 任訓導

牛基 任知縣

永樂戊子科

容城縣志

卷六十一 鄉科

九

楊禮 任教諭

永樂辛卯科

陳瑄 任主事清介自守

永樂癸卯科

陰沖 任教諭

王斌 任知縣

宣德乙卯科

陳天澤 任訓導

天順己卯科

牛昉 任高平縣知縣宅心公律已嚴壇壝祠宇修治不遺而縣署仍舊

成化庚子科

閻通

牛孜 任山東單縣知縣

成化癸卯科

沈廣 任山西教諭

弘治己酉科

楊志 任山西芮城縣知縣

劉盤 任山西臨汾縣教諭後陞知縣

弘治壬子科

胡世忠 任山東曹縣知縣
陞寧海州知州

容城縣志

卷六上 鄉科

十

弘治戊午科

沈塘 任陝西寶雞縣知縣
文學政治卓冠一時

弘治甲子科

李世卿 任山東臨清州訓導
陞泗水縣知縣

王宥 寅弟任原武縣知縣

嘉靖辛卯科

王允言 寅子任登縣知縣
元惡陞襄陽府通判 殲邑

嘉靖己酉科

孫養魁 任河南內鄉縣知縣
陞徐州知州 歷官鹽運司同知 心崇儉約 政務寬平 民甚

德之

嘉靖壬子科

蕭大勳

嘉靖乙卯科

張克寬

任山東朝城縣知縣後補禹城調煩賦去冗役建社倉置學田案無積贖民有

草心陞延安府遜判調大同致仕

嘉靖戊午科

蕭大綬

嘉靖辛酉科

孫臣

任江西沭陽縣知縣罷耗餘拒暮夜以不善催科調簿於家出非罪擢判鹽運

多所舍置左轉秦藩理投劾歸

容城縣志

卷六上

士

隆慶庚午科

劉繼志

任山西黎城縣知縣歲歉散粥蠲征省道殍人縣人

郡前人稱清白吏

萬歷丙子科

薛溢

任山西瑞州府通判調東昌府通判陞安樂州知州

萬歷戊子科

陰助

任山東臨朐縣知縣士民為建生祠祀之

萬歷甲午科

陳可成

任山東教諭陞河南蘭陽縣知縣

萬歷丁酉科

孫重捷養魁子任沐陽縣知縣

萬歷庚子科

孫奇逢臣孫詳見理學

牛學會孫任山東蓬萊縣知縣

萬歷己酉科

孫可甲養魁孫

萬歷壬子科

王家瑞德性醇謹事孀母以孝稱

崔庚初官淇水縣淇當衝衢郵駟難支流徒為歷三載流徙安集政聲隆起轉江南司城

江楊多盜聞風飲迹以潞糧失額謫幕徽州

容城縣志 卷六上 鄉科 三

嚴砥暮夜視篆太平頑梗胥化再補岳陽盡革耗羨岳人繪像祀之入名宦祠

萬歷戊午科

陳述志選漢中府推官未仕

劉允升任太湖縣知縣

天啟辛酉科

胡向化詳見鄉賢

天啟丁卯科

楊存忠忠愍孫

崇禎癸酉科

孫爾禎煌子詳見隱逸

梁可植 炳子性孝友有器識方伯守汴逆闖兵圍數層公率健丁冒圍省親登科數十載布衣蔬食無貴介氣親老不忍去膝下終身不仕

崇禎丙子科

李承光 亞元任臨江府司理性孝友行醇正

崇禎己卯科

劉師因 任浙江天台縣知縣

國朝

順治乙酉科

張維德 任永年縣教諭

順治甲午科

容城縣志

卷六上 鄉科

三

李進光 承光弟

順治丁酉科

楊友桐

順治庚子科

劉鼎新

康熙壬子科

孫立勳 爾禎子任刑臺縣教諭

梁永淳 任行唐縣教諭陞稷山縣知縣行取工部主事陞臺州府知府

李用楫 見甲科

孫淦 見甲科

康熙乙卯科

李瑞徵 見甲科

康熙戊午科

王克明 鄭州知州

崔之璉

康熙甲子科

孫淳 徵君季孫淦弟河南籍

孫用霖 徵君曾孫淦姪河南籍

康熙丙子科

孫用正 徵君曾孫任教授

容城縣志

卷六上 鄉科

古

康熙壬午科

王世濟 遵化州學正

康熙庚子科

胡具慶 陝西石泉縣知縣

雍正癸卯 恩科

孫用果 徵君裔孫國子監助教河南籍

乾隆庚辰 恩科

魏士 已巳 駕幸蓮池書院獻詩賜荷苞內閣記名載廣颺集中

補遺 康熙己卯科

孫漢 徵君第十八孫候選知縣河南籍

恩選

明

張一奎 知縣

陳邦彥 性資醇靜不事干譎博學強識為文詳瞻雄麗人皆重之任猗氏縣知縣

胡質 炳南子光祿寺少卿

孫丕基 臣子癸卯舉人彰德府訓導廉介不苟為訓時在生以舉優行來酬正色

之却

王衍祚 恩貢

孫奇彥 奇遠子 穎敏髫年從諸兄廬墓明天啟中魏彥冒險引

救贖金完証生賜義聲震一時後以恩選令武城有恩選輯有武城錄言武城治

容城縣志

畧各四卷 怡軒詩草二十卷

梁可培 山西樂平縣知縣性剛直遇事敢

培具川西泉出後寇至城守賴以全邑轄於平定供應弗堪培至一切報罷人甚德之

陞陝西鞏昌府同知未任宦橐蕭然

張嘉遇 山東招遠縣知縣

李弼君 崇禎己卯科副榜 陝西同州州同

李允中 大名縣訓導

孫琦 湖廣黃梅縣知縣留心撫字不輕差役以中浮議宦橐蕭然

國朝

石承印 順治戊子副榜

胡存仁 向化孫廣西忠州同有惠政

胡嘉仁 存仁弟廣東香山縣知縣歷任湖北布政使

楊遠條 忠愍裔孫沙河縣教諭

孫立雅 奇逢子

師範

李昌宗 康熙元年恩貢任山海關教諭

李發長 康熙戊午副榜孝友正直人稱盛德任河陽縣行唐縣教諭

梁可均 燭子孝居父喪哀毀逾禮三年不食

蕭寬 性端方體訓諸生以敦人品正心術為先善與人遊其門者多所成就

李道涵 端潔自矢不干仕進嘗貸崔姓錢人無知者崔卒還其子崔子不受公擲錢而

容城縣志

卷六上

六

去後選深澤縣教諭未仕

劉墳 雍正元年恩貢

王鈞 乾隆元年恩貢

胡具朴 內任河知縣

王津 乾隆六年

王國寧 借補

宋顯宗 乾隆七年

侯鎮 乾隆七年

歲貢

明

陰華

任聞喜縣知縣遷刑部主事入名宦

王燧

歷任知府

王綸

知縣

李舉賢

知縣

張俊

知縣

劉濬

知縣

苗豐

兵馬司指揮

陳綸

縣丞

容城縣志

卷之六上

歲貢

二十

張翰

簿

馬駟

主簿

劉弼

州判

張環

訓導

楊順

任范縣主簿陞熱屋縣縣丞

朱照

兵科給事中

陳太初

州同知

李懋官

知縣

王威

州同知

牛駒

由生員効力任太僕寺寺丞陞兗州府知府

劉汝勵 知縣

魏敏 照磨

李士哲 縣丞

楊泉 縣丞

曹振 知縣

張鐸 經歷

彭遠 照磨

楊茂 吏目

鄭珣 知縣

王廷器 清平縣知縣剛明仁愛撫流亡賑饑荒民悅其惠

容城縣志 卷六上 歲貢 十六

牛麟 執事

馬聰 知縣

畢文昌 主簿

陰志經 主簿

段惠 大使

段有恒 驛丞

顏俊 州判

侯昇

郭永 開官

王章 驛丞

李朝 經歷

賈文忠 經歷

張振 訓導

閻鳳 訓導

王璽 大使

路泰 大使

李俊 縣丞

李瑄 經歷

楊進 陝西按察使檢校

劉顯 主簿

容城縣志 卷六上 歲貢

周用 大使

楊廣 主簿

牛駢

成化年貢

劉文 任南陽府鎮平縣知縣 政簡刑清縣無冤民

弘治年貢

商質 都司經歷

陳鼎 京衛經歷

段順

王鳳 甘肅執事

王貴 陝西和州知州

陳隆 泗州盱眙縣主簿

陳憲 河南孟津縣主簿

張鏞 主簿

王寵 日照縣主簿

李安民 汝寧府羅山縣知縣

辛隆 馬湖府吏目

袁壽 王府教諭

馬麒 山西教諭後補
山東蒙陰教諭

正德年貢

容城縣志

卷六上

歲貢

二十

畢翔 秦安州州判

陰端 山東靈山衛訓導陞
遼東寧遠衛教授

侯寅 河南儀封縣訓導補
山東章邱縣訓導

楊祐 陝西敦化縣訓導

陰宗周 山西大同縣訓導補
山東博平縣訓導

劉元福 遼東經歷

王彥宗

辛陽 山東濟南府訓導

張紹先

魏琮 山西長子縣訓導

嘉靖年貢

許時 山東青州府訓導

李永年 遼東衛經歷

陳大本 鳳陽府都司斷事

任寧 遼東鐵嶺衛訓導

鄭昂 河南鄆陵縣訓導陞

李學詩 輕財重義博學多聞

王允中 寅子博覽群書文詞浩瀚

商鼎

張未 山東博興縣教諭

容城縣志 卷六上 歲貢 三

王廷賓 河南州訓導陞

王大綸 山東州判

王律 代州訓導

許實

王大經 高郵州判

王餘慶 河南儀封縣主簿

陰養晦 懷慶府通判

劉宗 文子

劉烏 宗子臨洮府訓導陞涿陽縣教諭補晉府教諭

李九準 河南內鄉縣訓導陞新鄭縣教諭

王朝宗

劉吉時

河南新鄭縣訓導陞山西岐縣教諭

石宗思

衢州府經歷

王世雄

河南南陽府訓導

陳邦奇

王錦衣

隆慶年貢

楊佩

胡九齡

縣丞與椒山先生同社椒山每器重之

萬歷年貢

容城縣志

卷六上

歲貢

槐世榮

府經歷

孫拱極

主簿居官廉正邑人稱之

王珞

主簿

王佩

王廷諧

學正

張克仁

李九功

訓導

王惟精

訓導

閻一化

訓導

馮中孚

教授

陳光祚 訓導

王璋

侯潤 陽信訓導事親色養教子義方署縣印却暮夜金人謂後世楊夫子

石廷誨 訓導

王自悟

崔電

侯進之 温恭朴茂言笑不苟

陳守謙

苗登

胡恂

容城縣志 卷六上 歲貢

陰勸 訓導陞教諭直方醇謹博學冠識

宋鳴陽 豸子壽州為軍名教尚氣節捐粟濟荒作文禱蝗蝗散上憲讀其文日字字血誠

楊廉 萬全左衛訓導陞長清縣教諭操履一介矜飭德隅

張一鵬 寬子未仕性行醇篤歲荒賑災於學兩院咸旌以扁

李正心 真定府行唐縣訓導陞山西夏縣教諭

天啟年貢

孫煌 字虛白性剛毅敦大節嘗試京邸寓家少婦挑之遂徙去訓浦江正身率士陞

通州學正代白李州牧寬知通許縣潔已愛民刑清訟息解綬歸里邑人重之入浦江名宦

李正身 蘇州訓導陞山西渾源州學正

劉一龍 香河縣訓導

崇禎年貢

李梓 趙州訓導陞滄州學正補山東莒州學正事母孝處弟讓諸生貧者周給之卽

家無長物絕不介意

朱垣 照會孫天性孝友司訓定州捐俸倡募

陞山海衛教授致仕歸

薛茂桂 大城縣訓導陞獻縣教諭端介疑

張應先 紹烈孫栢鄉縣訓導學問詳贍事父母以孝聞

王應震 吳橋縣訓導

容城縣志

卷六上

歲貢

三

孫繼志 拱極孫真定府訓導值逆

槐公徵 闖亂不受僞職以病歸魏縣訓導

周應選 河南武陟縣知縣

李日炳 陝西定遠縣知縣陞金華府同知操履清強處事明決

國朝

順治年貢

蕭馨然 樂城縣訓導陞靈壽縣教諭

李繼文 世亨裔孫北城兵馬司

陰葆元 標曾孫衡水縣訓導捐修學官

閻顧行 井陘縣訓導

徐淑孟

陰育德

劉濯纓

攀龍子字湛若少失恃事繼母如所生
王村汚下雨後病涉貸錢築堤邨人賴
之某年寇至居人星散纓以父病不忍離時
被害者衆而纓獨免人以爲孝感云孀姊老
貧迎養數年敬禮
備至闔庠舉優行

王應芳

陰志貞

康熙年貢

陳自善

李龍光

容城縣志

卷六上

歲貢

三

康擢明

曹之秀

李登選

魏彙選

魏首選

鐵嶺縣訓導
鄉飲大賓

胡彥

殷 恕

性端方家貧不能舉火讀書怡
然自得或有助之者卻不受

崔之璠

鄉飲大賓

李濂學

鄉飲大賓

孫本誠

槐安行

李鳴波 鄉飲介賓

高 昱

李士奇

張 捷

孫永徽

孫永宜

彭博萬

梁永溥

梁永法

容城縣志

卷六上

歲貢

天

張 芬

安 居 衡水縣訓導

安 瀾

安 亮

師戩毅

鄭彥臣

孫士球 立勲子

孫建宗

雍正年貢

楊維禎 忠孝齊孫性端方識大體樂易與物尤好詩文之美

侯曾 武清縣訓導

趙恭益 順義縣訓導

楊重隆 沙河縣訓導忠愍裔孫剛直性成善開導人訓沙河時備饌課士多所成就卒

於官門人扶柩來塋者數十人

雷鐘 鐵嶺縣訓導有工人黃可揚少貧公見其性聰敏教之讀書成名衣食皆給之

蕭維藩 寬子孝友素著鄉飲大賓

陳涵

孫其佑

乾隆年貢

任重

容城縣志

卷六上

歲貢

七

梁鎮 可均子少孤事母以孝稱設教里中不計束修多所成就

谷中璞 遷安縣訓導

陳廷弼 平鄉縣訓導

楊日楠 忠愍裔孫重隆子天性和平素以謙德自愛人皆稱之無異詞

李浩學

楊樹 忠愍裔孫純福子

趙得清

陰雨時

尙志

陰弘

趙克倬

王以楫

張自新定興貢任 後入 客城 籍 知訓

容城縣志

卷六上

歲貢

三

例貢

明

陰瑁 清河縣主簿

胡九齡 金鄉縣縣丞

黃道 京衛經歷陞
福山縣知縣

王世英 陝西朝邑縣主簿
陞山西藩府典寶

魏禹相 陝西
吏目

張希儒 北城兵
馬司

王玳 山東嶧縣縣丞陞
山西蒲州州判

宋鳴時 豸子

容城縣志

卷六上

例貢

五

宋鳴世 豸子初任光祿寺丞陞黑水監監正寧
靜醇篤慷慨好施撫按兩院旌以匾

梁大毅 福山縣縣丞
陞王府奉祀

曹尚仁 魚臺縣
縣丞

宋麒 山西代州吏目
塵不染襪被蕭然

張思義 上林院署丞

張文光 山西蒲州吏目

陳九義

胡九德 增廣例貢

孫重陽 魁子秉性冲
和恭儉自持

王塉

張一鯨 寬子慷慨好施捐粟賑荒撫院旌以扁

宋之俊 歷任鳳陽九江邵武檢校

沈瀛 同州州判

陰育浮 助子謙和溫恭

王耀先

夏國柱

胡穆 向化子多材好學長於詩歌例加上林苑署丞詳見封廕

國朝

王成美 考選縣丞

孫祚新 考選江南蕪州主簿沒於王事

容城縣志 卷六上 例貢

三

雷鱗

石奎

李和春 江西萬年縣縣丞

李鼎銓 考選州判

王汝偉

王銓任

胡范 廣東韶州府知府

胡準 中城兵馬司指揮

胡具瞻 湖廣漢陽府知府

胡驥 雲南姚州知州

胡具體 江南南匯縣知縣

胡具罄 刑部員外郎

李文潤 考選州同

鄭坊

劉坦

曹琬

李尙榮 原籍雄縣居住白溝店已經數世

椽史

王全 夏縣縣丞

陳廷棟 承天府執事

賈鸞 天長縣典史

郭萬良 衡州府執事

王俊 鈞州吏目

孫守正 右州吏目

黃廷瑞 寧海州州同

何廷瑞 麟遊縣典史

楊宗顏 宿遷縣巡檢

張守節 葉縣典史

賈宥 吏目

王煥 鞏縣典史

楊思明 南陽縣典史

王班 獲嘉縣典史

蕭大紀 博興縣縣丞

賈文體 汾西縣典史

陰未 萊陽縣縣丞

薛尚儒 湯陰縣縣丞 詳見封蔭

陳廷相 濮州吏目

張思敬 典史

陳廷佐 大使

任福 沁源縣典史

薛廷爵 大使

趙鎮 大使

師芝 倉副使

金三讓 巡檢

于秉教 府執事

張文彩 大使

胡世爵 吏目

容城縣志 卷六上 緣史

三

廉有年 大使居鄉謙恭履官廉潔

李朝章 經歷

梁德成 大使

朱朝英 驛丞

牛承惠 巡檢

胡慄 吏目

趙尙忠 經歷

劉世榮 典史

李世臣 司獄

李朴 大使

張汝冠 巡檢

劉世全 驛丞

楊四畏 大使

劉召南 大使

張從周 主簿

孫勳 巡檢

張克儉 萊州府經歷持家
有道訓子有方

孫繼文 司獄丙子遇
難不屈死

張應祥 開官

趙敬 南京工部大使居官廉潔
一塵不染陞巡檢致仕

容城縣志

卷六上

棧史

三

李洪光 典史

谷養蒙 巡檢

康有高 無錫縣巡檢孝友好義讓
兄產創義學邑侯嘉之

甄沿 巡檢

彭宦 大使

劉三正 巡檢

陳守誠 驛丞

殷閔 巡檢

陳惟屏 大使

劉裕 州判

殷希禹 大使

孫鑑 巡檢

孫九錫 巡檢居心忠厚律已廉潔

殷乃成 大使

高雲桂 大使

殷緣 大使

甄章 大使

孫科 吏目

劉得沂 大使

王堯登 鹽運司豐財場大使陞范縣典史篤摯耿介德重鄉評

容城縣志

卷六上

緣史

三五

郭瓚 懿路倉副使丙子難作與妻王氏同投環死

夏文魁

谷養訓

李鳴鳳

陰棐 米脂縣典史蒞任七年一介不取

劉大恕 山西西川縣華尉關巡檢政治有聲

陰堡 關官

李正芳

李騰光 漢中府巡檢陞密雲縣大使恪守清白

李應試 承天府驛丞居官清介驛人為樹去思碑陞山東大使

郭景宗 侯馬驛驛丞陞

羅尙志 東烏嶺巡檢

俞賡 雒陽驛驛丞陞

楊培本 主簿

張麟 鳳陽府北

孫金印 盧橋巡檢

陳良器 定海縣

閻振極 太原府

楊之杰 蒲圻縣

陰如恒 陸安州

曹得華 會稽縣

齊選世 典史

王燠 廣東平遠

劉世昌 典史

孔時宜 大谷縣

胡騶 江西南

容城縣志 卷六上 緣史 三

封廕

王能 以孫寅贈通議大夫工部右侍郎

王志廣 以子寅封通議大夫工部右侍郎

陰從光 以子標贈

楊富 以子繼盛贈承德郎兵部車駕司署員外事主事

楊繼盛 以忠直贈太常寺少卿

宋文德 以子彥初封行人再封奉政大夫戶部郎中復參議加三品服色

孫芝 以子養勳贈徐州知州

劉世貴 以子繼志封

薛尚儒 以子益封承德郎瑞州府通判

容城縣志

卷六上

封廕

三十七

楊應尾 以父繼盛廕太學生為戶部照磨歷陞工部員外郎所至以廉慎稱歷官二十

年囊無餘蓄蓋不愧忠愍家風云

梁景先 以子炳累贈中憲大夫太僕寺少卿詳見鄉賢

孫九官 以子繼文贈登仕佐郎

胡彥 以子戴仁累贈通議大夫

胡穆 以嗣子戴仁累贈通議大夫

梁鉉 以子永淳累贈奉直大夫工部虞衡司員外郎

梁銓 以嗣子永淳累贈奉直大夫工部虞衡司員外郎

王飾孔 以子國寧封修職佐郎

陳璿 以子廷弼贈修職佐郎

雷養勇 以子鐘贈
修職佐郎

胡帥仁 以孫具朴
贈文林郎

胡浚 以子具朴
贈文林郎

谷城縣志

卷六上

封蔭

三

武甲科

明

嘉靖丙辰科

文

雄

始祖得洪武中從征有功授千戶雄襲職加級都司嘉靖四十二年北兵攻牆

子嶺督戰陣亡蒙卹典廕子觀都指揮

萬曆辛丑科

牛荷重

任朔州守備性嗜學著九軍八陣連弩石炮等圖行於世

崇禎辛未科

王弘址

任平別關守備地苦無水又遭兵圍同址告天穿井突然水出退敵救民歷陞

副總兵

容城縣志

卷六

武甲科上

三

崇禎丁丑科

張

鉦

歷任遊擊

國朝

順治丙戌科

王家植

神武衛守備

陳國柱

山西陽衛守備

蕭毅然

延慶衛守備

順治己丑科

趙啟光

由文生中式歷任都司

順治辛丑科

張宏勳 大嵩衛守備

康熙辛丑科

李師孟

乾隆庚辰科

曹珠 河工効力候選都司

容城縣志

卷六 武甲科上

四

武鄉科

明

文可觀 由增生中隆慶丁卯科武舉以父雄陣亡廕授都指揮

劉尚仁 歷任遊擊署都指揮僉事

胡雲梯 三科武舉任京營把總

牛荷重 見武甲科

王弘址 見武甲科

張 鉦 見武甲科

梁 燭 辛酉甲子丁卯三科武舉詳見高義入忠義祠

牛 典

容城縣志

卷六 武鄉科上

三

賈鳳梧 守備

蕭元音 詳見孝行

張汝洙 任河間府城揀營中軍壬午守城死難

魏文選

陰士蘭

高 挺

商衛宸 由文生中武舉

陳行志

張泰來

石如寶 丁卯科將材武舉任錦衣衛理刑百戶兼掌錦衣衛前所旌節司印

國朝

石承詔 辛未科會舉任京營守備加都司銜

王植 見武甲科

王柱 見武甲科

王城然 見武甲科

趙光 見武甲科

張弘勳 見武甲科

王承恩 任德州衛管河千總

溫理

周從周

容城縣志

卷六 武鄉科上

里

蕭士俊

文培世 掌印都司

周應續

宋彪 任陝西鎮藩衛守備陞江南都司

李師孟 見武甲科

乾隆癸酉科

李見龍

乾隆丙子科

曹珠 見武甲科

乾隆庚辰 恩科

曹丕勲

容城縣志

卷六 武鄉科上

四

武弁

三國

孫

禮

字德遠曹捺召為司宣軍謀椽初遭喪家產盡為楊州刺史吳琮率數萬騎入寇歷五州皆有威信遷封大和亭侯

明

胡

節

由總旗有功累陞錦衣衛千戶任東廠辨冤獄因忤瑾謫嶺表後復官以廉直

稱卒賜諭祭

胡九經

錦衣校尉

周成址

洪武間始祖何孫以武功授百戶歷五世成址襲職陞指揮僉事

容城縣志

卷六上

武弁

畧

趙昱

始祖千戶正統九年昱從征有功陞指揮

張雄

襲伯父職以功陞指揮

李通

以始祖授千戶洪武年

孫旺

以始祖授千戶洪武年

莊義先

以始祖景泰年征大同有功授千戶

孫雄

襲父職任北京羽林衛千戶

李文鯨

以始祖授百戶洪武年有功

牛麟

以始祖授百戶洪武年

魏官

以始祖授百戶洪武年

張洙

以始祖授神武衛百戶洪武年征白溝有功

蘇保以始祖成征雄

田綱以始祖均成守

趙佐以始祖洪武年征

胡崇錦衣衛冠帶將軍

魏進朝冠帶將軍

國朝

李曰焮山西八角守備

李曰煊紫荆路把總

槐久大金吾將軍為人直朴濟貧周急鄉黨賴之

容城縣志

卷六上 武弁

隱逸

國朝

孫爾禎 字玉屏城內人癸酉舉於鄉隱居教授

天性孝友尤好濟人急難家日窘操益

堅人有勸之仕者不應

孫爾祚 字錦屏爾禎弟性豪邁刻志讀書以名

子經從遊甚眾著四書章句實千餘頁

皆手錄成孫微君作傳其書

侯保 字仲嘉清介絕俗號求是子事繼母

孝樂談名節壯年附廩餼山居著讀史

容城縣志

卷六上

隱逸

巽

肥遯

宋登龍 少孤事母孝性好學尤樂施予有永平

子後以子貴累贈通議大夫

孫度雅 庠生徵君胞姪初受學於江村鹿忠篤

賦性直所心古道不求聞達甲申後

孫博雅 徵君四子好讀書性至孝事親色養歲

已酉 詔舉隱逸以親老辭不赴學者

稱爲文 學先生

善行

元

魏敬益 詳見鄉賢

明

劉寧 字世安小李村人以耕為業信義自持

老無所依延養之五年不替疾為之療卒為

之以表

蕭恩 少貧好義家稍裕煮粥活人甚眾捐地

胡世臣 王咎人性慷慨好施子先業萬金悉讓

行於世

容城縣志

卷六上

善行

畢

國朝

李本篤 增生好義尚俠胆識過人赴任推官吳

木村李仙桂岳家厭其貧欲奪女改適誤仙

將為奴篤為力明其冤李其負旗丁債妻子

所至日為賊篤為信據贖之新安寇亂居民徙避

梁燭 三科武舉擢軍旗鼓修城捐銀二百

差銀千餘兩捐建文昌閣蓋義井置義塚家

宋士顯 郡庠生幼失母事繼母孝姊倩劉被難

歲輸谷賑濟煮粥

劉鼎昌 庠生孝友淳樸避難入山路拾遺囊百金訪其人還之

楊維新 庠生忠愍孫性骨鯁有祖風析產讓
助堂侄之不能娶者避兵遇遺嬰抱活
之

張鏡 內監好善喜施置學田施棺
木助嫁娶修義井利濟甚衆

段堯臣 胡村人好義輕利拾遺
金五十訪其人還之

李燦 沙河人子嬉於路為車軋死燦
抱骸歸葬之無一言人高其行

楊漣 內監孝事雙親為諸昆置產子侄姻戚
為之延師為人贖旗丁男婦喪葬婚娶

所能為者無不竭力資助且
敬禮賢士買正學書院地基

槐公允 庠生孝事孀母慈撫幼弟值歲荒族之
貧者量口給粟鄉之貧者輸流給食賴

以活者
甚衆

李登科 八子村人能敦孝友事繼母如生母讓
兩兄產次兄無子薪米一切取給嫂故

容城縣志

卷六上

善行

吳

出已資葬之每
冬季施粥三月

李友松 庠生歲凶村民嗷嗷松出已
粟分賑之村民賴以存活

宋三 庠生事母以孝稱歲荒煮粥濟饑全活
甚衆時鹿太常孫徵君杜紫峯皆樂與

友之

周新登 千方村人躬耕養親先人遺產盡讓兄
弟歲荒出錢濟貧遇婚葬者捐貲助之

魏自亨 午方村人素性敦厚隣越耕其畔數年
後清丈隣服罪議償租亨曰誤耳不受

有竊亨薪移於他處者或告之亨
曰薪值幾何使人受惡名竟不問

魏自強 忠厚孝友拾遺
還主賑濟貧乏

李尙玉 好善喜施弟為情薪監邑令嘗受含沙
玉極力推挽鄉西北濱河歲苦馮夷玉

捐資築石橋土橋
各二以便行人

朱法祀 字霖宇新城武舉世居白溝店好善樂
人 施周乏賑急店當孔道歲施茶以濟行

崔進成 溝西村人武進士張鉦僕鉦官沒零落
成鸞腐為業奉其長男毫無怨言又助

其次男婚娶人咸義
之縣尹給扁旌獎

增文 林郎胡帥仁 城內人孝友慷慨二弟鸞產贖歸之葬
族內人三喪刊藥方以濟人樂善不倦嘗

自言曰吾無他善狀但平心術以答天地遵
王法以報朝廷保身體以還父母積陰德以

遺子孫耳壽
九十餘卒

陳 璵 康生城內人安貧樂道孝友
兼全為義學師生童式之

李 詰 沙河村監生性醇謹好施予設立義學
捐腴田五十畝以資膏火邑侯程公詳

登彰
善坊

容城縣志

卷六上

善行

四

張維綸 西閨人慷慨好義兄弟六人父母早逝
維綱維德維藩皆幼綸皆教之成名族

有貧窮者咸周
之墓有義士碑

槐世藩 生守正不阿慷慨
純好施鄉飲介賓

槐健行 庠生孝友素
著鄉飲介賓

孫其价 庠生城內人
鄉飲介賓

槐維新 增生文行兼優濟人
利物邑侯李旌以扁

段 拱 胡村人品行端
方鄉飲耆賓

朱 鐘 后臺人性行端
潔鄉飲耆賓

李 浴 李茂人慷慨好施醇
謹老成鄉飲耆賓

崔 晉 增生性行端潔鄉
堂引重鄉飲介賓

崔 埴 性行醇篤 鄉飲耆賓

王天足 善氣迎人尤精於易理 庠生東四庄村人和平篤厚

張爾相 醇謹長厚有傭工人駕牛外出途遇販牛者為其所愚易牛而歸後知其偽向

張謝罪張曰爾意本為我也竟不問

朱 錦 婦人至錦急雇人救之得甦問知為田

姓婦張氏養之月餘為訪其夫遺之贈資而歸

王以桂 白龍村人性孝友好善樂施兄弟六人

江州陳氏風乾隆十一年莊親王賜福

孫士瑾 城內人庠生性廉靜不妄

孫其作 西關人為人公正人有相爭者能為分理是非一關公舉約正以勵風俗

容城縣志

卷六上

善行

率

彭 廉 西關人性耿介家甚貧常以義命自安

關帝廟蓋施之 尋者時西關修

雷養性 城內人庠生

文名望 南文村人

槐從之 東關人重義輕財婚葬不給者多周之

年至拾年 購族人王 與谷姓二人養之數十

王進柱 門邑侯李立為西村約正以勵風俗

陰永慶 庠生東牛村人醇謹

龔 富 龔家庄人醇謹

張友直 庠生南關人

王麟甲

城內人鄉飲耆賓

王諤

城內人鄉飲耆賓

王景獻

城內人鄉飲耆賓

王有質

西張楚村人鄉飲耆賓

楊自貴

西關人居家孝友好善樂施人有負欠家債不能還者即焚其券

陳琮

城內人處家孝友

鄭孟夏

鄭村人孝行著聞精於醫術專以濟人為心毫不取利沒時四方來弔者奔走

號泣里無歌音

容城縣志

卷六上

善行

季

孝友

顏 達 廩生安貧好古家產盡讓二弟母卒廬於墓側朝夕哀泣

陰 標 詳見甲科

孫奇儒 庠生兄弟篤孝悌弟自為師友連喪父母手自築墓塋之日手築塊室相與寢

處凡六年

孫奇遇 庠生

孫奇逢 詳見理學

孫奇彥 詳見恩選

劉攀龍 庠生孝事孀母併日而食必竭甘旨親沒不飲酒茹葷不續絃毀幾滅性

李 槃 毀骨立廬墓三年建坊旌表

容城縣志

卷六十一

孝友

三

韓雲靄 庠生母患瘋癱十八年扶掖起居飲食便溺皆所躬親不忍暫離

蕭元音 武舉西牛村人性至孝母病屢藥不效夜禱北辰願以身代割股作羹與藥同

進遂 瘳

李 忠 李茂人割肉愈親

趙廷貴 北關人母病不起家貧無藥割肉以奉母病遂愈

楊文祥 北城人割股愈母

蔚 明 溝西村人割股愈母

郭文學 溝西村人割股愈母

張童愛 北關人割肉愈母

張承宗 南關人事繼母甚孝母病遍身燃燈呼天求救母尋愈

孫祚隆 西關人祖父母死京邸四十餘年隆薄

櫬歸里安 厝祖塋

陳 濬 庠生北關人母 卒結廬墓側

宋 鎡 庠生張市村人四歲而孤母孫氏堅苦

撫之成立孫卒鎡廬墓側朝夕哭拜竟 卒於墓子允誼痛父死於孝亦 廬墓三年人稱以孝繼孝云

魏國樑 沙河人七歲知敬母每食必讓而後舉

呼之走一 夜遞家

蕭玉藻 西牛人父病日待左右目不交睫湯藥

必嘗及沒哀毀骨立廬墓三年母沒亦 如之雍正十 一年旌表

魏 培 沙河邨人母病湯藥必嘗穢器必躬滌

之親沒事死如生日三禮拜風雨不輟 容城縣志 卷六上 孝友

三

又嘗訓其子曰吾祖於人負欠並無簿記吾 父有簿記而不討至歲終則焚之吾則按簿 取討不還而後焚之終不能 忘也恐爾曹將不復焚簿矣

魏 一 培子庠生父終廬墓 惜未三年卒於墓所

李國相 割股 愈祖

劉喜泰 割股 愈母

王維澗 北張村人年十四善事祖母以孝稱 祖母病醫藥罔效澗割股療之而愈

劉永剛 割股 愈母 事母最孝母病 割股啖之母立愈

李鳳翼 邑人父母沒廬墓六年 人父母沒廬墓六年

趙克份 沙河營人增生性嚴正識大體篤於孝 友事繼母色養撫兩弟成立邑令李表

其門曰德 行醇實

孫士瓚

西關人。事親竭力。其兄病痿。瑣事之七年。如一日。家貧鬻產。毫無怨言。

張培

西關人。善事父母。遇病湯藥。必親嘗。父母沒。哀毀骨立。胡東軒為作君子傳。

王鏡

西牛營人。割股愈母。

田吉昌

西牛村人。割股愈母。邑侯王旌以扁。

蕭克讓

西牛村人。割股愈父。邑侯王旌以扁。

宋雨化

八于村人。割股愈母。邑侯李旌以扁。

槐錫晉

庠生。入于村人。少孤。祖母王氏撫育成。人祖母病。百藥不效。晉割肉療之。即愈。

夏勇

小張堡村人。割股愈母。

孫其德

滿西村人。兄弟三人。長兄其佺早逝。無子。德以己子為其嗣。事寡嫂。欽敬仲兄。

其仲有瘋疾。亦無嗣。德更加勤謹。甘旨無缺。鄉里重之。

卷六二

孝友

善

張宏猷

庠生。西關人。孝友存心。迎胞叔。柩扶堂。弟櫬備極。辛苦撫養孤姪。竭盡心力。

黃可揚

溝西村人。庠生。母病。揚每呼天。願以身代。忽夢神語曰。不食牛肉。母病可愈。遂

終身不食。

孫本豐

性行純篤。弟本固。早夭。遺三子。尚少。豐

鯁人。勸之娶。豐不肯。曰。娶若賢。猶可不。賢禍吾姪矣。况有姪。足以延先祀。何娶為。終身不娶。為其姪成家立業。

年八十餘。無疾而終。

趙文禮

南張村人。割股愈母。

宋允詮

增生。張市村人。親死。廬墓大。尹李詳請旌。表鄉飲介賓。

李景賢

李茂村人。母病危。祈禱莫效。割肉調羹。以進。母病立愈。

王吉士

庠生。白溝店人。週年喪。父事孀母。以孝聞。年三十。妻亡。恐再娶者不能如前。

順母心遂終
身不再娶

生蕭揖遜 居西牛村事繼母以

孝聞待胞弟以友著
第五子也母死欲就
員孫 鑿廬以父在堂未果及父歿廬墓三年

勇烈

明

牛祖孔牛瑜牛珽西牛村人庠生兵變率鄉人禦之皆被殺

胡堪庠生樓堤村人遇變被殺妻與弟婦皆投井死

孫爾祺儒童遇變守城被射死

張登榜與兄庠生登雲守城奮勇當先被射身死

石邦言楊守奎遇變守城被射身死以上八人比部胡向化上其事於朝得

旨建坊旌表

劉起龍庠生王村人為亂兵執厲罵被殺妻陳氏以計脫投井死

梁平夷遇變守城被射死

容城縣志

卷六上

勇烈

美

胡膚藻庠生遇變被執漆大言曰吾頭可斷不為若役矢刃遍體越宿方甦

蔡光啟庠生遇變被執不屈遂被害

李天篤庠生兵變被執不屈以頸血濺之

李洪兆兵變聞警捺弧射賊兵至被射死

李知來庠生遇變母甚病不忍離遂被執遇害

楊一新庠生山居遇變彎弓對敵被射死

楊壯士沙河村人性激烈善騎射遇流賊之變力鬪而死

節烈賢孝

元

王氏女 性至孝 幼喪父 事母色養 備至 母沒 感念終身 不嫁 詔旌表之內 翰廬公署其

門曰孝女 靜修先生有銘 載藝文

明

陰繼先妻崔氏 居東牛村 年三十 夫亡 族人欲

至孝家甚貧 苦不 缺甘旨 一子五歲 撫養成人 永樂十八年 旌表 元進士宋貞有詩 載藝文

張志剛妻李氏 居溝西村 年二十四 夫亡 翁姑

拓其業 家為之康 弘治三年 旌表 吳鵬為之作傳

容城縣志

卷六下

節烈賢孝

王璟妻李氏 居白塔村 夜被盜 氏恐傷其夫

身願代賊 義之捨而去 或問何為不懼 氏曰 婦人以夫為天 我死夫可再嫁 乎人稱其

賢 見張烈烈記

辛陽女 正德中 流賊陷城 女

顧母矣 遂毀井 死賊 劫 不辱之 復射數矢 而去 事後 表闕 於表 立

在縣治 市高 鏡 下井 日烈女 祠 張聯 璧題云 祠坐 燕 於 方 約 遠 播 門 迎 泉

井水 際與水色 同清 祠今廢

牛環女 居西牛村 流賊所 劫 為

李荷妻鄭氏 居北 夫死 流賊之 劫 守節 終身

員生 劉世榮妻任氏 子繼業 婦蕭氏 居王村 榮疾篤 謂任曰 吾名不

立而早逝幸有子汝其育之任受命堅貞
守嘉靖中旌表子繼業以孝聞母沒以憂鬱
卒妻蕭氏復屬志操守節
終身孝子攀龍其子也

陰 春妻王氏 居東牛村年二十夫亡翁憐其
少欲嫁之氏以死自誓事親以
孝詔建坊
旌表之

曹 玉妻劉氏 居 村年二十夫亡子甫四
歲親屬勸之嫁氏泣曰烈女不
更二夫守節
五十年而卒

經 張 進妻李氏 年二十二夫亡氏甘貧苦躬勤
紡績擇師教子紹先入太學撫
院賜羊酒
以旌表之

胡 彤妻王氏 居王祥村年二十夫亡止
一女撫之成人終不再適
生 陰 木妻李氏 年二十六夫卒氏自縊姑救
之勸以撫育二子氏乃紡績教

容城縣志 卷六下 節烈賢孝 二
子始 弗渝

李 冠妻任氏 年二十一夫卒氏繼欲從夫死
家人救之及發割左耳納棺中
邑候張
有碑記

宋門三節婦 宋鑑妻張氏年二十二鑑亡遺孤
世昂甫六月有通之嫁者終不能
奪後繼弟鏗亦早夭妻張氏亦撫子世傑不
他適繼孫文禮亦早夭妻張氏亦撫子寧暨
安不他適人
稱一門三節

廩 王廷徵妻曹氏 居白龍村夫死晝夜悲號數日
不食姑與母勸解之終以不食
死

王 莊妻陰氏 居賈家莊年二十六夫亡始老
子勿氏曲致其瘁繼姑逝子天

零竹孤苦
守節終身

張世官妻王氏年二十四夫亡勤苦撫孤守節終身

楊忠愍公夫人張氏婉孌有志操忠愍赴義時上書請代夫死及忠愍沒

哀毀幾絕祇奉遺訓嚼菹茹荼撫二子成立贈宜人

蕭門三節婦居西牛村蕭桐妻牛氏年二十七

洞然妻牛氏亦效節苦守曾孫庠生玉振妻張氏亦效節苦守曾孫庠生玉

生王之肱妻陰氏居白龍村夫死守貞教子家瑞登賢書猶親紡績人稱賢母建

坊旌表

生陳紹慶妻田氏年二十夫亡氏絕粒欲死翁姑勸曰汝夫無他兄弟汝死我兩

人何依且二子穉穉誰為撫之語畢泣數行下氏乃斷髮指以見志躬自紡績撫孤成立夫妹八人俱親治奩嫁之仲子可成領鄉薦宰宜陽卒於官氏復撫孫即孝廉述志也

容城縣志

卷六下

節烈賢孝

三

人哀之曰栢舟誓身兼誓婦熊九宜子又宜孫建坊旌表

殷漢妻牛氏子婦王氏居小李村漢死時氏年二十一有遺腹欲

死人勸之曰生男或可不絕夫嗣遂強活後果生男撫至成童娶未週年死亦墓生一子與兒媳王氏撫其孫

大尹張公匾其門

殷時通妻胡氏子崇儒妻王氏居東牛村年十八夫亡姑憐其

幼欲嫁之氏以死自誓有遺腹生子崇儒冲齡入泮復早死遺孤甫七日其婦王氏亦守節不二孫奇逢鹿善繼

等為置田以供膳養

張鐸妻李氏居溝西村年十九夫亡剪髮斷食欲以身殉翁姑諭以撫孤遂

嘔血茹蘖為夫撫孤後子與婦俱天又撫孫毓梓成立入泮詔旌表之

李思敬妻王氏居野橋村年未二十夫亡守節孝事翁姑撫育幼子歷七十年

邑令宋潘
皆旌其門

孫光祚妻李氏

居午方村年十九夫亡堅以身殉親屬阻勸之遂割耳自誓貧不能給邑孝廉孫奇逢每周給之勅賜建坊邑大尹徐有碑記

康廷相妻楊氏

居白塔村忠愍公女幼通文墨孝事翁姑年十九夫亡號哭七日不食母勸慰之乃坎一室穴竇通飲食十易寒暑足跡不出淚久血枯至於喪明年九十餘卒奉旨建坊匾其門曰忠孝之門

孫國祚妻陳氏子鳴球婦陳氏

居陳家莊國祚死氏年二十五

遺孤八齡女過歲氏矢志守節其翁必欲嫁之因割耳自誓潛攜子女至母家長齋禮佛白誓終身子鳴球以哀殞婦陳氏亦持齋守節孫徵君有輓割耳三節婦序

胡印昌妻陳氏

居賈家莊昌故氏年二十無子甘貧苦守歷四十餘年而卒

容城縣志

卷六下

節烈賢孝

四

廩生蕭大韶妻侯氏

韶卒姑老子幼家貧氏事姑撫孤極其勤勞訓子為邑庠生

康廷臣妻劉氏

居白塔村夫故氏竭力孝親撫孤成立守節終身

陰選妻王氏

居東牛村年二十七夫亡守志撫孤長與季俱入泮仲子中武

舉院道皆旌其門

生員陰承明妻王氏

居東牛村年二十五夫亡遺孤二歲父母欲嫁之氏以死自誓

歷五十餘年卒院道皆旌其門

生員侯文憲妻孫氏子瓚婦蕭氏

憲死孫氏斷髮殉葬守節四十餘年

教子瓚食餼亦早亡婦蕭氏與姑同志人稱一門雙節

生員顏三仲妻王氏

年二十夫亡子甫二歲勵志自守紡績撫孤四十餘年

朱萬戶妻劉氏

居后台村年十九夫亡無嗣紡績自給守節終身

畢鳴鳳妻王氏居東牛村年二十七夫歿無嗣貧無立錐始終苦守

蕭穩重妻宋氏居張市村夫早亡氏撫幼孤艱苦備至卒以節終

員生胡堪妻顏氏居樓堤村氏夙嫻大義遇亂被掠義不受辱見夫被傷投井而

死奉旨建坊

胡坦妻李氏居樓堤村事舅姑至孝遇變被掠不屈賊射之投井死奉旨

建坊

劉渤妻王氏居小李村年二十四夫死無子止一女撫養守節幾三十年丙

子兵變賊欲驅之去氏不從自刃道旁

王舜相女居東牛村年十五未字遇變嫚罵不屈賊殺之頸血凝碧人皆異之

劉光遠妻李氏居小李小李村遇變被

容城縣志 卷六下 節烈賢孝 五

齊玉妻段氏流賊之變聞驚即誓曰寧死不辱賊至投河死

郭文剛妻李氏弟文讚妻劉氏居西塹村賊至被

段尚志母王氏前妻侯氏居胡村遇變姑與媳俱投井死

員生張奮翼妻王氏弟舒翼妻李氏居辛莊聞變恐為所辱先投井

死並入烈女祠

趙鳴鳳妻劉氏居小李小李村遇變逼脇不從抱子投水死尸浮水上母子猶相抱

人驚人驚異之

王治妾徐氏夫早亡撫養孤孀持家守節備嘗艱苦遇變投井至井邊強脇

不從連砍三刀墜井而死

王三聘妻李氏居李茂村被賊強執不從遇害

李春兆妻朱氏

居王村遇變被執以計脫母子投井死

生員

王承志妻馬氏

夫亡誓欲死殉因翁姑年老子勉為未亡人孝事二親誨二

子理俱入

胡邦化

年二十五夫亡守志紡績奉養翁姑撫孤子成立

趙天序妻蔚氏

居北城村夫亡守節終身

趙愷妻張氏

居北城村夫亡守志邑令齊公旌之曰一門雙節

李騰光妻牛氏

居小李村夫亡守志邑令曹公給匾旌之

舉人

王家瑞妻陰氏

年二十八夫故守節事孀祖姑生盡孝死盡禮訓三孤爾錫爾

銓爾鏞並為庠生

李化櫨聘妻王氏

癸未間警其母送至夫家合香未行賊至曳出使去母不

容城縣志

卷六下

節烈賢孝

六

與初殺又持氏急氏抱母屍痛罵不止賊以利刃碎之

張璞妻王氏

居小李家年十八癸未遇變匿穴中賊搜獲之強脅不從殺旁

列者以噓之氏怒目喝之曰吾寧死不辱賊以鈍刃刺喉數十而死

生員石邦彥妻韓氏

年二十六夫故遺三孤家甚貧氏訓子如寶榮宗與宗俱成名

孫承印中鄉副

劉稽古妻侯氏

居王村年二十七夫亡絕而復生者再姑老子幼家貧併日而

食或勸之嫁氏堅拒不從訓子元甲入泮

崔位妻姚氏

居王儲村年二十八夫亡守節隨翁在洛陽闖城陷城姑老步

艱氏負姑避免歸撫二子及第掄第並為諸生

太湖知縣

劉允升妻姬氏

居東牛村劉為太湖令逝時氏年二十九宦囊蕭然氏紡績自

給誨二子爾植爾棟
為庠生孫徵君有傳

生員孫奇才妻王氏 居北城村年二十八夫亡 守節邑大尹徐公旌以匾

生員宋印昌妻杜氏 居城內秉性端莊通孝經列女 傳孝事翁姑其夫婦相敬如賓

印昌卒絕飲 食八日而死

彭一龍妻郭氏 居西關年二十九夫亡 守節撫孤搏萬食餼

李應講妻張氏 居北張村年二十七夫亡 守節邑大尹蔣潘皆旌以匾

劉養正妻趙氏 居北張村年二十八夫亡守節 撫三子皆成名大尹胡公旌以匾

田正喜妻李氏 年十九夫亡守節撫未歲 孤成立聶大尹旌以匾

邢從德妻姚氏 年二十五夫亡守節 徐大尹旌以匾額

容城縣志 卷六下 節烈賢孝 七

張友思妻崔氏 年二十四夫亡守節 曹大尹旌以匾

國朝

李敏妻趙氏 居王村年二十九夫亡 守節撫孤瑞昭為邑諸生

李之質妻劉氏 居王村年二十 夫故守節

生員李大篤妻陳氏 居王村夫亡家貧茹荼食葷艱 苦備至撫一子三女皆為婚嫁

李毓知妻韓氏 居王村年三十 夫亡守節終身

韓雲妻孫氏 居王村年三十 夫亡守節終身

張廷妻張氏 居王村年二十九夫故 同志守節撫

庶子應魁入泮 人稱一門雙節

張鎮妻許氏 居小李村年二十 夫亡守節以終

石夢更妻李氏 居小李村年二十九守節終身

廩生王 絲妻劉氏 年三十夫故守節終身

薛順天妻劉氏 年二十夫亡守節五十餘年

生員孫立德妻張氏 居城內夫亡之變鬻髮為鬻民投井水淺得不死遂鬻髮鬻鬻不粒

食三日復自縊眾奔救之始以撫鬻為念家貧躬自織紉病晝夜在床不肯少怠翁姑咸稱其孝教子士瑾為

增生徵君先生為作傳

廩生梁 銓妻劉氏 居城內年二十七夫亡撫猶子為嗣已丑聞變持女泣曰吾家

世清白無苟活理視死如歸投井自縊時天暑顏色如生並求烈女祠

李廷春妻劉氏 居城內年三十夫被賊掠去矢志守節後紡績養生事嫂

如母撫侄如已出

芥城縣志 卷六下 節烈賢孝 八

守備梁 燭繼妻杭氏 已丑之變燭被賊傷氏將幼子付乳母曰善視此子吾不能獨生矣遂投井而死入烈女祠

生員白鴻儒妻王氏 已丑之變聞警投井死入烈女祠

廩主宋登龍妻趙氏 已丑之變聞警自縊死入烈女祠

蕭 黨女 居西牛村年十七兵至強脇不從被殺

侯思忠妻張氏 居西關年三十二為賊所執不與嫂同受掠不從投河

賊去家人救之得免

張 鉦女 居溝西村造新安李合天夫卒居號泣不食三日自縊於柩側

劉 氏女 居東牛村造新安劉繼祖年二十四夫卒矢志撫孤貧依母家使孤負薪

躬自辟績鄉黨悲而賢之

孫奇彥女 居北城村適新安梁衍醇年二十夫卒熒子無依四母家撫孤守節

侯氏女 居白溝店適新安劉應第念已無出家氏矢志守節園佔後流離困苦日事紡績孫徵君曰氏之合義者三從一靡他代夫為子勸夫置妾為入取節錄中

張書紳妻王氏 居南關年二十八夫亡守節

張 棊妻溫氏 居南關年二十六夫亡翁姑俱老遺孤三人氏事舅姑撫幼子紡績以給守節終身

李 棟妻胡氏 居李茂村年二十九守節撫三孤一豸友松一麟俱入庠

陳自科妻李氏 居李茂村守節撫孤

李 桐妻張氏 居李茂村年二十一守節撫孤子一鰲入泮

容城縣志

卷六下

節烈賢孝

楊才官妻李氏 居李茂村年十二守節撫孤

王 振妻孫氏 居李茂村年二十八守節撫孤

王思禮妻劉氏 居王德村年三十守節撫孤進義祠孫烈成立

何出圖妻趙氏 居樓堤村年二十九夫亡守節終身

王有亮妻李氏 居王德村年二十八夫亡子幼其志撫孤成立

閻 城妻孫氏 居王德村年二十二夫亡守節撫孤成立

李調陽妻李氏 居城子村年二十一夫亡守節教子起聞入泮大尹霍公旌以匾

李尚仁妻劉氏 居西四莊年二十七夫亡守節撫孤榮遺腹子桂皆有成

孫鳳鳴妻牛氏 居小李村年二十五守節撫子壯志壯行壯士皆有成

石昌印妻孫氏 居小李村年二十五夫亡守節以終

楊 會妻溫氏子錫福婦彭氏 居張楚村會亡有遺腹生子錫

福撫至成童娶婦彭氏錫福又夭與媳撫孫成立人稱一門雙節

朱應衡妻牛氏 居沙河村年二十八夫亡守節以終

路可知妻邊氏 居張楚村年二十六夫亡守節撫遺腹子先知成立

孫尚德妻何氏 居張楚村年二十八夫亡守節以終

生員宋之選妻郭氏 居張市村年二十九夫故欲以死殉姑諭以撫孤遂勉視息躬勤紡績教子成名

勤紡績教子成名

生員谷象謙妻劉氏 居西關年二十九夫死有遺腹越五月生一子氏矢志自守撫孤成立

孤成立

生員胡時化妻劉氏 居西關年二十八夫亡撫二孤俱夭撫孫成立

容城縣志 卷六下 節烈賢孝 十

張學思妻李氏 居北關年二十四夫亡守節以終

生員梁 欽妻馮氏 年二十二夫亡撫孤成立

張文奇妻石氏子騰潛婦孫氏 奇亡石氏年二十五撫孤騰潛

妻媳孫氏潛天孫氏年二十七同姑守節撫孫名世入泮大尹宋公旌表雙節

牛祖孔妻宋氏 居西牛村年二十八夫亡守節以終

耿 直妻康氏 居沙河村年二十八夫亡守節以終

張光大妻莊氏 居沙河村年二十九夫亡守節以終

魏君選妻劉氏 居沙河村夫亡守節

白 樂妻楊氏 居沙河村年二十二夫亡守節以終

陳大全妻李氏 居南張村年二十七夫亡守節以終

劉環妻陳氏 居南張村年三十夫亡守節以終

張文元妻張氏 居胡村年二十九夫亡守節撫孤世榮成立

李鳳騰妻尹氏 居夏家莊年二十八夫亡守節撫孤度日撫孤平安成立

侯仲信妻胡氏 居劇村年二十九夫亡守節以終

侯景寧妻王氏 居劇村年二十五夫亡守節終身

蕭大英妻楊氏 居劇村年二十八夫亡守節終身

劉大節妻姚氏 居劇村年十八夫亡子女俱無年少無依堅貞不易守節以終

王明德妻董氏 居東四莊年二十七夫亡守節以終

張述志妻楊氏 居東四莊年二十七夫亡守節以終

王維才妻蔡氏 居東四莊年二十八夫亡守節以終

容城縣志 卷六下 節烈賢孝 十一

范進義妻王氏 居夏家莊年二十九夫亡守節紡績度日撫孤成立

王郭然妻胡氏 居白塔村年二十九夫亡守節舅沒值兵火藁葬後以紡績所積置棺槨改厝撫七歲孤培為增

生康熙十八年奉旨旌表

王懋極妻孫氏 居白塔村年二十八夫亡守節懋極被殺氏欲死殉姑諭以撫孤氏乃泣諾時寇氣方熾氏上事舅姑下育

藐孤百計求全始終如一康熙十八年旌表

王世則妻劉氏 居白塔村年二十五夫亡守節子三歲父母勸嫁不從撫孤成立

王僖妻梁氏 居西牛營年二十二夫亡守節撫未歲孤明政為庠生大尹胡

公旌 其門

李鳴奇妻尚氏 居北城村年二十九夫亡守節終身

孫 佩妻蔚氏 居北城村年二十九夫亡守節終身

陰錫瑞妻賈氏 居北城村年二十七夫亡守節終身

高萬節妻劉氏 居北城村年二十七夫亡守節終身

生員 孫鳳翔妻馮氏 居小李家年二十八夫亡守節撫孤尚智名智俱為邑庠生

郭恩敬妻張氏 居鄭村年二十八夫亡守節終身

陳 經妻賈氏 居李茂村年三十夫亡守節終身

李 蕢妻張氏 居野橋村新安籍年二十二夫亡守節撫孤而拓其業

趙 妻劉氏 居白溝店年二十九夫亡守節撫孤子忠成立

王 勲妻羅氏 居王家莊夫故氏年三十遺孤六人氏晝夜紡績率皆婚娶一

家孝友悉羅氏教云

容城縣志 卷六下 節烈賢孝 十三

侯 佳妻王氏 居東牛村年二十七夫亡守節撫兩孤成立

槐天申妻師氏 居八于村年二十七夫亡守節撫孤成立

生員 宋 淙妻孫氏 居城內印昌次媳年十九以賢率數日不食母諭以撫孤乃携四歲子至母家率先苦節已丑賊乘城氏投井賊去掘出惟餘氣而已徵君有紀畧杜紫峯有詩邑大尹趙公有貞節說載藝文康熙二十九年

奉 旌表 旨

生員 陳理陽妻張氏 居城內年二十四夫亡遺姑孤奉 撫子承封食饌

奉 旌表 旨

生員 劉運亨妻楊氏 居城內夫亡守節大尹霍公旌以匾

守備 陰象震妻趙氏 居城內年二十七夫亡守節終身

李瑞禧妻張氏

居城內年二十四夫亡父母憐其少且貧欲嫁之氏以死誓撫

男女皆有成

生員李鳴陽妻趙氏子坤婦康氏

居北城村陽死趙守節撫孤娶媳康

氏子坤早歿乏嗣康與姑同志俱以節終其身大尹斬公旌以匾

劉雲路妻劉氏

居北城村年二十七夫亡守節撫孤成立

梁可行妻蔡氏

居北城村年二十九夫亡守節終身

劉汝良妻張氏

居北城村年二十九生子十三日夫故誓死撫孤守節終身

劉忠妻李氏

居北城村年二十五夫故守節終身

陰錫星妻張氏

居北城村年二十八夫亡守節終身

黃國用妻楊氏

居王答村年三十夫亡守節以終

容城縣志

卷六下

節烈賢孝

三

王樂妻陰氏

居陳家莊年二十九夫亡守節終身

李登顯妻朱氏

居大南頭村年十七夫亡孤方週歲姑八十餘氏孝姑撫孤兼

盡其道守節終身

苗之實妻劉氏

居大南頭村年二十九夫亡守節以終

文可忠妻劉氏

居八于村年二十七夫亡守節撫孤成立

王廷獻妻劉氏

居八于村年二十七夫亡守節終身

趙妻劉氏

居白溝店趙天壽兒媳年二十九夫亡守節以終

王妻鄧氏

居白溝店王登榜母年三十夫亡守節終身

王就問妻張氏

居八于村年三十夫亡守節終身

侯瑄妻王氏

居白溝店年二十三夫亡守節事翁姑以孝聞並養葬其生母

教子孫成立邑大尹趙公旌其門

趙光縉妻田氏 居野橋村年二十

趙繼美妻楊氏 居野橋村年十九

趙維祺妻許氏 居野橋村年二十

王 憲妻李氏 居北張村年二十

李 勤妻高氏 居北張村年二十九

魏良用妻董氏 居午方村年二十九

孫惠恩妻李氏 居午方村年十七歲夫亡子生

孫弘訓妻陰氏 居午方村年二十八夫亡

孫國綱妻仇氏 居午方村年二十八夫亡誓死

容城縣志

卷六下

節烈賢孝

四

方週歲念姑孀孤幼氏勤紡績以養及媳他適携孤欲去氏却聘金泣日善為我養此子復還孫氏足矣姑歿哀不勝孫歸氏出二十

孫我後妻王氏 居午方村年二十三夫死有遺腹誓死守節

鄭贊妻陳氏弟輔妻段氏 居鄭村贊亡陳年二十

俱撫未歲子成立人稱為雙節

朱 妻劉氏 居王果莊朱全母年二十

王新世妻馬氏 居李家營年二十一夫亡守遺腹子九儀成立

曹成雨妻馮氏 居河照村年二十

郭九序妻孫氏 居午方村年三十五夫亡守節撫二孤成立後子瓚為舍副使

鄭光照妻馬氏 居鄭村年二十五夫亡撫孤成名守節以終

生員侯 瓚妻蕭氏 居辛莊年二十八夫亡 撫孤成立守節以終

張大水妻蘇氏 居辛莊年二十一夫亡 撫嗣子羽翼成立

生員王 泰妻劉氏 居白龍村年三十 夫亡守節終身

張顯若妻楊氏 居河村年十九夫亡 撫未彌月孤成立

徐得平妻吳氏 居西四莊年二十二 夫亡守節撫孤成立

段進科妻馬氏 居胡村年三十夫亡守 節終身陳大尹旌以匾

張得水妻高氏 居胡村年二十九 夫亡守節終身

生員陰 昱妻胡氏 居東牛村年二十一夫 亡守節撫未歲孤成立

楊 坦妻顏氏 居西關年二十七 夫亡守節以終

殷 妻單氏 居小李村夫早夭 矢志守節以終

容城縣志

卷六下

節烈賢孝

十五

殷之秀妻王氏 居小李村年十八子未週歲夫 亡自誓守節後子天氏又撫孫

邑侯張 旌以匾

許 燁妻閻氏 居小 李村年二十夫 亡撫孤守節以終

文彥魁妻劉氏 居南文營年二十 三夫亡守節以終

文可槐妻牛氏 居南文營年二十 九夫亡守節以終

蕭云更妻薛氏 居段家莊年二十 八夫亡守節終身

王自新妻徐氏 居東四莊年二十 四夫亡守節終身

廩生劉聯捷妻陰氏 居東牛村年二十八夫亡 守節教子芳蕙俱為庠生

生員牛式玉妻蕭氏 居西牛村年二十七夫亡子 甫六月矢志撫孤守節以終

牛思智妻李氏 居西牛村年二十 五夫亡守節終身

員生王 沛妻張氏子明揚婦蕭氏 居西牛營年三十夫亡撫四歲

孤人勸之嫁氏峻拒之及子明揚亡媳蕭氏同姑守節教子繼先入太學學博魁旌其門

趙 瑞妻高氏 居南關年二十八夫亡守節善事翁姑備歷辛若撫孤俱有成

郭 妻韓氏 居野橋村年二十夫亡守節終身

以上舊志以下續增

胡 滄妻常氏 年二十一夫亡事姑訓子孝慈並至康熙二十九年旌表

朱 爾均妻楊氏 居后臺忠愍裔年二十五夫亡孝事翁姑生養死葬悉合於禮

撫子入泮康熙五十三年旌表

員生李煥元妻孫氏 居北城村歸李未月隨夫翁之任夫病每夜禮斗願減已算以

延之及夫死哭畢入室從容自縊死康熙六十一年旌表有貞烈詩集傳於世

容城縣志 卷六下 節烈賢孝 夫

郭 雙喜妻王氏 居沙河營年二十夫亡孝事翁姑撫育幼子守節終身

李 門三節婦 居北張村李攀龍妻石氏夫亡撫子立入泮娶婦安氏立亡安年二

十二同姑守節任婦韓氏文郁妻夫亡亦守節人稱一門三節婦

李 鳳翥妻陰氏 居北張村年二十一夫亡父母憐其少欲嫁之氏割耳以誓守

節終身

李 鳳起妻耿氏 居北張村年十八夫亡守節終身

李 鳳苞妻楊氏 居北張村年十七夫亡自縊

張 從賓妻章氏 居溝西村年二十八夫亡守節終身邑侯郁旌以匾

邊 尚志妻胡氏 居八子村年二十夫亡孤未週歲族人憐其貧且少欲嫁之氏

不從拾柴剡葉以生及孤娶媳年二十餘而大媳適人遺孤女氏乃立撫孫為嗣與孤

女並撫之壽八十餘而終

石六全妻孫氏子魁婦雷氏居沙河村孫年二十夫亡守節撫孤

成立娶媳雷氏魁又早亡雷亦守志事孀姑以孝聞鄉人重其雙節

崔東亮妻王氏居沙河村年二十五夫亡守節撫孤成立

崔化普妻李氏居沙河村年二十八夫亡養老撫幼守節終身

黃桂林妻孫氏為惡少逼姦自盡雍正四年旌表

生員殷其熾妻周氏居野橋村年二十二夫亡守節雍正七年建坊旌表

張天才妻丁氏子婦蕭氏天才亡翁姑欲令貧從無私蓄人有饋食必奉翁姑不及其子娶婦蕭氏年少子天蕭與姑同志不肯再適

雍正十年旌表

容城縣志

卷六下

節烈賢孝

七

梁永瀚妻何氏居北城村年十七夫亡守節孝事翁姑撫育孤子雍正十年旌表

蕭守妻李氏居西牛村年十七夫亡姑年老續家計所裕姑葬子娶咸中禮節烈當堂之雍正十年旌表

王幾妻張氏年二十六夫亡守節翁姑年俱八旬動履需人氏躬自扶掖毫不怠倦子五歲撫之成立雍正十年旌表

劉國祥妻沈氏居溝市村年二十夫亡翁姑衰居溝市村年二十夫亡翁姑衰

心力教子入泮

生員李用行妻崔氏子生承元婦凌氏居北城村崔

病藥必親嘗焚香願天祈以身代夫亡絕粒

欲以身殉恐人絕嗣乃矢志撫孤承元成立

娶婦凌氏元病凌為嘗糞夜叩北斗願減年

以益夫壽夫亡守志孝孀姑撫子成立亦如

姑云雍正十一年旌表

廩生槐力行妻薛氏 居小八于村年二十四夫亡守節終身邑令張公旌以匾額

顏大成妻蕭氏 居劇村年二十五夫亡守節乾隆四年旌表

生員牛斗先妻陳氏 居南張村年二十四夫亡遺腹未育葬後生子應魁撫之成名

乾隆九年旌表

殷寶柱妻路氏 居北張村年二十四夫亡無子繼族人之子為嗣守節終身乾隆九年旌表

乾隆九年旌表

高材妻張氏 居高家莊年二十五夫亡越三週生子守節撫孤成立乾隆九年旌表

年旌表

魏門三節婦 居沙河村連歲妻范氏子養恩妻王氏孫鳳彩妻衛氏俱建坊旌表

容城縣志

卷六

節烈賢孝

六

生員劉亨吉女 幼許李氏子未嫁李外出無音信女年二十四翁姑憐其愆期議令女父母別婚女聞之不食數日自縊死乾隆十一年旌表

監生孫錦妻趙氏 居野橋村年二十八夫亡守節孝奉翁姑乾隆十一年旌表

郭實妻李氏 居野橋村年二十七夫亡守節孝事孀姑義訓孤子乾隆十一年旌表

年旌表

拔貢梁可均妻宋氏 居城內年二十八夫亡守節教子成名學憲錢旌以匾

鄭學妻曹氏 居鄭村年二十二夫亡守節撫孤成立乾隆十二年旌表

孫法宗繼妻劉氏 居城內年二十六夫亡守節屏去華飾撫前孤如已出親

黨戚族遇有急難無不周給乾隆十二年旌表

孫興宗妻劉氏 居城內年二十夫亡守節孝順翁姑撫養幼子乾隆十二年旌表

胡 煒妻周氏 居城內年二十三夫亡守節續
績養姑撫孤子成立乾隆十二

年旌表

蕭 淡妻李氏 居西牛村年十七夫亡立
繼守節乾隆十四年旌表

梁應龍妻楊氏 居胡村年二十四夫亡
守節乾隆十四年旌表

王以桂妻楊氏 居白龍村孝慈賢淑以桂好行
義舉氏輒出簪珥贊助壽至一

百一歲乾隆二十三年奉
旨建貞壽坊

增 陳廷俊妻孫氏 居城內勤習香潔夫遺後家貧
以紡績資養夫以日夫年三十一

病親老子幼氏每夜禱天願減已算二十年
以並夫壽夫果愈親送終教子成名至五

十一歲始卒亦氏
之真誠所感云

歲 貢 梁 黃氏 居城內氏本宦女適鎮家貧氏
親操井臼有少君德耀風姑有

容城縣志 卷六下 節烈賢孝 九

少女甚愛之氏曲體姑意盡出奩資嫁之後
貧甚其母憐其辛苦欲迎之還氏不從與姑

同甘淡泊怡如也其姑嘗語人曰吾有孝
婦貧亦何愁死又何憾鄉黨傳為美談

王 燉妻李氏 居白龍村年十九夫亡無子氏
絕粒五日欲以身殉姑諭以養

親大義乃為夫立繼撫養
成人乾隆十九年旌表

張 珍妻周氏 居東關生員張廷賢之母年二
十一夫亡守節上事翁姑下撫

孤子年慈兼盡乾
隆二十年旌表

鄭 安妻張氏 居鄭村年二十一夫亡守節孝
親撫孤乾隆二十一年旌表

牛長有妻李氏 居南張村年十九夫亡無子欲
以死殉翁姑諭以養親為立繼

嗣氏孝親撫子而盡其
道乾隆二十六年旌表

李 讓妻陳氏 居西牛村年十五適讓夫有癱
疾姑又失明氏孝姑事夫俱能

盡道十九夫亡無子欲以死殉念姑無靠遂繼任爲嗣事姑四十餘年乾隆二十六年旌表

崔文燦妻李氏 居沙河村年二十一夫亡守節撫二子成立建坊旌表

王士倫妻石氏 居沙河村年二十夫亡守節善事翁姑撫孤成立建坊旌表

王士休妻龔氏 居沙河村年十九夫亡守節善事翁姑撫孤成立建坊旌表

李克儷妻李氏 居沙河村年二十七夫亡守節撫孤成立建坊旌表

侯海妻劉氏 居北王咎姑病氏割股進湯姑數日即愈邑侯郁旌以匾

生員孫宏宗妻姚氏 居城內姑病百藥不效氏割股療之不數日愈邑侯周旌以匾

文通昌妻劉氏 居南文營年二十七夫亡無子立任爲嗣守節終身

廩生文星煒妻曹氏 居南文營年二十五夫亡姑老子幼氏矢志守節事姑以孝教

容城縣志

卷六下

子

子成名

侯建邦妻陳氏 居北王咎年二十二夫亡無子祖翁爲之立繼氏事祖翁姑與

翁姑皆能盡道戚里咸以孝稱

黃峻德妻趙氏 年二十七夫亡遺二子俱幼氏守節撫之皆能成立

生員王有文妻胡氏 居白溝村年二十二夫亡子未週歲家貧親老氏矢志守節

績以給甘旨無缺教子成立學憲錢旌以匾

生員孫虹妻高氏 居高家莊年二十八夫亡守節教子成名學憲莊旌以匾額

謝珍妻孫氏 居王果莊年二十八夫亡守節教子名成學憲徐旌以匾額

生員梁棧妻張氏 居城內年二十夫亡撫子天撫孫苦節終身

崔有仁妻徐氏 居沙河村年二十九夫亡家貧養老撫孤備極艱辛卒以節終

生員梁 楓妻蕭氏 居城內年二十七夫亡翁姑垂

終身

孫永亮妻張氏 居午方村年二十一夫亡 守志孝事翁姑義方訓子

王 堪妻袁氏 居白溝店年二十六夫亡子吉 士始週歲家甚裕族人睥睨氏

撫育孤子及長入泮氏曰藐孤無恙可 以報亡人於地下矣邑尹郁旌以匾

劉喜善妻李氏 居北張村年二十六夫亡遺子 三歲家甚貧氏堅守不渝以終

王進齋妻董氏 居北張村年二十五夫 亡堅志守節撫孤成立

王士彩妻莊氏 居北張村年二十 八夫亡守節以終

生員陰翹明妻牛氏 居北張村年二十八夫 亡家貧子幼撫孤以終

李善承妻劉氏 居北張村年二十二夫亡姑老 子幼氏奉姑教子禮義兼盡

容城縣志

卷六下

三

李汝桂妻劉氏 居北張村年二十七夫 亡撫孤成立守節終身

廩生李汝澣妻成氏 居北張村年二十 八夫亡守節終身

李進齋妻李氏 居北張村年二十二 夫亡守節撫孤入泮

劉定邦妻李氏 居北張村年十九夫亡 養姑撫子守節終身

王 柱妻商氏 居北張村年二十二 夫亡撫孤守節終身

李志時妻李氏 居北張村年二 十八守節終身

孫應時妻王氏 居賈家莊年二十四夫亡 守節終身學憲徐旌以匾

張 仁妻秦氏 居溝西村年二十夫亡守 節終身邑侯郭旌以匾

李玉麟妻王氏 善事翁姑宗族鄉黨皆稱其孝 邑令郁匾其門曰九姑再見

增生崔鷄序妻殷氏 居沙河村少習姆訓知大義適 序極盡婦道事姑色養姑臨終

歎曰婦勝吾女多矣姑歿
痛哭嘔血死而後蘇者再

王起志妻殷氏 居北張村克全孝道姑病百藥
不效氏割股療之而愈姑歿遺

少子氏撫養盡道鄰里
欽重之及氏卒其叔哀如喪母

顏炳妻李氏 居北新庄夫亡守
節學憲徐旌以匾

王之桂妻崔氏 居西關夫亡守節
邑侯張旌以匾

何章妻周氏 居西關年二十九夫亡守
節撫孤邑侯旌以匾

張門雙節婦 居城內武
為延安守節張弘勳妻王氏勳
年二十五守節撫孤子
無子王為立繼朱自始同志人稱一門雙節

康通妻王氏 居樓堤村年二十九夫亡
守節終身邑侯王旌以匾

張於禮妻夏氏 居西關翁病篤氏割股為湯
以進翁遂愈邑侯王旌以匾

容城縣志 卷六下 節烈賢孝 三

董振玉妻王氏 居西關翁病垂危氏割股為湯
以進翁愈又延壽十年邑侯周

旌以匾

梁琦妻孔氏 居東關年二十五夫亡無
子立侄為嗣守節終身

蕭旺全妻龔氏 居西牛村年二十二夫亡
守節終身邑侯郭旌以匾

生員蕭翰儒妻劉氏 居西牛村年二十三夫亡
守節終身學憲莊旌以匾

龔宏宗妻陰氏 居龔家莊年二十三夫亡無子
繼任為嗣孝養翁姑守節以終

陰沛膏妻王氏 居東牛南莊年二十
四夫亡守節終身

牛文耀妻王氏 居西牛村年二十二夫亡孤甫
數月氏矢志靡他撫孤成立

鄭門三節婦 居鄭村希孟妻李氏年二十四夫
亡守節撫孤希華妻王氏年二十

四夫亡守節撫孤現今俱歷四十餘年

生 槐爾梅妻劉氏 居小八于村年二十七夫亡 無子繼三為嗣守節終身

槐爾極妻吳氏子燦婿吳氏 居小八于村年二十六夫亡孤幼氏

天志撫孤成名娶媳陳氏子病夭媳年二十四與姑同志完貞

槐守禮妻王氏 居小八于村年二十夫亡撫孤守節終身

楊國泰妻夏氏 居小八于村年二十七夫亡撫孤守節終身

生 李膏雨妻趙氏 居西牛村年二十二夫亡撫孤守節終身

朱 鉉妻張氏 居白溝店新城籍鉉病故氏年二十六無子苦貞自守

劉廷瑞妻李氏 居小李村年二十夫亡 養姑教子守節終身

劉爾玫妻王氏 居小李村年二十六夫亡守志教子琮入泮

安維梅妻凌氏 居小李村年二十三夫亡 子幼氏堅志撫孤成立

容城縣志

卷之十

節婦列賢孝

三

賈 榮妻郝氏 居小李村年二十夫亡守節撫孤

賈 瑞妻史氏子齊賢婦劉氏 居小李小村史氏年二十一瑞亡

遺下齊賢甚幼氏撫之成立娶媳劉氏齊賢夭劉甫十九孤未週歲劉堅與姑同志人稱

雙節 一門

岑文煙妻賈氏 居小李村年十九夫亡守節孝 事衰姑歷三十餘年不怠

李淑龍妻趙氏 居小李小村年二十二夫亡 志守節撫孤成立教孫入庠

生 李李直妻牛氏 居小李小村年二十三夫亡 守志撫孤數月孤成立入泮

李李直妻王氏 居小李小村年二十二夫亡 守志撫孤成立

李復隆妻張氏 居小李小村年二十二夫亡 守志撫孤成立

李進承妻田氏 居北張村年二十九夫亡 子幼氏堅志撫孤守節終身

李青來妻王氏 居東川村年二十六夫亡遺孤

數月翁年六旬氏歿死殉葬泣
日爾死誠善奈我老孫幼何氏乃矢志守節
上奉衰翁下育孤子歷盡艱苦守節終身

李印祖妻趙氏 居西四莊年二十九夫
亡撫孤成立守節以終

謝 璉妻崔氏 居沙河村年二十
五夫亡守節終身

趙 璿妻蕭氏 居沙河村年二十二夫
亡守節事翁姑以孝稱

崔 錦妻高氏 居沙河村年二十五
夫亡守志撫孤成立

白廷梁妻牛氏 居沙河村年三十夫
亡守節教子成立

張聰女九姐 居王家莊年十九鄰惡調姦不從
投井死乾隆二十七年詳請旌表

孫本固妻王氏 居北城村年二十九夫亡遺三
子貧無所依氏矢志撫孤終

不
渝

香城縣志 卷六下 節烈賢孝 五

牛登第妻莊氏 居南張村年二十五夫亡氏矢
志撫孤善養其親鄉里稱其節

而能
孝

蔚 浩妻余氏 居北城村年二十七夫亡守節
侍養翁姑撫育幼子賢而且孝

張 珩妻張氏 居沙河村年二十七夫亡無子
僅遺一女姑又衰老氏堅志守

節
撫孤人焉
嗣撫孤成立

溫 說妻萬氏 居南張村年二十六夫亡守節
上事翁姑下撫幼孤盡孝慈

李師賢妻陳氏 居野橋村年二十夫亡無子翁
姑為之立繼及生孫子又亡氏

送撫孫守節終
身艱辛備歷

孫 芋妻槐氏 居午方村年二十
夫亡撫孤成立

孫其傅妻雷氏 居城內年二十九夫亡教長子
成名撫遺腹成立孝事育姑人

咸以
孝稱

崔 翔妻郭氏

居樓堤村年二十八翔病篤謂

養吾父母乎氏許諾及

生員

劉 敬妻鄭氏

居北城村年二十九夫

何掌財妻陰氏

居樓堤村年三十夫亡子週歲

撫孤
成立

韓生慧妻王氏

居張楚村年二十

孫士瓚妻崔氏

居沙河村年二十九夫亡子女

王之桂妻石氏

居樓堤村夫癡呆翁姑衰老氏

二十七終
身不嫁

容城縣志

卷六下

節烈賢孝

三

周之鼎妻謝氏

居沙河村年二十二夫亡家貧

成立守
節終身

生員張廷佐妻李氏

居張楚村年二十四夫亡遺孤

孤成
立

生員趙 峯妻姜氏

居城內年十九夫亡撫

宋允熹妻李氏

居城內善事舅姑年二十九夫

孫允文妻李氏

年二十六夫亡撫孤

孫維智妻劉氏

年十八夫亡守節終

廩生孫用棧妻孔氏

居北城村翁病篤氏割股為湯

王行法妻郭氏

居西牛營年十九夫亡

牛天爵妻蕭氏

居西牛村夫亡遺子甫兩月家甚貧苦氏甘心撫孤孤子又天

氏撫堂孫為嗣守節終身

龔鏡妻李氏

居龔家莊年十九適鏡未兩月夫亡翁姑憐其少欲嫁之氏誓

不肯從乃為之繼嗣氏孝慈兼盡鄉里重之

楊常在妻牛氏

居西牛村年二十二夫亡子幼家貧親老氏紡績養生守節以

終

夏行樂妻邊氏

居小張堡村年二十七夫亡志守節撫孤成立

王可成妻劉氏

居小李小村年二十四夫亡守節撫孤成立

李之茂妻胡氏

居小李小村年二十四夫亡守節撫孤成立

馬體健妻許氏

居小李小村年二十二夫亡守節撫孤

卷六下

節烈賢孝

美

蕭琬妻金氏

居西牛村年二十四夫亡撫孤守節

支敬躋妻賈氏

居小李小村年二十四夫亡子甫襁褓家又甚貧氏艱苦守節教

子行恭入庠

王夏妻張氏

居李茂村年十九夫亡姑老子幼家甚貧苦氏紡績以養撫孤

成立

顏學孔妻王氏

居北劇村年二十三夫亡姑孀子幼氏養姑教子曲盡其道

李輝妻秦氏

居王村年二十一夫亡堅志撫孤紡績養生

劉耀妻蕭氏

居西牛營年二十五夫亡翁老子幼氏奉衰翁飲食起居必躬

白檢點曲盡孝道教子成立

王封郟妻陰氏

居西牛營年二十九夫亡守志孝事衰姑撫孤成立

王民舉妻孫氏 居西牛營年二十九夫亡養姑教子甘心守節

王琇妻朱氏 居西牛營年二十夫亡撫孤守節

高龍妻牛氏 居西牛村年三十夫亡親老子勿氏堅志養老撫孤

孫忠妻李氏 居賈家莊年二十九夫亡翁老子勿家甚貧苦氏紡績以給甘

心守節

楊應龍妻王氏 居陳家莊年二十七夫亡家無立繼氏紡績以生撫孤成立子

亡遺二孫氏又撫之歷盡艱苦

蕭右妻金氏 居西牛村年十九夫亡甘心守節

何琚妻陳氏 居賈家莊年十九夫亡逾二月生一子姑已衰老氏甘心守節

事姑以孝撫孤以慈歷四十餘年不息乾隆二十七年詳請旌表

容城縣志

卷六

節烈賢孝

七

張存善妻黃氏 居大河村年二十一夫亡家貧姑老子甫二歲氏堅志自守紡

績以給養姑教子備歷艱辛

蔡韓妻高氏 居王儲村年十九夫亡舅姑衰老釋子在抱氏仰事俯育受盡

艱辛

孫安仁妻華氏 居午方村年二十三夫亡無子欲以身殉翁姑勸阻撫幼侄為

嗣孝養翁姑撫孤成立

黃全功妻鄭氏 居王皆村年二十九夫亡甘心守節孝養翁姑

生張悅妻楊氏 居王儲村新安籍年二十夫亡守節撫孤入泮

生周鐸妻龔氏 居王祥村年二十九夫亡無子家貧親年衰老氏堅志守節

薛思聰妻劉氏 居張荆村年二十五夫亡長子三齡次子未週歲孤苦零仞紡

續養生守
節終身

生員孫其仁妻王氏

居白溝店年二十九夫亡守節事翁姑以孝聞撫幼子以慈稱

劉氏

居北城村年十八夫亡以遺腹故不死生子撫之成立

李氏

居北城村年二十六夫亡遺孤守節撫孤成立

魏氏

居張市村年二十七夫亡家貧親老子幼堅貞自矢紡績以給

王氏

居南張村年二十二夫亡守節撫孤成立

宋璧妻張氏

居張市村年二十六夫亡守節養親以孝育孤以慈歷五十餘年

胡好賢妻王氏

居陳家莊年二十四夫亡守節假針指養舅姑常自忍饑以充

甘旨鄉人
欽其孝

張爾賢妻牛氏

居沙河營年二十八夫亡守節撫孤成立

容城縣志

卷之五

節烈貞孝

三

孫培妻魏氏

居白溝店新城籍年二十三夫亡無子氏熒熒苦守學憲金旌

以匾

生員張秉仁妻

居馬台村年二十五夫亡遺人氏守節撫之成立皆娶

後一子
兩婦屬志

王爾寧妻

居馬台村年二十七夫亡守節撫孤成立

孫起茂妻

居馬台村年十七子歸越八月夫亡氏矢志守節孝事翁姑慈

撫嗣子
能盡節

周成秀妻

居王蘇村年二十夫亡守節終身

陳份妻張氏

居張市村年十九夫亡守節終身

吾夫婦無子繼份為嗣自死後二
人吾二人將誰依汝子尚未通年着意撫養

方是何以死為氏乃決意守節翁病侍奉湯藥淚痕不乾家貧紡績以給

殷勸妻文氏居胡村年二十五夫亡守節上事翁姑下撫子女孝慈兼盡

張士琇妻殷氏居小李家年二十二夫亡守節家甚貧養老撫孤毫無怨言

王連珠妻何氏居小李家年二十一夫亡守節學憲錢旌以匾

王興秀妻牛氏居西牛營年二十五夫亡守節學憲莊旌以匾

王溫妻王氏居東四莊年二十三夫亡守節事翁姑以孝稱邑侯李旌以匾

徐好友妻高氏居西四莊翁病醫藥罔效氏乃割臂肉調羹以進翁立愈

陳顯祖妻李氏居南張村夫亡守節上事翁姑下撫幼子孝慈兼盡

胡萬成妻沈氏居賈家莊年二十夫亡撫孤守節

王恤民妻張氏居白溝店年二十九夫亡守節撫孤家瑞入泮學憲楊旌以匾

容城縣志

卷六下

五

張大鵬妻何氏居新夏莊年二十夫亡守節終身

許紹宗妻韓氏居小李家年二十夫亡守節終身

石炳妻牛氏居小李家年十九夫亡翁姑已老子方在抱氏堅志苦守孝慈

兼盡

白牛兒妻蕭氏居沙河村事衰翁最孝翁臨終歎曰吾來世必報媳恩鄉人皆

稱孝婦

王繼業妻牛氏居西牛營年十八夫亡家甚貧子未週歲姑已年老氏堅志守

節紡績以供孝養

孫彩鳳妻李氏居午方村為惡少逼姦自盡乾隆年建坊

羅序璉妻王氏居南關年二十一夫亡守節紡績度日上事翁姑下撫孤子孝

慈兼
盡

安維翼妻凌氏

居小李村年二十夫亡
守節乾隆四年旌表

孫公望妻李氏

居午方村年二十四夫亡
守節撫孤乾隆七年旌表

顏大章妻傅氏

居北劇村年二十三夫亡守節
撫孤成立乾隆十四年旌表

王桐妻閻氏

居新夏莊年二十七夫亡子方
五月氏堅志撫孤家貧紡績養

終身
生守節

張福徵妻劉氏

守節乾隆十四年建坊
年二十六夫亡

李開榮妻佟氏

居野橋村年二十四夫亡守節

牛連第妻陳氏

居南張村年二十七夫亡守節

牛雲第妻陰氏

居南張村年三十夫亡守節

容城縣志

卷六下

節烈賢孝

三

李善保妻張氏

居北張村年二十九夫亡守節

劉宏祉妻張氏

居西張楚年二十九夫亡守節

胡儆妻蕭氏

居白溝河年二十五夫亡守節

胡巖妻李氏

居白溝河年二十四夫亡守節
孝事翁姑撫孤成立

生員劉亨吉妻李氏

居野橋村性本忠實善事翁姑
遇夫病百治不效割股食之立

愈闔鄉公舉本學蒙
旌之

段勸妻文氏

居胡村年十九夫亡守節

師文繡妻王氏

居周家庄年二十八
夫亡守節孝親撫孤

謝時顯妻宋氏

居野橋村四世原籍安肅夫亡
守節

童儒

顏相妻朱氏

居劇村年十七夫
亡守節撫孤成立

師應魁妻李氏子樑妻張氏居西塹村李氏年

已經旌表子樑娶媳張氏樑又天時張氏年二十五孝事孀姑撫養幼子守節終身與始

徽繼

張室一門雙節諒馬台人寄居定興東留村元吉妻王氏年二十七夫亡胞弟

謙吉妻李氏年二十二夫亡同心守節孝事祖姑及姑撫教孤子皆入泮

儒童曹輔堯妻杜氏居南文村年十八夫亡無子誓不改適翁始衰老孝敬倍至撫

胞姪為嗣守節終身

牛全第妻崔氏居西牛村年二十六歲夫亡守節

趙信妻劉氏居西牛村年二十三歲夫亡守節

蕭維紀妻李氏居西牛村年二十六夫亡守節終身

容城縣志 卷六下 節烈賢孝 三

高雲妻閻氏居高家庄翁病割骨以進翁愈

侯昌妻范氏居辛夏庄年二十八歲夫亡守節脩嘗艱苦孝親撫孤終身莫易

容城縣志

地130.187
33
10003



容城縣志卷之七

藝文

志載藝文非館閣之撰修即名公之著述蓋取
証於記載之實山...以為榮或貶以為辱或
規頌以為勸懲...亦重矣故凡碑記書文
詩詞詩賦體裁...在所宜錄而工拙不
計也

詔諭

御製表忠錄序

自古賢臣正士...家率授命致身捐生赴

容城縣志

卷之七

藝文

一

義跡其所遭...然而時過論定聲稱振
揚及於代遠...徽彌茂留連曩迹如邁其
人是以孟軻...乎百世之上百世之下聞
者莫不興起也...其矢心靖獻奮不顧軀豈
逆覩後人美嘆...窮哉獨以浩然之氣成特立
之操內無懼心外無慚德而已顧竭志盡忠者
人臣之誼善善惡惡者大道之公循省往哲愛
結於中誠有不能自己者也朕萬幾之暇由繹
載籍每覽忠孝節義之事未嘗不反覆三致意
焉至明史嘉靖年間有直臣楊繼盛者以諫死



於戲賢哉觀其劾仇鸞嚴嵩二疏凜凜乎烈丈夫矣夫尊爵厚祿握權當軸者何可勝道然當時則榮沒則已焉甚或遺穢蒙嗤爲世昭鑒去繼盛奚翅霄壤哉使繼盛遇明主庸其言顯其身其所建監必有卓然可觀者而竟不得志而歿與龍逢比干先後合轍亦可悲矣朕讀其文傷其意慨然想見其爲人故特表而出之以旌其忠鯁垂法將來庶斯以觀卽謂繼盛至今存可也順治十三年頒行

御製表忠論

朕觀有明二百七十餘年忠諫之臣往往而有
至於不畏疆禦披膈犯顏則無如楊繼盛而被
禍慘烈殺身成仁者亦無如楊繼盛云當是時
其君端拱修懸委政輔弼而逆臣嚴嵩父子盜
執大柄濁亂王家威福擅專紀綱蕩廢在廷之
臣皆渙忍阿諛奔走承頤繼盛獨能伸大義聲
其十罪更彰其五姦使隱然昭明稔惡暴白豈
非獨行不懼者哉夫繼盛特曹郎耳非有貴戚
之誼股肱之任與拾遺補闕之責也以疏逃之

臣惡權寵之奸遂思執白簡而彈去之其勢不
敵夫人知之矣乃毅然不顧且繼盛一官又非
未經摧折者方仇鸞主互市議時衆皆頰首縮
頸塞默不敢異繼盛排羣說力言不可致權臣
魚休刑之瀕死謫官遐方歷尉令始得至一曹
郎令他者處此且保軀固位未遑安敢復蹈前
迹而繼盛歷事未月又有捨身圖報之章蓋念
君恩難負奸輔難容建言寧計崇卑報國不憂
死生洵忘身殉君忘家殉國者也且是時嚴嵩
與仇鸞隙思繼盛言遂欲立貴之以爲己用故

數假王命內示其私繼盛倘一委蛇可立取通
顯不卽緘口屏息循職自効亦何所不容而乃
重公室藐權門凜慨叫闔從容就義有臣如此
良國之禔柱哉蓋繼盛自有生後夙罹閔凶艱
苦備至故堅貞之性百折勿回可謂富貴不能
淫貧賤不能移威武不能屈者矣嗟乎繼盛值
諱言之朝無立言之責尙能不畏彊禦披瀝犯
顏如此今之爲臣者乃身任言職直節罔聞威
私徇而辜主恩畏權威而忘國事以視繼盛能
不愧然汗下哉朕故咏浩氣丹心之句不勝三

嘆爲直臣惜也順治

二年頒行

御祭忠愍文

惟爾剛方稟性慷慨致身令聞早著於南曹抗
疏屢陳於北闕始論馬市之當罷折虜情而直
氣巖巖既斥權奸之當誅履禍機而忠肝烈烈
其言足驗其命已傾死者不可復生百身難贖
枉者不可不直三命已頒遵遺詔以加恩憫孤
忠而賜卹特贈爾爲中順大夫太常寺少卿諡
忠愍葬祭并加錄廕是逮式顯忠貞之節庸倡
蹇諤之風英爽不磨渥恩斯服隆慶元年頒行

御題旌忠祠

捐軀不為逆龍鱗兩疏千言萬古新直使權臣

陰喪胆何妨烈士顯忘身降神獨萃扶輿氣懷

古重過激水春居節丹青藏寶笈內府藏居節所畫小像入

石渠寶笈鬚眉宛是箇中人

乾隆庚午仲春保陽行在御筆

疏

奏請靜修從祀孔廟疏

張紹烈 邑人

疏爲崇儒重道事臣竊惟致治莫大於重道重道莫先於崇儒蓋儒所以重道而道所以致治也苟儒不知崇固無以重夫道道不知重則治何由而善哉自古聖帝明王治莫能及者端在於此下此若漢武帝之好神仙梁武帝之尙佛老不惟無益於治而反招禍此其治所以不善也洪惟我朝丕隆治道儒無不用用無不專是以百年於茲矣天下乂安人民康泰未有不由

容城縣志

卷七

藝文上

六

崇儒重道以致之也臣惟元儒靜修劉先生因七次奏請從祀孔子禮官未遑舉行曰汝若得時宜再奏請必有行者臣今年幾七十無能奮庸清時恐靜修祀遂泯以孤我盛朝崇儒重道之意臣伏思劉因道明德立繼往開來有功名教實與許衡吳澄相匹者元史載有曰微點之狂而有沂水風雩之樂資由之勇而無北鄙鼓瑟之聲又曰麒麟鳳凰固宇宙之不常有也一鳴而六典作一出而春秋成又曰一得從孔子之後是以爲往聖開來學爲萬世開太平者也

蘇天爵之爲墓表楊俊民之爲詞記元臣李世安輩累章奏請從祀不能備述成化三年蒙准學士劉定之議準楊時事例行令容城縣建祠奉祀近楊時已蒙從祀而劉因亦宜準楊時例從祀孔廟爲是乞勅禮部翰林院考劉因有功聖學與許衡吳澄楊時而無忝則與許衡吳澄楊時從祀孔廟以謝天下之公論庶崇儒重道之愈盛而隆治道於無疆矣臣紹烈爲此具本親賚謹具奏聞

乞罷馬市疏

主事 楊繼盛 邑人

奏爲乞賜聖斷罷開馬市以全國威以絕邊患
事臣以南京吏部驗封清吏司主事考滿到京
陞臣今職荷蒙皇上養育簡命之恩雖粉骨碎
身何以克報况臣官居兵曹職專馬政覩此開
馬市之悞豈敢苟避禍患隨衆隱默不言竊惟
去年口口悖逆天道大肆猖獗犯我城闕殺我
人民擄我妻子焚我廬舍驚我陵寢其辱我中
國極矣臣在南都傳聞此報冠髮上指肝腸寸
裂恨不能身生兩翼至都下以剿逆賊以報國

讐茲者恭遇皇上赫然震怒選將練兵尅日興
師聲罪致討以報百萬赤子之讐以雪城下凌
辱之恥不惟天下臣民共相慶幸我列祖在天
之靈亦相慶幸多矣及臣至都下見俺答求開
馬市之書大放肆無狀竊意上觸聖怒其征討
之志已決其問罪之師斷不可已及廷臣會議
題奉欽依准暫開行臣不覺仰天大呼喟然長
嘆曰國事乃至此哉夫以漢之武帝唐之太宗
不過二霸主耳猶能威震匈奴氣壓突厥以皇
上之英武國家之全盛英雄豪傑勇夫壯士之

伏於草茅下位者又不可勝數其蠢茲口口反不能生擒會長勅絕苗裔而乃爲此不得已下策之事哉臣請以開馬市之十不可者爲皇上言之夫開馬市者和議之別名也虜素賓服尙不可言及此去年入寇殺虜如此之慘則神人所共憤不共戴天之深讐矣今不惟不能聲罪復讐而反與之爲此和議之事何以上解列祖之怒下舒百姓之恨乎此忘天下之大讐一不可也信者人君之大寶雖匹夫匹婦尙不可少失信義况於天子之尊哉皇上北伐之命屢下

臣民所共知四方所共喻者也方今各處兵馬集矣糧草器械備矣天下日夜引領仰望王師之出或謂大旱之望雲雨也乃翻然而有開馬市之議聞平日之所以選將練兵者爲何備糧草精械器者爲何不官以孤百姓仰望之心乎此失天下之信義二不可也夫宋居中制外統馭四夷以其有開馬市之議以爲勝之也今以堂堂天朝之尊而不與國以開此交易之事是夫壤混淆冠履同器將不取笑於天下後世乎此損國家之重威三不可也天下豪傑開口口殺

戮人民之慘姦擄婦女之辱其憤恨不平之氣
皆欲異道或決一死戰雖深山窮谷之隱逸亦
願出以復天下之讐今馬市一開則舉相謂曰
朝廷忘赤子之讐厭甲兵之甲矣將焉用我哉
將見在林下者不肯出在冊籍者將謀去矣異
日欲復召號誰肯與起此墮豪傑效用之志四
不可也自去歲大變之後天下頗講武事雖童
子儒生亦知習兵此機旣動兵將日強今馬市
一開則舉相謂曰中國夷狄已和天下已無事
矣將焉用武哉有邊鎮之責者日弛其封守之

防無兵戍之寄者益惰其心一之氣矣廢弛旣
久一旦有急何以整頓二天下修武之心五
不可也宣大人民懷擄三心久矣一向雖有
交虜之事猶畏三三三三三三三三三三三三三
市一開則彼之交三三三三三三三三三三三三
引之禍可三三三三三三三三三三三三三三三
也天下三三三三三三三三三三三三三三三三
征役之苦人人有思亂
之心特畏三三三三三三三三三三三三三三三
一開則彼皆以爲天下兵威已弱蠢茲醜虜尙
不能服羣起爲盜又焉能制則將來腹心之

可勝言乎此起百姓不靖之漸七不可也去年
口口深入雖未見一兵交戰然猶以爲我軍倉
卒未備其畏疑之心尙在也今皇上聲罪致討
調兵半年及至於今止爲馬市之開則彼得以
窺我之虛實彙目中又奚有於我哉此長口口
輕中國之心八不可也口口之性變詐無常謀
深計巧反出我之上我將欲以此羈縻乎彼殊
不知彼實以此愚弄乎我或遣重臣載金帛至
邊等候開市彼違約不來交易未可知也或今
日交易而明日寇入未可知也或因交易而卽

行猖獗撞關而入未可知也或遣衆入寇而駕
言別部落入寇未可知也或以疲馬而索重價
或因市馬而過討重價或市馬之後而別有分
外不堪之求又未可知也是我不能以羈縻乎
彼彼反得以愚弄乎我矣此墮口口狡詐之計
九不可也口口之產馬有窮中國之生財有限
大同之馬市一開宣府延綏等處定不可罷以
馬與銀數計之每年市馬約數十萬匹四五年
間須得馬數百萬匹每年約用銀數百萬兩四
五年間須費銀數千萬兩一旦口口之馬已盡

中國之財告乏將安處乎永久之計將安在乎
此中國之財口口之馬兩難相繼十不可也彼
倡爲開馬市之議以欺誑皇上者其謬說有五
有曰外開馬市暫以爲羈縻之術內修武備實
以爲戰守之計耳殊不知馬市之開乃所以自
羈縻乎我非所以羈縻乎彼也虜性無饜請開
馬市之後或別有所請許之再有所請又許之
請之不已漸至於甚不堪者一不如意彼卽違
約則彼之入寇爲有名我之不應其所求爲失
信矣孰謂口口無饜之欲可以市馬之小利羈

縻之乎如曰欲修武備以圖戰守雖不用此羈
縻之術亦可矣此其說之謬一也有曰方今急
缺馬用正欲買馬一開馬市則我馬漸多彼馬
漸少豈不兩便然市馬非以之耕田駕車也不
過爲征討計耳如交易果可以無事則市馬又
將安用乎不益重其寄養之擾乎况虜以馬爲
生彼安肯以彼所乘之良馬而市於我乎不過
瘦弱不堪之物不服水草將不日俱斃而已此
其說之謬二也有曰初許市馬暫繫乎口口之
心將來許貢則可爲永久之計夫謂之進貢者

豈古之所謂咸賓來王者哉不過我賄彼以重
利苟免目前之不來彼貪我之重利暫許目前
之不入耳况市馬我猶得以少償其費許貢則
彼白手來取重利矣是市馬則獲小利而無名
開貢則雖有名而費大市馬固不可許貢亦豈
可哉此其說之謬三也有曰虜雖犬羊最不失
信觀其聲言某時搶某處再不愆期可驗彼既
許其市後不來則斷保其再不入寇殊不知虜
之種類日繁加之以擄掠人口日增其日用之
服食器用俱仰給於中國市馬之利焉足以盡

供其所費彼非盡皆義士孰肯守小信而甘於
凍餒以至於死乎縱使少有羈縻不過暫保一
二年無事耳不知二三年之後將何如處哉此
其說之謬四也又有曰佳兵不祥不可輕用與
其勞師動衆征討於千里之外而勝負難必孰
若暫開馬市休兵息民而急修內治之爲上乎
噫爲此說者是損國家之兵威養虜寇於日盛
壞天下之大事必自此言始矣若曰佳兵不祥
則舜之征苗文之遏莒湯之伐葛伯高宗之伐
鬼方豈盡皆不祥者哉蓋春生秋殺之迭行上

天生物之道也恩賞兵刑之並用王者御世之
權也譬如人身四肢俱皆靡疽毒日內攻乃猶
專食膏粱而憚用藥石將不至於傷其元氣乎
此其說之謬五也夫此十不可五謬之說明白
易知則馬市之開不利於我中國明矣而於虜
賊則甚利焉蓋數十年來虜賊以中國之百姓
爲佃戶秋後則入而收其租雖已得計猶有往
來奔走之苦日夜殺人之勞也去年入寇莫敢
與敵虛實旣已覘矣故今請開馬市則可以坐
收中國之重利况馬多擄自中國者春時草枯

則市之秋後馬肥則入而再擄之及至來春又
再市之以輪刈之馬獲青蚨之利是昔日彼猶
爲出門討租之人今日我則爲上門納租之戶
臣言及此其憤恨可勝言哉夫此事利於虜賊
而不利於中國滿朝臣工皆知其不可然有人
敢議而行之無一人敢非而止之者何哉彼議
而行之者其意以爲征討之事已難收拾虜再
入寇皇上剛明必追究夫謀國者之不忠專征
者之不勇誤事之禍何以能免况前日交通已
有成效莫若委曲致開馬市猶可二三年苟延

日後時事未知如何且暫免目前之禍暫固目前之寵虜縱背約再爲脫避之計未晚也然不思皇上寵任之專禮遇之厚爵位之重錫予之隆者蓋欲其主張國是征討逆賊也豈徒欲開馬市而已哉其所以不敢非而止之者其意以爲事權旣不在我時勢已至鵠突有欲謝重擔於人而無由者吾何以冒禍擔當使有所言而馬市罷開弛其防守而虜再深入則必歸咎於止開馬市之人加之以誤國事之罪矣孰若隱默不言大家因循之爲上乎然曰口之寇與不寇不係於馬市之開與不開前此未嘗有議開馬市而止之者去年口口何以深入此時罷開馬市虜或入寇亦與去年同耳止開馬市之人夫豈誤天下之事者哉臣以孤寒進士初入仕途父母早喪妻子無依非不知隱默足以自保言事足以取禍也竊惟皇上初時震怒奮武其氣若此之壯命將征討其志若此之勇則知今日馬市之開乃議者之奸計斷非皇上之本心也以我皇上之英武而臣下庸軟避事不足以副之心欲持行而手足痿痺良可深恨此事係

國家盛衰之機臣敢預憂後禍忍心隱默乎伏
乞皇上俯察愚臣之罪言回思欲討之初心念
口口之志欲難贖非市馬小利足以繫屬其心
祖宗之社稷無疆非二三年苟安無事可以永
保其緒收回成命罷開馬市銳意戎兵決志征
討務欲擒俺答於闕前驅醜類於海外使虜之
畏乎我亦猶我之防乎彼則上而祖宗幸甚下
而臣民幸甚

請誅賊臣疏

楊繼盛

奏爲感激天恩捨身圖報乞賜聖斷早誅姦險
巧佞專權賊臣以清朝政以絕夷患事臣前任
兵部車駕司員外郎諫阻馬市言不及時本內
脫字非應下獄被逆鸞威囑問官將臣手指拶
折脛骨夾出必欲置之於死荷蒙皇上聖恩薄
罰降謫不二年間復陞今職夫以孤直之臣不
死逆鸞之手已爲萬幸而又遷轉如此之速則
自今以往之年皆皇上再生之身自今以往之
官皆皇上欽賜之職也蒙此莫大之恩則凡事

容城縣志

卷七

藝文上

七

有益於國家可以仰報於萬一者雖死有所不
顧而日夜祇懼思所以捨身圖報之道又未有
急於請誅賊臣者也况臣官居兵曹以討賊爲
職然賊不專於口口口口有害於社稷人民者均
謂之賊臣觀大學士廖嵩盜權竊柄誤國殃民
其天下之第一大賊乎方今在外之賊惟俺答
爲急在內之賊惟嚴嵩爲甚俺答者夷狄之盜
瘡疥之疾也嚴嵩者門庭之寇心腹之害也賊
有內外攻宜有先後未有內賊不去而可以除
外賊者故臣請誅賊嵩當在勦絕口口之先且

嵩之罪惡貫盈神人共憤徐學詩沈鍊王宗茂等常劾之矣然止皆言嵩貪污之小而未嘗發嵩僭竊之罪嵩之奸佞又善爲撝飾之巧而足以反誣言者之非皇上之仁恕又冀嵩感容留之恩而圖爲改邪歸正之道故嵩猶得竊位至今嵩於此時日夜感恩改過可也豈意懼言者之多而益其彌縫之計因皇上之留而愈恣其無忌憚之爲衆惡俱備四端已絕雖離經畔道取天下後世之唾罵亦有所不顧矣幸賴皇上敬天之誠感格於皇天上天恐奸臣害皇上

之治而屢示災變以警告去年春雷久不聲占云大臣專政然臣莫大於嵩而專政亦未有過於嵩者去年冬日下有赤色占云下有叛臣夫曰叛者非謀反之謂凡心不在君而背之者皆謂之叛則背君之臣又孰有過於嵩乎如各處地震與夫日月交食之變其災皆當應於賊嵩之身者乃日侍其側而不覺上天仁愛警告之心亦恐怠且孤矣不意皇上聰明剛斷乃甘受嵩欺人言旣不見信雖上天示警亦不省悟以至於此也臣敢以嵩之專政叛君之十大罪

我皇上陳之我太祖高皇帝親見宰相專權之禍遂詔天下罷中書丞相而立五府九卿分理庶政殿閣之臣惟備顧問視制草不得平章國事故載諸祖訓有日以後子孫作皇帝時臣下有建言設立丞相者本人凌遲全家處斬此其爲聖子神孫計至深遠也及嵩爲輔臣儼然以丞相自居挾皇上之權侵百司之事凡府部每事之題覆其初惟先呈稿而後敢行及今則先一面稟而後敢起稿嵩之直房百官奔走如市府部堂司嵩差人絡繹不絕事無大小惟嵩主張

一或少差繚禍立見及至失事又謝罪於人雖有前丞相之專恣未有如斯之甚者也嵩雖無丞相之名而有丞相之權有丞相之權又無丞相之于係以故各官之陞遷未及謝恩先拜謝嵩蓋惟知事權出於嵩惟知畏懼奉承於嵩而已此壞祖宗之成法一大罪也權者人君所以統馭天下之具不可一日下移臣下亦不可毫髮僭踰皇上令嵩票本蓋任人圖政之誠心也豈意嵩一有票本之任遂竊威福之權且如皇上用一人嵩卽差人先報曰我票本薦之也及

皇上黜一人嵩又揚言於衆曰此人不親附於我故票本罷之皇上宥一人嵩卽差人先報曰我票本救之也及皇上罰一人嵩又揚言於衆曰此人得罪於我故票本報之也凡少有得罪於嵩者雖小心躲避嵩亦尋別本帶出旨意報復陷害是嵩竊皇上之恩以市己之惠假皇上之罰以彰己之威所以羣臣感嵩之惠甚於感皇上之恩畏嵩之威甚於畏皇上之罰也用舍賞罰之權旣歸於嵩大小臣工又盡附於嵩嵩之心胆將不日大且肆乎臣不意皇上之明斷

乃假權於賊手如此也此竊皇上之大權二大罪也善則稱君過則歸己人臣事君之忠也書曰爾有嘉謀嘉猷則入告於君無爾乃順之于外曰斯禳斯猷惟我后之德也人臣以己之善而歸之於君使天下皆知君之德不敢彰己之能以與君爭功此當於皇上行政之善每事必令于世蕃傳於人口身下必無此意此事是我言而此言實非天下之人不知事權之出於己也及今則將聖訓之旨逐揭帖刻板刊行爲書十冊名曰嘉禧疏議使天下後世皆

知皇上以前所行之善盡出彼之撥置主張皇
上若一無所能者人臣善則稱君之忠果若此
乎此掩皇上之治功三大罪也皇上令嵩票本
蓋君逸臣勞之意乃令子世蕃代票恣父逸子
勞之爲世蕃却又約諸乾兒子趙文華等羣會
票擬結成奸黨亂政滋弊一票屢更數手機密
豈不洩漏所以旨意未下滿朝紛然已先知之
及聖旨既下與前所講者合符契臣初見嵩時
適原在職方司郎中江憲稟事於嵩曰昨御史
蔡朴參守備許實等失事本部覆本已具揭帖

與東樓聞東樓已票選人未知如何東樓者世
蕃之別號也嵩云小兒已票罰俸內分兩等甚
有分曉皇上定是依擬臣初甚疑及後旨下果
如嵩言臣所親見一事則其餘可知矣又前經
歷沈鍊劾嵩皇上將本下大學士李本票擬本
又熟軟庸鄙奔走嵩門下爲嵩心腹感嵩之恩
更畏嵩之威愴懼落魄莫知所措差人問世蕃
如何票世蕃乃回趙文華擬票停當趙文華袖
入票與李本李本抄票封進此人所共知也卽
劾嵩之本世蕃猶得票擬則其餘又可知矣是

嵩旣以臣而竊君之權又以子而並已之權百官孰敢不服天下孰敢不異故今京師有大丞相小丞相之謠又曰此時父子二閣老他日一家盡獄囚蓋深恨嵩父子並專權柄故耳此縱奸子之僭竊四大罪也邊事之廢壞皆原於功罪賞罰之不明嵩爲輔臣宜明功罪以勵人心可也乃爲壟斷之計先自貪冒軍功將欲令孫冒功於兩廣故布置伊表侄歐陽必進爲兩廣總督親家平江伯陳圭爲兩廣總兵鄉親御史黃如桂爲廣東巡按朋好比黨朦朧奏合先將

長孫巖效忠冒兩廣奏捷功陞所鎮撫又冒瓊州一人自斬七首級功造冊繳部效忠告病乃令次孫巖鵠襲替鵠又告併前效忠七首級功加陞錦衣衛千戶今任職管事有武選司景字十九號堂稿可查夫效忠巖鵠皆世著子也隨任於木閣一日離家至軍門乳臭孩童亦豈能一人斬七首級而假報軍功冒濫錦衣衛官爵以故歐陽必進得陞工部尙書陳圭告病回京得掌後府印信黃如桂得驟陞大僕寺少卿是嵩旣竊皇上爵賞之權以官其子孫又以

子孫之故陞遷其私黨此偏既作倣倣成風蔣應奎等令子冒功打死發遣皆嵩有以倡之也夫均一冒功也在蔣應奎等貪冒科道則劾之在嵩貪冒人所共知科道乃不敢劾則嵩積威足以藉天下之口可知矣此冒朝廷之軍功五大罪也逆賊仇鸞總兵甘肅爲事革任嘉靖二十九年張達等陣亡正胡虜竊伺之時使嵩少有爲國家之心選一賢將胡虜聞知豈敢輕犯京師世蕃乃受鸞銀三千兩威逼兵部薦爲大將及鸞冒哈丹兒軍功世蕃亦得以此陞官廕

子嵩父子彼時嘗自誇以爲有薦鸞之功矣及鸞權日盛出嵩之上反欺侮於嵩故嵩嘗自嘆以爲引虎遺患移文知皇上有疑鸞之心恐其敗露連累始不相舍互相誹謗以泯初黨之跡以駭皇上之明然不知始而逆鸞之所以敢肆者恃有嵩在終而嵩與逆鸞之所以相反者知皇上有疑鸞之心耳是勾虜恃逆者鸞也而受賄引用鸞者則嵩與世蕃也使非嵩與世蕃則鸞安得起用雖有逆謀亦安得施乎進賢受上賞進不肖受顯戮嵩之罪惡又出鸞之上矣此

引背逆之奸臣六大罪也嘉靖二十九年夷虜犯京深入失律歸路已絕我軍奮勇正好與之血戰一大機會也兵部尙書丁汝夔問計於嵩嵩宜力主剿戰以伸中國之威以紓皇上之憂可也乃曰京師與邊上不同邊上戰敗猶可掩飾此處戰敗皇上必知莫若按兵不動任賊搶足便自退回以故汝夔傳令不戰及皇上拿問汝夔求救於嵩嵩又曰雖是拿問我具揭帖維持可保無事蓋恐汝夔招出真情故將此言啜哄以安其心汝夔亦恃嵩有回天之手段故安

心不辯及汝夔臨刑始知爲嵩所誤乃大叫曰嚴嵩誤我矣此人所共知也是汝夔不出戰之故天下皆知爲嵩主持皇上不知之耳此誤國家之軍機七大罪也黜陟者人君之大權非臣下可得奪且私也刑部郎中徐學詩以論劾嵩與世蕃草任爲民矣嵩乃於嘉靖三十年考察京官之時燕嚇吏部將學詩兄中書舍人徐應豐罷黜荷蒙皇上洞察其奸將應豐留用夫應豐乃皇上供事內廷之臣嵩猶敢肆其報復之私則在內之臣遭其毒手者又何可勝數耶

戶科都給事中厲汝進以論劾嚴嵩與世蕃降
爲典史矣嵩於嘉靖二十九年考察外官時恐
嚇吏部將汝進罷黜夫汝進言官也縱言不當
皇上旣降其官矣其爲典史則無過可指也嵩
乃以私怨罷黜之則在外之官被其中傷陷害
者又何可勝數耶夫嵩爲小人故善人君子多
與之相反嵩不惟罷其官又且加之罪不惟罰
及一身又且延及子弟以故善類爲之一空此
時計數正人君子能有幾人哉是黜陟之權皇
上持之以激勵天下之人心賊嵩竊之以中傷

天下之善類此專黜陟之大柄八大罪也嵩旣
專權則府部之權皆撓於嵩而吏兵二部大利
所在尤其所專者若於文武官之陞遷不論人
之賢否惟論銀之多少各官之任亦通不以報
效皇上爲心惟日以納賄賦嵩爲事將官旣納
賄於嵩不得不剝削乎軍士所以軍士多至失
所而邊方爲甚有司旣納賄於嵩不得不誣取
於百姓所以百姓多至流離而北方之民爲甚
一人專權天下受害怨恨滿道含冤無伸人人
患亂欲食嵩之肉皇上雖屢加撫恤之恩豈足

以當嵩殘虐之害若非皇上德澤之深祖宗立法之善天下之激變也久矣軍民之心旣怨恨思亂如是臣恐天下之患不在夷虜而在域中此失天下之人心九大罪也風俗之隆替係天下之治亂我朝風俗淳厚近古自逆瑾用事始爲少變皇上卽位更行古道故風俗還古及嵩爲輔臣誘掖諸君子上貪污以率其下通賄懇勲者雖貪如○而亦薦用奔競踈拙者雖廉如夷齊而亦○一人貪戾天下成風守法度者以爲固陋○而○者以爲有才勵廉介

者以爲矯激善○者以爲棘事卑污成套牢不可破雖英雄豪傑亦入套中從古風俗之壞未有甚於此時者其本源嵩先好利此天下所以皆尙乎○好諛此天下所以皆尙乎○諛源之不潔源何以清風俗不正而欲望天下之治得乎○天下之風俗中夫罪也嵩有十大罪昭人耳目以皇上之聰明固若不知者何哉蓋因皇上待臣下之心出於至誠成嵩事皇上之奸入於至神以至神之奸而欺至誠之心無怪其墮於術中而不覺也臣再以嵩之五奸

言之知皇上之意向者莫過於左右侍從之臣
嵩欲托之以伺察聖意故先用寶賄結交情熟
於皇上宮中一言一動一起一居雖嬉笑戲
之聲遊觀晏樂之爲無不報嵩知之每報必酬
以重賞凡聖意所愛憎舉措嵩皆預知故得以
遂逢迎之巧以悅皇上之心皇上見嵩之所言
所爲盡合聖意蓋先有人以通之也是皇上之
左右皆賊嵩之間諜此其奸一也通政司納言
之官嵩欲阻塞天下之言路故令乾兒子趙文
華爲通政使凡章奏到文華必將副本送嵩與

世蕃先看三四日後方纔進呈本內情節嵩皆
預知少有干於嵩者卽先有術以爲彌縫聞御
史王宗茂劾嵩之本文華停留五日方上故嵩
得以展轉披飾其故是皇上之納言乃賊嵩之
攔路犬此其奸二也嵩旣內外彌縫周密所畏
者厥衛衙門讎訪之也嵩則令子世蕃將厥衛
官寵終強迫結爲兒女親家夫旣與之親雖有
忠直之士孰無親戚之情於賊嵩之奸惡又豈
忍緝訪發露不然嵩籍江西去京四千餘里乃
結親於此勢屬不便欲何爲哉不過假婚姻之

好以遂其掩飾之計耳皇上試問嵩之諸孫所娶者誰氏之女便可見矣是皇上之爪牙乃賊嵩之爪葛此其奸三也厥衛既爲之親所畏者科道言之也嵩恐其奏劾故於科道之初選非出自門下者不得與中書行人之選知縣推官非通賄門下者不得與行臺之列考選之時又擇熟軟圓融出自門下者方補科道苟少有忠梗節義之氣者必置之不爲南京使知其罪而不得言言之而亦不直既選之後或入拜則留其歡酒或出差則爲之餞贐或心所愛憎則毀

之舉劾爲嵩使令嘉嘉六年無所建自便陞京堂方面夫既受嵩之恩又附嵩且有效驗孰肯言彼之過乎其雖有一二感皇上之恩而欲言者又畏同類泄露孤立而不敢言而嵩門下之人每張大嵩之聲勢陰阻其敢諫之氣故科道諸臣寧忍於負皇上而不敢忤於權臣也是皇上之耳目皆賊嵩之奴僕此其奸四也科道雖籠絡停當而部官有如徐學詩之類者亦可懼也嵩又令子世蕃將各部官之有才望者俱網羅門下或援之鄉里或托之親識或結爲兄弟

或招爲門客凡部中有事欲行者先報世蕃知故嵩得預爲之擺布各官少有怨望者亦先報世蕃知故嵩得早爲之斥逐連絡盤結深根固蒂合爲一黨互相依附各部堂司大半皆嵩心腹之人皇上自思左右心腹之人果爲誰乎此真可爲流涕者也皇上之臣工多賊嵩之心腹此其奸五也夫嵩之十罪賴此五奸以彌縫之識破嵩之五奸則其十罪立見噫嵩握重權諸臣順從固不足怪而大學士徐階負天下之重望荷皇上之知過宜深抵力排爲天下除賊

可也乃畏嵩之巧足以肆其謗懼嵩之毒足以害其身寧鬱悒終日凡事惟聽命於嵩不敢持正少抗是雖爲嵩積威所劫然於皇上則不可謂之不負也階爲嵩所輔畏嵩之威亦不足怪以皇上聰明剛斷豈易欺乎然嵩之惡無不悉知乃一向含容於嵩之惡若不能知亦若不能去蓋不過欲全大臣之體面姑優容之以待彼之自壞耳然不知國之有嵩猶苗之有莠城之有虎一日在位則爲一日之害皇上何不忍割愛一賊臣顧恐百萬蒼生之塗炭乎况邇來疑皇上

之見猜已有離異之心志如再賜優容姑待之
恩恐致以前宰相之禍天下臣民皆知其萬萬
不可也臣前諫阻馬市謫官遠方徃反一萬五
千餘里道途艱苦妻子流離宗族賤惡家業凋
零幸復今職方纔一月臣雖至愚非不知與時
浮沉可圖報於他日而履危冒險攻難去之臣
徒言取禍難成僥倖萬一之功哉顧皇上旣以
再生之恩賜臣臣安忍不捨再生之身以報皇
上况臣狂直之性生於天而不可變忠義之心
瘁於中而不可忍每恨壞天下之事者惟鸞與

鸞已歿死獨嵩尙在嵩之奸惡又倍於鸞將
來爲禍更甚使舍此不言再無可以報皇上者
臣如不言又再有誰人可言乎伏望皇上聽臣
之言察嵩之奸群臣於嵩畏威懷恩固不必問
也皇上或問二王令其面陳嵩惡或詢諸閣臣
諭以無畏嵩威如果的實重則置以專權重罪
以正國法輕則諭以致仕歸家以全國體則內
賊旣去朝政可清矣將見億萬年前旣問逆鸞之
死今又聞賊嵩之誅必畏皇上之聖斷知中國
之有人將不戰而奪其氣聞風而喪其胆况賊

臣旣去豪傑必出功賞旣明軍威自振如或再
寇用間設伏決一死戰雖繫俺答之頸梟吉囊
之頭臣敢許其特易易耳外賊何憂其不除胡
患何憂其不絕乎內賊旣去外賊旣除其致天
下之太平何有故臣欲捨死圖報而必以討賊
爲急也然除外賊者臣等之責而去內賊者則
皇上之事臣感皇上知遇之厚不忍負荷皇上
再生之恩不能忘感激無地故不避萬死爲此
具本親齎謹奏

乞代夫死疏

張氏

奏爲籲天乞恩願代夫死事臣夫原任兵部武選司主事先任本部車駕諫阻馬市預伐
一歲四遷歷抵前職臣夫拜命之後啣恩感泣
思圖報效或中夜起立或對食忘餐臣所親見
不意誤聞市井之談尙狃書生之習遂發狂論
委的一時昏昧復荷皇上天高地厚之恩不卽
加誅俾從吏議臣夫自杖後入獄死而復甦者
數次剗去臀肉兩片斷筋腿筋二條濃血流約

容城縣志

卷七

藝文上

三

有五六十碗渾身衣服盡皆露汗日夜籠裡備
極苦楚又年荒家貧常不能給止臣紡績織履
供給餉食已經三年該部兩次奏請俱蒙特允
監候是臣夫再蹈於死而皇上累置之生臣之
感佩惟有焚香禱祝萬壽無疆而已但聞今歲
多官會議適與張經一同奏請題奉欽依依律
處決臣夫雖復捐脰市嘗亦將瞑目也臣夫
惟皇上願養冲和保合元氣昆蟲草木皆欲
所豈惜一迴宸顧下垂慈盆倘蒙恩賜
私少從未減不勝大幸若以罪重不赦願

臣斬首都市以代夫死夫雖遠禦魍魎親執戈
矛必能爲疆場效命之鬼以報皇上臣於九泉
稍有知識亦復啣結無旣矣臣無任激切祈懇
惶悚待命之至

上請賑疏

撫賑陝西監察御史 梁 炳 邑人

臣受命賑荒日馳百五六十里由河南至陝西路見貧民奔號不絕臣聞之不覺淚下慰勸回鄉此臣得於沿途親見者也六月入秦境隨謁廟誓神一切賑濟務其實需如有不公不廉神其殛之卽入公署料理賑務滿目饑民擁門哭籲臣遂批行道府查報真實彙入賑冊此臣得於初入地方者也自六月中旬賑起由西安府次第竣事務使民沾實惠如疏通糴販設法轉輸廣立粥廠量資牛種多方措處奏濟等項悉

容城縣志

卷七

藝文上

三

心料理此臣入境初行事者也臣具有秦饑望賑一疏幸蒙採擇獨推廣德意一款未蒙慨發俞准今入秦情形已悉聞見甚慘自非續請大資數十萬卽六萬尙難濡沫於目前而隱憂伏禍卽善後難言之矣夫秦荒盜頻仍無地不饑無人不饑軍似有餉而實不足官似有俸而實無俸青衿有原無銀增附空然一身其四面告賑不曰食草根則曰噉樹皮不曰吞土啖石則曰食人食子此二百年來未有之奇荒臣不得不於饑民六萬兩之外懇恩慨發數萬以救此

衆民也近聞流賊返奔秦境土賊乘間竊發如
破鳳縣興安寶雞等處漢中鞏昌臨洮興安等
屬先年各未被寇歲頗有收向未議及災賑今
實被殘掠豈忍於通省之內偏分彼此不得不
哀懇皇恩慨發數萬以救此遠民也伏乞皇上
洞識遠覽憫念民窮流移待賑而後復盜賊待
賑而後弭邊疆待賑而後安關係甚大軫念應
切懇請於六萬兩之外加增大資卹數至十萬
猶苦於未遍也恭候皇恩立霈雨露臣遵守施
行可勝待罪激切之至

記

太極圖後記

劉因 邑人

太極圖朱子所謂周子得於穆伯長而胡仁仲因之遂亦以謂穆特周子學之一師陸子靜因之遂亦以朱錄爲有考而潘誌之不足據也蓋胡氏兄弟於希夸不能無少譏議是以謂周子爲非止爲穆種之學者陸氏兄弟以希夸爲老氏之學而欲其當謬加無極之責而有所顧藉於周子也然其實則穆死於明道元年而周子時年十四矣是朱氏胡氏陸氏不惟不考乎潘

容城縣志

卷七

藝文上

美

誌之過而又不考乎此之過也然始也朱子見潘氏之圖爲周子所自作而非有所受於人也於乾道己丑己序於通書之後次後八年記書堂則亦曰不由師傳默契道體實天之所畀也又十年因見張詠事有陰陽之語與圖書意頗合以詠學於希夸者也故謂是說之傳固有端緒至於先生然後得之於心無所不貫於是始爲此圖以發其祕爾又八年而爲圖書註釋則復云莫或知其師傳之所自蓋前之爲說者乃復疑而未定矣豈亦不考乎此故其爲說之不

決於一也而或又謂周子與胡宿邵古同事淵
州一浮屠而傳其易書此蓋與謂邵氏之學因
其母舊爲某氏妾藏其亡夫遺書以歸邵氏者
同爲浮薄不根之說也然而周子邵子之學先
天太極之圖雖不敢必所傳之出於一而其理
則未嘗不一而其理之出於河圖者則又未嘗
不一也夫河圖之所謂無極者則先天圖之所謂無
所謂太極者則與心者也先天圖之所謂無
極所謂太極者則與心者即太極圖之所謂
無極而太極所謂太極本無極所謂人之所以

最靈者則河圖之東北陽之二生數統夫陰之
二成數則河圖之左方震一離兌二乾三者
也先天圖之左方震一離兌二乾三者即太極
圖之左方陽動者也其兌離之爲陽中之陰即
陽動中之靜之根者也河圖之西南陰之
二生數統夫陽之二成數則先天圖之右方巽
四坎艮五坤六者也先天圖之右方巽四坎艮
五坤六者即太極圖之右方陰靜者也其坎艮
之爲陰中之陽者即陰靜中之爲陽動之根者
也河圖之奇偶則先天太極圖之所謂陰陽而

凡陽皆乾凡陰皆坤也河圖先天太極圖之左
方皆離之象也右方皆坎之象也是以河圖水
火居南北之極先天圖坎離列左右之門太極
圖陽變陰合而卽生水火也

著之在續也寂然不動道之體立所謂易有太極者也及受命而出也感而遂通神之用行所謂是生兩儀兩儀生四象四象生八卦八卦定吉凶吉凶生大業者也猶之圖也不用五與十不用云者無極也而五與十則太極也猶之易也潔靜精微潔靜云者無極也而精微則太極也知此則知夫續中之著以一而具五十無用而無所不用謂之無則有謂之實則虛也而其數之流行於天地萬物之間者則亦陰陽奇偶

而已矣故自掛勃之奇而十二之則陽奇而進之不及夫偶者爲少陰陰偶而退之不及夫奇者爲少陽陽偶之則三四五六合夫畫奇全偶半合夫數而畫亦於是焉合其多少則合其位之陽少而陰多故有自一進一而爲偶自偶退一而爲奇之象也自進揲之策而十二之陽奇而退之不及夫偶者爲少陰陰偶而進之不及夫奇者爲少陽陽偶之則六七八九合夫數奇三偶二合夫畫而數亦於是焉合其多少則合其數之陽實而陰虛故有自一虛中而爲偶自

二實中而爲奇之象也蓋掛扐之奇徑一而過
揲之奇圍三而掛扐過揲之偶均用半也故分
掛扐過揲而橫觀之則以陰爲基而消長有漸
分四象而縱觀之則亦以陰爲平而低昂有漸
其十二之則自右一而二自左二而三其四之
則自右二而六自左六而九如水之流行觸東
而復西其消長則其自然之淪漪其判合則其
盈科而後進者也說昔自夫一行邵子之說而
得之知此則知夫誤推一行三爻八卦之象謂
陰陽老少不在乎過揲者爲昧乎體用之相因

而誤推邵子去三用九之文謂七八九六不在
乎掛扐者又昧乎源委之分也由此而極其奇
偶之變以位則陽一而陰二也以數則天三而
地兩也初變之徑一而圍三以爲奇者三而得
之是以老陽少陰之數多也後二變之圍四用
半以爲偶者二而得之是以少陽老陰之數少
也分陰分陽則初一變皆奇而後二變皆偶也
迭陰迭陽則去掛一初一變皆偶而後二變皆
奇又如畢中和天地人之說也其變也自一生
二二生四四生八八生十六而言則畫卦之象

也自四乘而十六十六乘而六十四則重卦之數也故初變而得兩儀之象者二畫卦之數也再變而得四象之象者四畫卦之數也三變而得八卦之象者六畫卦之數也自兩儀之陰陽而言其用數則乾兌離震皆十二而巽坎艮坤皆四也自八卦之陰陽而言其體數則乾坎艮震三六一而巽離坤兌三十二也自二老二少之陰陽而言其饒之之數則又如四象之七八九六也六變而得四象之畫則每位之靜變往來得十畫卦之數也又二畫則總其數矣其數

也皆靜者爲多變者爲少而一爻變者居中其靜與變皆老陰爲多老陽爲少而二少居中積畫成卦則每畫之靜變往來得十五畫卦之數也又三畫則總其數矣其數也亦皆靜極者爲至多而變極者爲至少而又一爻二爻進退於其間其靜與變則皆坤爲至多乾爲至少而二男三女進退於其間因而重之則每卦之靜變往來得二十畫卦之數也又六畫則總其數矣其進退多少皆與八卦之例同也此皆自歐陽子七八常多九六常少之一言而推之與夫後

二變不掛不知其爲陰而使二老之數與成卦
同二少之數與二老同而參差益甚其初一變
必鈞不知其爲陽而於乾坤六子之數勉強求
合乃若四十九著一虛一與五十著虛一而掛
二者固有間矣 者求卦者也若夫以卦而
求變也則自次之易已成之體爲變易應時之
用由兩儀而上自紆而促八卦循環而其序不
亂以遠御近以下統上而皆有文之可尋也以
變而求占也則自靜極而左之一二三四五自
動極而右之一二三四五極自用其極而一則

專其一居兩端而分屬焉二則分其爻居次兩
端而分屬焉動則上爻重而靜則下爻重也三
則分其卦於中自爲兩端而分屬焉前則本卦
重而後則之卦重也動中用靜靜中用動靜多
主貞動多主悔而皆有例之可推也然自此而
極言之則以六甲納之其卦之序不亂也以玄
取之其序有漸而亦不亂也以伏求之其序亦
有漸而不亂也以世位反圖而推之則一而二
二而四四而八八而十六進退有序逆順以類
而不亂也以策數卽圖而攷之則在兩儀而一

消長在四象而二消長在八卦而四消長在十六而八消長在三十二而十六消長故長中八消消中八長皆震爲巽之消而坤爲乾之消巽爲坤之長而乾爲震之長而不亂也以揲變之數應圖而推之則其多少又合乎一一爲乾八八爲坤以少爲息以多爲消而亦不亂也是則按圖畫卦揲著求卦莫不脗合矣然而朱子猶以大衍爲不自然於河圖而變揲之左可以形右卦畫之不可以形上者又以爲短於龜其三索之說則一行有成說旣取之於本義後以爲

不必然而卦之陰陽奇偶畫與位合則大傳有明文旣著之筮說而不明言於啟蒙是又恐後人求之過巧而每遺悞不能致古人之詳告也若以奇策之數合之圓圖之畫則四十八一卦之畫也其奇之十二卽乾之陰而策之三十六卽其陽也三十六自九進而得之也九陽也三十六亦陽也全陽也其奇之二十卽兌離之陰也而策之二十八卽其陽也二十八自七進而得之也七陽也二十八陰也陽合於陰也其奇之二十四則坤所去之半也而策則所用之二

十四陰也二十四自六進而得之也六陰也二
十四亦陰也全陰也其奇之十六卽艮坎自上
所去之十六也而策之二十二卽其所用之半
並上所餘之八陰也三十二自八進而得之也
八陰也三十二陽也陰合於陽也其震巽之不
用則猶乾之不用陰坤之不用陽也其奇策之
八方數之變也掛扞之六圓數之變也此邵子
之說也然前之奇策之所當陰不若陽之齊後
之六八之所應圓不若方之備是必有深意也
第未能攷而知之又不知朱子之意以爲如何

此因續著而記之至元十一年春二月吉日續
成記

序

靜修先生集序

崔銑

伯夷薄周食首陽之薇而死管寧盜視曹氏迄
不受爵靜修劉子辭元人之召夫三子者篤念
故國力於名教豈曰山棲谷汲尚冲樂退而已
哉劉子則又研精聖典發揮大道聲之爲詩綴
之成章雄渾明切不蹈陳言其詞如西山之歌
其誼祖春秋之旨予每撫卷太息恨無知者茲
應召過雄瞻望靜修之里却起諸九原爲之執
鞭欣如也旅次畧撰數言門人劉格適倅茲邦
托之梓於篇首

容城縣志

卷七

藝文上

五

韓苑洛先生志樂序

楊繼盛

世之談經學者必稱六經然五經各有專業而樂則滅絕無傳論治法者必對其禮樂然議禮者於天秩不易之外猶深求立異可喜之說至於樂則廢棄不講全德之微風俗之變恒必由之豈可悲夫然律呂與天地相爲終始方其隱而大章也天既生哲人以作之則於其隱晦也天爲任其湮沒已乎闡明之責蓋必有所寄者先生自做秀才時便抱古樂散亡之憂當其歲試藩司問諸賢學虎谷王公云律呂之學今雖

失傳然作之者既出於吾人則在人亦無不可知之理特未有好古者究心焉耳先生於是惕然省悟退而博極羣書凡涉於樂者無不參考其好之之專雖瘡痍愈不知也所聞者其說矣於是直解之作然作用之實也其意也自是苦心精思或脫稿於載籍之舊或神會於心得之精或見是於非之中若夫以誘其要者終而觀其深矣於是有志樂之在曰志云者先生自謙之辭也非徒志而已也夫昔者生聲鐘生律馬遷著之矣而律經聲經之述變

用九之明示則未之及也圍九分積八百一十
分班固著之矣而管員分方旋宮環轉乘除規
圓之圖則未之及也六十調八十四聲蔡子著
之矣而起調則例及正變全半子倍之交用調
均首末長短相生之互見則未之及也六變八
變九變之用焉禮記之矣而以黃鐘祀天神以
蕤賓祭地祇以大呂享八鬼一造化之自然以
黃鐘一均之於朝廷宮闈實古今之絕
唱則又於周禮之外者也宏綱細目一節
請來觸處皆合樂之爲道盡於是矣

卷七

藝文上

七

哉其於先儒世儒之圖論備錄不遺者
先生與善之心然亦欲學者考見得失焉
其方其始刻之日九鶴飛舞先生之庭者久之
識者以爲是書感通所致觀仰秣出聽之說則
鶴之來舞也固宜而其得樂之正也此非其明
驗矣乎昔人謂黃帝制律呂與伏羲畫卦大禹
敘疇同功然卦疇得程朱數子而始著律呂得
先生是書而始明則其功當不在數子下豈曰
小補云乎嗚呼太和在成化宇宙間故先生
由生太和在弘治宇宙間故是書所由成也

作誠不偶然也後之有志於樂者苟能講求而
舉行之則太和將在萬世之宇宙而先生之功
至今爲益大矣然不苦心以求之何以知是書
之正不得其說而精之又何以知盛之言不爲
阿私也哉噫盛不敏雖學之而未能也講求之
責深有望於同志君子云

楊忠愍公集成其子太學生應尾屬序於予予讀之輒爲掩卷興悼不自知涕之霑臆也嗟乎余安能知文又安忍爲公序哉昔人有云文以氣爲主而才以昌之王充著養氣之篇劉勰廣程才之論柳冕謂才多而養之可以鼓天下之氣天下之氣生則君子之風盛斯又世道關焉而文之時義大矣觀公所述年譜蓋自綺歲英敏夙挺艱阻備嘗混跡牧豕之羣研精掛角之日卽以天下爲己任學以談道德務經術而恥

爲富貴紛華之習旣而發科登仕繼組兩都含香之署每痛際運雍熙而不免壅蔽之患遇君神武而未屏操弄之奸思罔聽於逆耳鬪蔓於脫距乃由車駕上疏乞罷馬市斥其謬者五不可者十書忤權侯使仁人之言不蒙其利而反構釁稔公死且不畏奈何以播遷怵公耶復由武選二疏乞誅賊臣數其奸者五大罪者十語侵彼相使忠臣之謀無益於國而竟取滅亡緣司刑者承望風旨文致其罪惜乎寃哉昔賈生不容於絳灌李邕受却於林甫古今同慨矣至

誦其言猶凜凜足以鼓天下之正氣而激天下之士風雖被笞箠關木索暴體裂膚受辱慘酷而志不爲亂氣不爲阻非素養有定能然哉方其深念於燕居未遑以暇逸其所著作多綴毫牢戶之中染烟肺石之上此與演易受書曷異焉故辭多宏麗語罕怨謗江河一瀉乃徵其才光焰萬丈悉由於氣豈暇雕篆以逞伎摛繪以求工哉公在南司封自謂肆力於詩文之學信非誣矣夫靈運藝苑中散清流猶能占藻侯時鳴絃揆日愴霜葉之餘生歎廣陵之絕響公詩

欲還浩氣於太虛矢忠魂於圖補胡悲且壯哉余在南臺罔識忌諱因獻狂瞽將謂公以遊幸蒙採納卒之故相編氓凶子棄市少洩天下之共憤慰公等之幽魂且知向之遇害非先帝意也天道有知人心不死幸而聖君嗣極追錄諫官擬公爲首贈爵太常諡以忠愍建祠以享血食蔭子以裕後昆報亦隆矣雖昧大雅之哲終成烈士之殉垂聲宇宙爭耀日月視仇嚴獨安在哉忘軀抗疏於忠愍公見臣節焉述美搜遺於太學見子道焉重爲校梓用傳同好於鳳

洲見友誼焉一舉而三善備其是集之謂乎遂
輟涕而爲之序

容城縣志

卷七

藝文上

五

取節錄序

詹事 錢謙益

取節錄六卷二十五科容城孫竒逢字啓泰之所輯也以史家凡例取之則忠義一行孝子節婦之屬居多以公羊三世考之則所見所聞居多甚矣啓泰之長於取節也啓泰生於北方與定興鹿太常伯順偕遊於吾師高陽公之門公器之曰吾四友之二也天啓中逆奄亂政伯順從公於關門庵所遣刺事者考午帳下公每厲聲訶問你家老公云何不少假顏色奄遣人屬伯順通懇懇於公伯順叱去之甲子之秋公疏

請入觀欲有所建白羣小訴於庵謂公將興晉陽之甲伯順爲謀主伯順弗顧也當是時桐城左僉院嘉善魏給事長洲周吏部先後逮繫其子弟儻從間行晝伏莫敢舍者啓泰與伯順之父太公子化麟及其門人張果中兄弟通行爲之羹彘燕中好義者十餘曹受啓泰太公部署或拮据橐囊或奔走刺探烏舉烏集若漢之期門左嘗督學三輔太公設匾立表於門曰醜錢教左提學者輸此鄉人投匭者雲集左旣考死則又按籍俵散江村之地舉旛旗而擊鞀鼓不

畏奄知奄亦竟弗知也余以枚卜被許伯順言於蒲州當爲上力言分別兩人是非蒲州噤嚅不能決伯順誓不復見蒲州伯順守定與抗節死難余被逮返白溝果中迎謂曰太公病矣遣其孫候公於此去才兩日耳余獄急權臣趣殺之啓泰果中輩借貸銀五十金詔余且曰社稷有靈必不爲左魏之續公毋恐也茗上芽止生屢急難客啓泰署其室曰北海亭啓泰不應微辟危坐亭上朱黃甲乙著書滿家嬰之不離取節者近是余讀爾雅戴斗極爲崆峒其下曰幽

都古稱其氣角立其風精悍逆奄之時乾兒義孫錯列朝著吾師與伯順屹如狂瀾之底柱而太公啓泰輩蘊義生風魯衛奇節之人燕趙悲歌之士蓋僅有存者天官書言中國山川東北流尾沒於勃碣吾師與諸人其亦斯世之勃碣也歟世衰道微廉耻滅熄臣叛其君子逆其父士賣其友弟子背其師皆失節之屬也楊焉之治河也患砥柱而鑄之忠臣義士其爲砥柱也亦大矣扶持長養之猶恐不足又從而鑄之鑄之亦如底柱之沒水中不能去而世之爲楊焉

者未已啓泰之爲此錄也其將以是爲砥柱乎
抑亦致戒於患而鑄之者乎嗚呼其尤可嘆息
也詩曰惟其有之是以似之余嘉啓泰之有而
似之也爲序之如此

晉文中子生隋唐之際佛老盛行毅然以孔子爲宗匹夫肩絕學之統其有功於斯世甚大朱子集羣儒之大成其徒傳之金華諸子遞相授受至明初制作廟堂一代典章率本朱子之教以是知大儒抱道空山修明六經非一世之業也容城徵君孫先生登萬曆庚子鄉薦與鹿忠節爲友以躬行相砥礪居親喪結廬墓側於憂戚孺慕中悟心性原本慨然以聖人爲可學而至天啓乙丙間大興鉤黨之獄左魏周二君子

容城縣志

卷七

藝文上

五

橫被榜掠故交避匿先生獨上書輔樞鳴鼓舉旛爲之鳩衆飲助死生禍福不足動其中其剛大如此時會搶攘保全危城避亂山中隱然負王佐之望徵書累責堅辭不就晚年携家蘇門聲華刊落生徒數百然其相就其地自姚許之後稱盛云先生於道性約而約守之發爲文章皆躬行心得之餘未嘗有新竒可喜由其說而持循之人人可以寡過所著有四書近指讀易大旨尚書近旨精義多前儒所未發嘗以古今諸儒見有偏全力有淺深要以不謬聖人爲歸

慈湖以傳子靜者夫子靜龍溪以傳陽明者夫
陽明儒而雜禪不可不辨苟無致知為行之實
徒憑揣摩臆度以軒輊前賢先生之所不與也
九十老人晨興拜謁家廟獨坐空齋竟日無情
容事物之來泛應曲當濁酒孤燈對友談學至
丙夜不倦自非功深於人之所不見者烏能自
強不息如此乎嘗讀文獻通考文未載人心幾
如重寐賴先生履道坦坦貞不絕俗使人知正
心誠意之學所以立天經定民彝不因運會為
遷移振三百年儒者之緒以為理學之大宗其

容城縣志

卷七

藝文上

五

於文中紫陽何如非愚之所能知其有關於世
道則一而已矣先生沒後三年門人彙集詩文
語錄為若干卷屬後序不敢辭謹述所見以

附編末

孝友堂家乘序

孫承宗

蓋容城有四孫生後先補博士弟子而叔子舉
萬歷庚子京兆榜季以恩選宰武城其大父敬
所公以嘉靖鄉薦歷官運司人稱佛子其父肯
軒公以博士弟子官儒少不願稱公子長不主
一先生之言以六兄弟獨奉寡母而解衣於兄
課學於弟蓋孝友稱自先媿矣編中永思哀思
其在斯乎四孫生席先世孝友爲世大賢而天
下賢士大夫翕然述四孫生孝友天子有詔旌
孝廉而忠義士大夫又不欲仲子行沒於文也

容城縣志

卷七

藝文上

五

一時願交四生者且有金蘭之約故所輯有書
六種可讀蓋四兄弟兩廬尊人墓側後先六年
而諸娣姒同堂侍太君又同堂爲織維詩傷兄
弟不成而以好合先旣翕余於四兄弟居廬覘
之因念古今孝友列在圖書蓋有執黍承顏擊
鮮就養亦有捧檄以喜砥節以揚亦有墮心風
樹沫泣寒泉至若華承椽蓼葉頽荆枝讓果同
衾推肥代瘦罔不體至性以馳芬篤忱恂而宣
範卽錫金蔣玉授膽夢靈至於動天地感鬼神
然而中庸之行也採絢者或相與舉清白異行

天下遂有異行之目將無舉世莫同乃見爲異乎乃余有所異孫生矣孫生異在合四兄弟率諸姊妹共一孝而後先六年孝且終其身也夫同氣參錯一室交誼世豈無之而兄兄弟弟夫夫婦婦集一孝以奉二人余謂四兄弟當同旌而姊妹以孝成夫子之孝當與四兄弟同稱何至以孝友收拙目乎漢有孝廉舉而實重策士故固曄不得孝友晉史傳孝友首密抵以文見耳東堂憤悃殊非本色歷晉來中多以色養無主若君食無從儻微辟其所褒表多籍閭巷醇

樸而鄉曰孝悌里曰敬愛亦如今之堂孝友也獨朱壽昌旣官以孝聞天下一時士大夫如王安石蘇頌蘇軾而下爭爲詩美之而壽昌有讜言有惠政亦孝之施矣嗟乎孝友不登朝廷而青青子衿尚以藝廢豈其發三冬之莖錫七年之粟而不足當提衡世道之思乎何拙目之不論所重而輕天下士至煩諸君子語何怪乎美新種種又何怪乎魏給事左侍御乃肯爲復學語也亦足覘孝友不可不在朝廷矣周家尹吉甫文武爲憲佐天子匡王國其歸而飲御乃在

張仲孝友夫豈侈包驚膾鯉之燕喜曰侯在無亦以孝友之大臣在朝廷調一人以調百士故師武臣得以嚴翼共武服而定王國由斯知孝友者其古所稱貫三靈苞萬象者何可一日不在朝廷乎迄今想詩人胸臆成周太和而意慕天子大臣其集我或羣或友合諸肺腑膽以試信閑大畧若視色庭幃是謂能孝其比肩事主不伎不競日與壯猷元老如方叔輩若各持一美以嘗親是謂能友然則吉甫得孝友爲友唯是天王肯以孝友爲大臣以應師武臣予因念古

盛時孝友多在朝廷而後世以孝友爲家人行多在野周家頌先妣曰因心則友至燕以戚戚兄弟答以君子有孝子其中有曰孝思曰來孝曰靡有不孝又曰孝德佐四方當是時君臣上下交敦孝友之行故君視臣如子弟臣視君如嚴慈傳曰忠臣以事君孝子以事親其本一也豈不然哉風俗尚薄禮運道喪宰世之人孝或愆家忠不樹國故仕以勢招榮非行立固不若閭左尚有真心焉嗟乎昔人以樹籬作管手小試禹山嘉者曰當朝則社稷之臣至儒素篤行

者以征伐封侯拜侍中誰謂家人質行不大行也劉殷一門七業俱興士不修操行無得入其門然則蘭譜諸君子何幸爲孫生入門之操行乎余謂孝友在一家卽草木欣欣終是一家之戚若唯孝友在朝廷則內和外理而天下平故廟堂大臣必不可不躬孝友而獨以幹見廟堂必不可一日無孝友大臣而偏倚幹局卽閭閻孝友負儒行者必不可不早在朝廷而薦拔之司必不可先交死而使孝友之士抑而不舉嗟乎張仲孝友周宣之所以中興也方今聖天子在上至孝近王或曰必且用孫生又或曰孫生可出而仕矣

敬一錄序

學士 崔蔚林 新安人

大道之在天下也千古無二本體千古無二工夫何也道原於天而全於人本體者天也工夫者人也明乎本體之實可以達天明乎工夫之實可以盡人明乎本體統乎工夫工夫原於本體之實則天人之道可以一之而無遺自古言本體者曰善曰性曰極曰中而統之為一言工夫者曰欽曰慎曰兢業曰小心而總之為敬非主一無以立敬非主敬無以致一是固立教者舍此無以為教善學者舍此無以為學者也容

容城縣志

卷七

學文上

奎

城令趙公同有以見及此矣公滇人登甲辰進士蒞容邑下德化大行余客歲服闋北上人咸感而和矣登其堂肅然而清矣接其言論下人笑不怒而進退有度矣乃喜曰公殆真吾邑之所學者乎及聞其與教圃道臯比講學益勸余子靜荆門之想今年秋公之弟子孝廉孫鼎甫梁貞怡李石友輯八讀書之所自得及與邑之學士大夫講語勸為上下二卷名曰敬一錄走字請余言弁其簡端余因命書之名而尋繹之夫敬者德之興也一者道

之樞也公蓋深有見夫道之本體原一而憫人之未能致一知體道之工夫在敬而慮學者不能主敬故不禁出所心得曲折開示復稱引古人之格言法語告誡而叮嚀之娓娓數千萬言無非發明敬一之旨夫道備於五經詳於四子而統具於吾人之心學者苟有志於斯道卽四子之微言究五經之大義而天人一致之理可內取之吾心而自足而諸子百家之言皆可擯而弗錄余於公不能已於言者以公能先行其言且不謬於五經四子言是編者尚其諒公立言之心也夫其勿負公垂教之意也夫

畿輔人物考序

孫竒逢

予考中州人物規模畧具有燕趙士過視夏峯者曰吾鄉勛名節義不減中州豈可無述因據案頭諸書暨風昔所聞見者次第之類分例議一如中州因思予生於明代長於明代垂老於明代本朝典故人物宜與有聞焉按自洪武戊申十六傳至崇禎甲申二百七十四年有開國靖難之功臣有殉國之節臣正統己巳之變去戊申八十餘年於時死綏授命之臣視建文時何如哉說者曰高皇作人之化既歷三紀世變

容城縣志

卷七

藝文上

七

風移故得養士之報而遜國諸忠殺戮太慘未免干和此言不知有當否高皇之制中官不得干豫政事而逆瑾逆賢輩相繼煽亂屠戮忠良夫賢人者國之寶也人之云亡則邦家未有不殄瘁者蓋爲善者誅則人相懲而不爲善人相懲而不爲善則何所不至矣瑾賢之案士大夫以節見者亦不少然士大夫何樂乎以節見也甲申大難先帝卽銳意有爲而元氣銷鑠殆盡欲速瘳適以促之速亡耳平時危言潔行與臨難抗節死忠原非二致而神京陷沒死社稷

僅二十餘人以視建文時又何如哉嗚呼人才
闕氣運之盛衰士氣係人才之隆替而其原本
總造於大君之一心予述明代二百七十四年
來歷幾成案案各有人人各有事畿輔爲首善
之地更不可缺第愧衰遲寡陋聞見不博敬俟
後之君子再爲考入

北學編序

孫奇逢

余輯理學宗傳成張仲誠梓於內黃因與湯孔伯商搜洛學一編與魏運陸商修北學一編壬子冬魏子持北學編索序余謂學術之廢興繫世運之升降前有創而後有承人傑地靈相需甚殷亦後學之大幸也居其鄉居其國而不能盡友鄉國之善士何能進而友天下友千古哉以編中所載諸先正各有面目其出處隱見立言制行雖有不同要皆願學孔子不待文王而興之人故董韓而後若器之靜修伯玉學本程

容城縣志

卷七

藝文上

五

朱克恭儕鶴伯順力肩陳王因念紫陽當五星聚東井之際及其身不免於僞學之禁陽明功在社稷當日忌者奪其爵禁其學非兩先生之不幸誠世道之不幸也我輩生諸賢之後自待豈宜菲薄魏子早歲掛冠亟運於表章前喆自任則其居心可知矣編已成始獲見王端溪公所著海濊子七篇念去端溪之居周歲不越數百里某生與公上下不踰數十年而聞見固陋至此益知余宗傳之多遺不敢謂北學之能無遺也率題數語以引其端

楊忠愍先生家訓序

刁包

嘗讀魏鄭公傳而深有感於良臣忠臣之分也忠愍楊先生所遭遇者聖明也而乃同龍逢比干不獲爲良臣尚論者未嘗不悲其遇而憐其才陳幾亭曰國朝人才自王文成而外莫若楊忠愍噫知言哉雖然幾亭之知先生也以才愚之知先生也以學學以濟才然後臨大事而不亂蓋徵諸家訓矣家訓者先生臨命之前一日援筆直書以訓其家者也方是時係徽纆而置叢棘明知旦夕人耳而從容暇豫爲忠臣若無

容城縣志

卷七

藝文上

七

以異於爲良臣豈非其學有大過人者與先生之學本苑洛韓先生韓先生遠祖橫渠近宗涇野其學得關中嫡派在留都爲大司馬時先生以屬吏北面焉其於朝聞夕可之道講習蓋有日矣夫朝聞夕可其道莫著於易繫辭云原始反終故知死生之說此太極圖所謂以此終篇者也先生從苑洛先生受樂書而知六律之理與八卦相通遂妙契乎始終之旨始若終豈有他哉生死而已矣生若死豈有他哉晝夜而已矣通乎晝夜之道而知是故可生亦可死其從

容暇豫爲忠臣無以異於爲良臣者有以也然
則天假之年先生之學何必不媲美文成而豈
以其才與之相頡頏哉昔文信國凜凜大節
日星爲昭而弔古者未免以夷齊之志掩程朱
之學愚於斯文正統中備言之先生成孔之仁
取孟之義與信國異世合符人皆知之至於淵
源所自則未之或知也故特表而出之使天下
後世知先生一代才人亦一代學人也先生有
孫諱遠條字蕃升英年稱選士克世其家常由
金容詣祁出家訓門序言愚與先生曾孫爲十
之

楊氏婦徵君先生之仲女也歸范陽楊士弘丙子城陷率其子若女暨乳母王氏投井死或以貞名或以烈名表其實也然則貞與烈異乎曰否貞固所以烈也貞之說莫備乎易而發明妻道則專在坤坤卦之象曰利牝馬之貞又曰安貞吉楊氏婦能以貞爲安故不以井爲危其烈烈而死不泯滅而生也豈非牝馬柔順健行之義乎吾嘗仰稽六經春秋詩節婦各一若烈婦則詩不經見春秋二百四十二年間惟宋伯姬

容城縣志

卷七

藝文上

六

一人而已伯姬死於火楊婦死於水或以此疑於貞吉之說又不然何也聖人以道義配吉凶婦得正而終何吉如之若虧體辱親凶莫大焉是故貞然烈烈然後吉趨吉避凶之道可以觀矣雖然文姬辱蔡氏中郎以失身倡也楊婦光孫氏徵君以守身倡也詩曰螟蛉有子蠋羸負之教誨爾子式穀似之吾於訓女亦云

理學宗傳序

孫奇逢

學以聖人爲歸無論在上在下一畏於理而已矣理者乾之元也天之命也人之性也得志則放之國家天下者而理未嘗有所增不得志則歛諸身心意知者而理未嘗有所損故見之行事與寄之空言原不作岐視之舍是天莫屬其心人莫必其念而正路道術遂爲天下裂矣周子曰聖希天程子曰聖學本天又曰余學雖有所受天理二字都是自己體貼出來余賦性庸拙不能副天之所與我者勿承良友鹿伯順提

容城縣志

卷七

藝文上

九

携時証諸先正之語嘗思之顏子死而聖學不傳孟氏沒而間知有待漢唐隋三子衍其端濂洛關閩五子大其統嗣是而後地各有其人人各鳴其說雖見有偏全識有大小莫不分聖人之一體焉余因是知理未嘗一日不在天下儒者之學乃所以本諸天也嗚呼學之有宗猶國之有統家之有系也系之宗有大有小國之統有正有闕而學之宗有天有心今欲稽國之運數當必分正統焉邇家之本原當先定大宗焉論學之宗傳而不本諸天者其非善學者也先

正曰道之大原出於天聖神繼之堯舜而上乾
之元也堯舜而下其亨也洙泗鄒魯其利也濂
洛關閩其貞也分而言之上古則羲皇其元堯
舜其亨湯禹其利文武周公其貞乎中古之統
元其仲尼亨其顏曾利其子思貞其孟子乎近
古之統元其周子亨其程張利其朱子孰爲人
曰之貞乎明洪永表章朱喆納天下人士於理
熙宣成化之世風俗篤醇其時有學有師有傳
有習卽博卽約卽知卽行蓋仲尼沒至是且二
千年由濂洛而來且五百有餘歲矣則姚江豈

非紫陽之貞乎余謂元公接孔子生知之統而
孟子自負爲見知靜言思之接周子之統者非
姚江其誰與歸程朱固元公之見知也羅文恭
顧端文意有所屬矣宗傳共十一人於宋得七
於明得四其餘有漢隋唐儒考宋元儒考明儒
考各若干人尚有未盡者入補遺補遺云者謂
其超異與聖人端緒微有不同不得不嚴毫厘
千里之辨真修之悟其悟皆修真悟之修其修
皆悟諸不本天之學考區區較量於字句口耳
之習其爲學也腐而少達又有務爲新奇以自

飾其好高眩外之智其爲學也僞而多惑更有以理爲入而實爲得而以頓悟爲得道之捷者儒釋亦皆學術且晦究不知何所底極也此編已三易其目其中出入與借者逾三十年矣少歷經於貧賤老困躓於流離曩知饑之可以爲食寒之可以爲衣而今知跛之可以能履眇之可以能視也初定於渥城自董江都而後五十餘人以世次爲敘後至蘇門益廿餘人後高子携之會稽倪余二君復增所未備者今亦十五年矣賴天之靈幸不填溝壑策燈燭之光復爲是編管窺蠡測之見隨所錄而箋識之宛對諸儒於一堂左右提命罔敢屑越願與同志者共之並以俟後之學者

烈婦孫少君輓詩序

大學士 張玉書

天地之所以常存者賴正氣以綱維之人稟兩
間之正氣男女剛柔異質而性則同故爲忠臣
爲節婦而時值其變有女子而爲丈夫之所難
者余讀孫少君輓詩而慨然太息也曰嗚呼豈
不偉哉少君爲吾皖郡司馬李公之仲媳李與
孫如鳥衣王謝世爲姻好司馬公由中翰來任
皖少君子歸甫閱月而仲君以隨任感風霜遂
病久之知不起與少君訣而少君卽許以身殉
噫何少君天性之篤也今夫懷貳心者無論矣

容城縣志

卷七

藝文上

七

卽有誓言同穴者或好合年深一朝引決是激
於恩也或不幸而所親見逼強暴來侵是迫於
勢也少君委禽於戊之冬杪而殉節於今之仲
春問表嘗藥籲天請代者經年計琴瑟之無虞
纔月餘耳生儒門適宦族值承平非有所迫也
以恩義之未淡而皎然踐永訣之言難矣至於
再三勸諭之而終無歧志者蓋亦寡也乃少君
親俎豆几筵皆悲不勝而卒從容以殉嗚呼
此求之男子中如朱文文山明楊仲芳兩先生
庶足以當之也豈多覲者哉夫仲芳先生固少

君之鄉人也仲芳嘗言成天下之事功易立天下之節義難當至變之臨而能氣如雷靈立如山岳又非僅出於一時激發爲難甚矣仲芳之論節烈者何其多也歟少君生長於博大爽塏之鄒鄒山于書畫立身畫之水環繞映帶世產偉人而少君又能世其家學幼卽讀書明大義不獨女教圖訓也理學儒宗皆含英咀華師其遺範觀其續文山之句留芳名於萬年與忠愍之留丹心於千古者亦豈有異耶少君投繯越信宿氣尚如生家人傳像以祀一時

羽化之誕怪而能激揚節義主持名教始焉有光宗耀祖之下而其卒也焉以下樂昌之爲德門隴西之爲清閨而又以下貞良之傑出世運之休隆凡在朝者表而傳之以耀英倫也在野者矜而式之以厚風俗也其爲光耀何如哉皖之人臨而哭之未已也又從而歌咏之漸而中江而海內皆將永之以言司馬公哀而集之集成寓書於予曰願有述夫少君之卓卓不可掩者固不係於詩之有無而人之慕義無窮非歌

咏則無以形其意也聞其烈足以感人况拜其
像而親炙之者歟予聞司馬治皖政平訟理淡
泊如寒士衣服劔舄時時在質庫中而少君沐
二南之身教且聞其辭別時曰媳不殉久貽吾
舅姑戚今與之俱雖極慟而久之或可少釋是
則少君之節以成孝也荷馬之傳不及載予故
併及之

傳

孤忠傳

孫用旂 邑人

王家珍字季玉燕南容城人也兄弟三人長家
璋次家琛次卽家珍居家孝友以文章節義自
雄鄉黨器重之順治二年以明經授山西大同
府朔州教授任甫一載政教大行百姓畏愛會
大同亂兵姜瓖叛全省震動守土者多望風逃
竄家珍義激於中倡效死勿去之義士民感動
同心固守守備張爲姜內應開門延敵家珍被
執大罵不屈賊怒甚令支解之每割一瓣問曰
降乎家珍神色不變罵不絕口及大軍勦滅羣
醜悉平諸逃竄者各仍本職先後陞調以去獨
家珍泯焉無有過而問者其兄家琛欲伏闕上
書鳴冤弗得達

世祖御極之十年追念當年死節諸臣命有司確查
有舊時朔州門卒視見家珍慘死形狀爲歷陳
始末乃知姜逆之變殉義者獨家珍一人

章皇帝震悼誥贈爲山西布政使司右叅議蔭一子
人監讀書論曰顏杲卿之死祿山震耀千古詎
謂古今人不相及哉家珍一儒書生耳乃當舉

容城縣志

卷七

藝文上

五

世波靡之際獨標勁節奮不顧身轟轟烈烈以
死真國家節義第一人方之果卿洵堪伯仲
聖天子表國闡微息恤優渥不惟死者之忠魂得慰
而三者亦無不感恩靡盡矣

上徐少湖翁救荒書

楊繼盛 邑人

某以言得罪宜絕口不言天下之事但聞窮民病苦之狀若割心肺日夜憂思至廢寢食故有欲默而不能忍者而夫子抱能受言之量居能行言之位而某極荷相知又有可言之機寧容隱乎謹陳救荒愚見伏請尊裁城中餓殍死亡滿道人人驚惶似非太平景象夫京師之民各有身役常業何以頓至於此所死者皆外郡就食之人也蓋緣各處司民牧者無救荒之策之

容城縣志

卷七

藝文上

七

心而京師有捨米捨飯減價賣米之惠故皆聞風而來當其事者又不肯盡心鮮有實惠故每凍餓以至於死是以京師爲溝壑誘外郡之民而填之也救荒自有均平普徧之政何必煦煦然爲此小惠誘民以至於死乎莫若行令各處撫按有司作急賑濟然後出給告示諭以本處賑濟之故使各歸鄉里又將所捨之米預支二三十日以爲回家盤費之資則窮民有鄉井飽食之樂京師無死亡道路之慘矣連年豐稔止有此歲之餓一郡之粟止自以供一郡之食特

在上者區處之無其道耳官倉之粟可賑濟也亦可價賣也富室之粟可勸借也亦可責令減價糶也蓋官倉除備邊緊急不可動支外其餘有積至數十年將腐者合暫變賣收價到秋易新似爲兩便富室有積粟至千萬石者皆坐索高價以邀利故米價至於騰踊合依少定價裁抑之又嘗以禮獎勸借官給以帖到秋償還則米價自可日減窮民自反故鄉矣窮民既無處辦米或賣產傭工止可得錢今乃分爲等類定爲價數則錢法紛亂而民益告病矣夫錢法

容城縣志

卷七

藝文上

表

之行也或朝貴而暮賤或此處用而被處不用蓋有神以使之雖市人亦不知所以然也其可以官法定之乎爲今之計當爲權宜之術不分等類不問大小但責令折算通有其價數之多寡任從民便官府不得而與焉則錢法可通而商民俱便矣米價騰踊且甚一日今定爲官價似爲裁抑之術然在京師則有所不能行者蓋各舖戶之米俱貴價雖貴非官倉所賣家田內自獲今定爲輕價彼豈肯折其價且各處販米者一聞價輕孰肯再來外米不肯來內米不

肯糴不知將來至於何如也如定米價亦俟春
間販米至者多然後議之北地既荒全賴南米
之來使河道阻滯則來者遲延恐緩不濟事盜
賊甚多或搶掠一船則後者孰肯再來今宜行
令各河道官使開河之時先放米船行一遇壅
塞則遣官夫拽運一若轉運官糧然則米正月
中可到矣又行令各處地方官使嚴加巡捕防
守護送販者無失米之憂所來者必多矣南米
來者既多又憂米價之不減乎盜生於貧雖勢
所必至然荒年而至於盜起斯亦可憂矣聞各
處撫按分付各屬官令其普寬治盜之法其意
懼生變也以故各官於盜賊之獲俱姑息寬縱
之此端一開爲盜者衆貧者日至放肆富者日
不安生是民之爲盜雖起於年凶亦上之人有
以教之耳夫濟荒自有長策未聞教民爲盜以
救之也况漸不可長民不可逞恐隄防一撤紀
綱遂壞其變有不可勝言者宜行令各處撫按
有司使遇賊盜仍治之如法則禁盜乃所以止
盜而止盜正所以救荒也

與王都憲參贊西征書

李侃

七月廿四日天使過真定去河湟授以重職委以重任命總西征之戎此實皇上知人之明委任之當命下之日聞者莫不稱快僕亦私竊忻慰無量惟願尊親盡心盡力以答聖明之知可也雖然竊亦告焉夫兵者國之大事死生之地存亡之道不可不察也戰之一事吾夫子亦嘗慎之夫統數萬之卒驅之於白刃之下非養之有其素教之有其道豈可使之赴深溪與之俱死哉請試論之今日之師有能訓之以道令民

容城縣志

卷七

藝文上

半

與上同意可與之死可與之生而不畏危者乎有能以智信仁勇嚴御衆而士卒不敢犯令者乎是皆素無教養無紀律之兵一旦率之以禦強虜是猶驅羣羊而搏猛虎虜一衝突衆散奔走之不暇又奚敢有抗之者兵法曰強而避之又曰知彼知己勝乃不殆自古西北之虜難以戰勝故諸葛武侯嘗言西北之虜不可與戰不得已則莫若守邊守邊之道揀良將而任之訓銳士以禦之廣營田而實之設墩而待之候其虛而乘之因其衰而取之昔趙克國請擊先零

欲罷騎兵留屯田留田得十二利出兵失十二利之策反復論辨詔弗許之卒大破西虜以孔明之武備修舉充國之數經戰陣猶言不敢進兵而上守邊之策以今未練之兵而迎方銳之虜欲其取勝也難矣爲今之計莫若帥師至彼先駐劄於黃河之南以察其動靜然後求要害之處分兵守之或三營或四營擊虜兵遠去卽過黃河守其要害每一營屯一萬二千人深溝高壘示之以弱寇來勿與之戰然後教養士卒恤其饑寒均其勞苦行法令明賞罰喻之以忠

君親上之道教之以進退坐作之節一人可教十人以至十百千萬三軍之衆皆可教而知也仲尼曰以不教民戰是謂棄之又曰善人教民七年亦可以卽戎矣是知兵爲重事未可以輕易而進也然旣養之以恩教之以義知其可用挑選其敢有力之士及有力慣戰之馬每一營用三千騎爲營兵或利而誘之或亂而收之出其不意掩其無備則亦可以取勝若臨危而欲忿速必死無益於事哉兵法曰知慮女敵人開戶後知之者戰不克拒此用兵之妙也

又當取軍政須知選士之篇士卒之中有遇賊
爭先勇力出衆少壯疾走口辯機捷弓弩遠中
及有過犯頑狠不顧死生或精於天文地理醫
卜技藝或有深謀遠慮通變財貨糧草能爲雞
鳴狗盜潛探賊情者各分爲一徒以備任使又
必用五間以索賊情兵法曰五間俱起莫知其
道是謂神紀人君之寶也然此必須數月乃可
夫久暴師則國用不足必如趙克國之請留屯
田以待其敝而擊之此爲國家萬全之計然天
下安危在此一舉稍有不利虜若長驅爲患大

矣此皆總戎之所宜慎而不可以輕動也昔李
牧之守鴈門以備匈奴也惟養士卒不與之戰
如是數歲亦不大失匈奴以爲怯雖趙邊將亦
自以爲怯趙王怒使人代將出戰數不利趙懼
復請牧牧至如故約又數歲知士卒之可用知
匈奴之不備一出以爲大破匈奴殺十餘萬騎
其後匈奴不敢近鴈門城留田但備半年之糧
足勾三軍之用馬一萬以爲奇兵其餘馬匹
散於陝西州縣衛所軍民寄養以備調用則馬
一萬備半年之芻亦易於輪辦矣芻蕘之言或

有可採擇其一二入於高明多算之策白於少
司馬同年白公倘以爲可奏之於朝庶或見許
留田則於安邊之策亦少有助焉

敘學

劉因

性無不統心無不宰氣無不充人以是而生故材無不全矣其或不全非材之罪也學術之差品節之紊異端之害惑之也今之去古遠矣衆人之去聖人也下也幸而不亡者大聖大賢惠世之書出學之者以是性與是心與是氣卽書以求之習邪正之術明誠僞之辨分先後之品節不特爲行而固守謂其材之不能全吾不信也保下諸生從余學問有年矣而余梗於他故不能始卒成夫教育英才之樂故具爲陳讀書

容城縣志

卷七

藝文上

七

爲學之敘次庶不至於差且紊而敗其全材也先秦三代之書六經語孟爲大世變旣下風俗日壞學者與世俯仰莫之致力欲其材之全得乎三代之學大小之次第先後之品節雖有餘緒竟亦莫知道從惟當致力六經語孟耳世人往往以語孟爲問學之始而不知語孟爲聖賢之成終者所謂博學而詳說之將以反說約者也聖賢以是爲終學者以是爲始未說聖賢之詳遽說聖賢之約不亦背馳矣乎所謂顏狀未離於嬰孩高談已及於性命者也雖然句讀訓

詰不可不通惟當熟讀不可強解優游諷誦涵
泳胷中雖不明了以爲先入之主可也必欲明
之不鑿則惑耳六經既畢反而求之自得之矣
治六經必自詩始古之人十三誦詩蓋詩吟咏
性情感發志意中和之音在是焉人之不明血
氣蔽之耳詩能導性情而開血氣使切而長聞
歌誦之聲長而不失刺美之意雖有血氣焉得
而蔽也詩而後書所謂聖人之情見乎詞者也
卽詞以求情情可得矣血氣既開性情既得大
本立矣本立則可以徵夫用用莫大於禮三代

之禮廢矣見於今者漢儒所集之禮記周公所
著之周禮也三書旣治非春秋無以斷也春秋
以天道王法斷天下之事業也春秋旣治則聖
人之用見本諸詩以求其情本諸書以求其詞
本諸禮以求其節本諸春秋以求其斷然後以
詩書禮爲學之體春秋爲學之用一貫本末具
舉天下之理窮理窮而性盡矣窮理盡性以至
於命而後學夫易易也者聖人所以成終而成
始也學者於是用心焉是故詩書禮樂不明則
不可以學春秋五經不明則不可以學易夫不

知其粗者則其精者豈能知也邇者未盡則其遠者豈能盡也學者多好高務遠求名而遺實踰分而遠探躡等而力窮故入異學家異傳聖人之意晦而不明也六經自火於秦傳註於漢疏釋於唐議論於宋日起而日變學者亦當知其先後不以後之言而變吾之良知也近世學者往往舍傳註疏釋便讀諸儒之議論蓋不知議論之學自傳註疏釋出特更作正大高明之論耳傳註疏釋之於經十得其六七宋儒用力之勤削偽以真補其三四而備之也故必先傳

註而後疏釋疏釋而後議論始終原委推索究竟以己意體察爲之權衡折之於天理人情之至勿好新奇勿好僻異勿好詆訐勿生穿鑿平吾心易吾氣充周隱微無使虧欠若發強弩必當穿徹而中的若論罪囚棒棒見血而得情母慘劉母細碎母誕妄母臨深以爲高淵實昭曠闡朗懇惻然後爲得也六經旣治語孟旣精而後學史先立乎其大者小者弗能奪也胸中有六經語孟爲主彼廢興之迹不吾欺也如持平衡如懸明鏡輕重寢颺在吾目中學史亦有次

第古無經史之分詩書春秋皆史也因聖人刪定筆削立大經大典卽爲經也史之興自漢氏始先秦之書如左氏傳國語世本戰國策皆掇拾記錄無完書司馬遷大集羣書爲史記上下數千載亦云備矣然而議論或駁而不純取其純而舍其駁可也後世史記皆宗遷法大同而小異其創法立制纂承六經取三代之餘燼爲百世之準繩若遷者可爲史氏之良者也班固前漢史與遷不相上下其大原則出於遷而書少加密矣東漢史成於范華其人詭異好奇故

其書似之然論贊情狀有律亞於遷固自謂贊是吾文之奇作諸序論往往不減過秦則比擬太過三國陳壽所作任私意而好文奇功偉績往往削沒非裴松之小傳一代英偉之士遂爲壽所誣後世果有作者必嘗改作以正壽之罪奮昭烈之幽光破曹瞞之鬼賊千古一快也晉史成於李唐房杜諸人故獨歸美太宗耳繁蕪滋蔓誣談險詭鄙泄之事身動之甚失史體二國過於畧而晉書過於繁南北七代各有其書至唐李延壽總爲南北史遺詞記事頗爲得中

而其事蹟污穢雖欲文之而莫能文矣隋史成於唐興亡之際徼訐好惡有浮於言者唐史二舊書劉昫所作固未完備文不稱事而新書成於宋歐宋諸公雖云完備而文有作爲之意或過其實而議論純正非舊書之比也然學者先當舊而後新五代二書皆成於宋舊則薛居正新則歐陽子也新書一出前史皆廢所謂一洗凡馬空者也宋金史皆未成金史只有實錄宋事纂錄甚多而東都事畧最爲詳備是則前世之史也學者必讀全史歷代考之廢興之由邪

正之矣國體國勢制度文物坦然明白時以六經書要立論其間以試己意然後取溫公之通鑑史書之議論校其長短是非如是可謂之學史矣學者往往全史未見急於要名欲以爲談說之資背吻之備至於通鑑亦不全讀抄撮鈎節通鑑之大旨溫公之微意遂以廢沒其所以成就亦淺淺乎史旣治則讀前代史莊列陰符四書皆出一律雖云道家者流其理有至理存取其理而不取其寓可也素問一書雖云醫家者流三代先秦之要典也學者亦當致力係

姜蕢之書雖云兵家智術戰陳之事亦有名言不可棄也荀子議論過高好奇致有性惡之說然其三王霸之辨仁義之言不可廢也管子一書霸者之畧雖非王道亦當讀也管子雲太玄法言發孔孟遺意後世或有異論者以其有性善惡混之說劇秦美新之論享莽而篡漢韓子謂其文頗滯澁蘇子謂艱險之詞文膚淺之理而澠公甚雅重之以爲在孟荀之上或抑或揚莫適所定雖然取其詞而不取其術可也賈誼董仲舒劉向皆有書惜其猶有戰國縱橫之餘習

惟董子二策明白純正孟荀之亞非劉賈所企也文中子生於南北偏局之際隋政橫流之際而立教河汾作成將相之治可謂大儒矣其書成於門弟子董氏之徒故比擬時有太過遺詞發問甚似論語而其格言至論實漢儒所未道者亦孟荀氏之亞也韓子之書刪去靡麗李唐一代之元氣也則漢氏比隆矣其書斥佛老扶持周孔亦孟荀氏之亞也諸子之書宋興以來諸公之書周程張朱之性理邵雍之象數歐蘇司馬之經濟往往肩背漢唐

代尤當致力也孔子曰志於道據於德依於仁
矣藝亦不一不游也今之所謂藝美言之所謂
藝者不同禮樂射御書數古之所計也今人
雖致力亦不能世變使然耳今之所謂藝者
隨世變而下矣雖然不可不察也詩文字畫今
所謂藝亦當致力所以華國所以藻物所以飾
身無不存也學詩當以六藝爲本三百篇其至
者也三百篇之流降而爲詞賦離騷楚詞其至
者也詞賦本詩之一義秦漢而下賦遂專盛至
於三都兩京極矣然對偶屬韻不出乎詩之律

所謂源遠而木益分者也魏晉而降詩學日盛
曹劉陶謝其至者也隋唐而降詩學日變變而
得正李杜其至者也周宋而降詩學日弱弱
而後強歐蘇黃其至者也元明者不能三百
篇則曹劉陶謝不能曹劉陶謝則李杜韓不能
李杜韓則歐蘇黃而乃幼以唐之萎弱學溫李
之尖新擬盧仝之怪誕非所以爲詩也至於作
文六經之文尚矣不可企及也先秦古文可學
矣左氏國語之頓挫典麗國策之清刻華峭莊
周之雄辨穀梁之簡婉楚詞之幽博太史公之

疏峻漢而下其文可學矣賈誼之壯麗董仲舒
之充暢劉向之規格司馬相如之富麗楊子雲
之遠險班孟堅之宏雅魏而下陵夷至於李唐
其文可學矣韓文公之渾厚柳宗元之光潔張
燕公之高壯杜牧之之豪縟元次山之精約陳
子昂之古雅李華皇甫湜之溫粹元微之白樂
天之平易陸贄李德裕之開濟李唐而下陵夷
至於宋其文可學矣歐陽子之正大蘇允明之
老健王臨川之清新蘇子瞻之宏肆曾子固之
開闔司馬溫公之篤實下此而無學矣學者苟

能取諸家之長貫而一之以足乎己而不陷
槩束時出而時晦以爲有用之文則可以經緯
天地輝光日月也字畫之工拙先秦不以爲事
利斗篆隸正行草漢氏而下隨俗而變去古遠
而古意日衰魏晉以來其學始盛自天子大臣
至處士往往以能書名家變態百出法度備具
遂爲專門之學故宋高祖病不能書不足厭人
望劉穆之使放筆大書亦自過人一紙可三四
字其風俗所尚如此至於李唐學書愈衆字畫
於士夫固爲末技而衆人所尚不得不尚力學

者苟欲學之篆隸則先秦款識金石刻魏晉金
石刻唐以來李陽冰等所當學也正書當以篆
隸意爲本有篆隸意則自高古鍾太傅王右軍
顏平原蘇東坡其規矩準繩之大匠也歐率更
張長史李北海徐浩柳誠懸楊凝式蔡君謨米
芾黃魯直萃之以屬吾氣參之以肆吾博也雖
或不工亦不俗矣技至於不俗則亦已矣如是
而治經治史如是而讀諸子及宋興諸公書如
是而爲詩文如是而爲字畫大小長短淺深遲
速各底於成則可以爲君相可以爲將帥可以

致君爲堯舜可以措天下於泰山之安時不與
志用不與材則可以立德可以立言著書垂世
可以爲大儒不與草木其朽碌碌以偷生子子
以自存失天之至善壞已之全材也最哉諸生
毋替茲命

弔荆軻文

劉因

歲丙寅十月步自鎮州歷保定將歸北雄息肩於易水之上草枯水落寒風颭起登高四望慷慨懷古人莫測也風蕭蕭兮易水寒此非高漸離之歌乎荆軻與燕太子丹謀刺秦皇起非此地乎方其把臂成交豪飲燕上殿天白虹貫日亦一時之奇人也至若終古滅國奇謀不成飲恨而死獨非天意乎嗚呼何事乎吾想夫子之憤惋千載不散游魂於此古稱燕趙多感慨悲歌之

容城縣志

卷七

藝文上

九

士余不忍負此言也故投文以弔焉其辭曰稷文祚絕兮天驕卅麻六王猖狂兮繫首咸京席捲天下兮勢若縛嬰英魂膽落而求死兮膏鏹鏹之係腥脫身於商網兮寄命儒坑嗚呼吾子將何爲哉此何時兮不匿影而逃形慙一時之豢養兮遺千古之盜名逞匹夫之暴勇兮激萬乘之雄兵挾尺八之七首兮排九鼎之威靈死而傷勇兮雖死何成嗚呼吾子何其愚也相彼白帝之嗣兮豈燕秦之鬼囚阿房未灰兮驪山未秋走鹿未罷兮素羅未俘子亦何人兮敢與

天仇嗚呼太子兮豈無良謀招賢養士兮信義
是求胡爲嗾獨驕搏於菟兮不顧吞噬之憂召
公之廟不祀兮將誰之尤損燕士之竒節兮吾
爲子羞感霸業之遂墟兮悼昭王之不留仰蒼
天之茫茫兮寫我心之悠悠

正學書院會約

邑令 趙士麟

容城爲前賢劉靜修先生講學地厥後椒山公亦以理學名家兼著忠節當世若孫徵君皆倡道茲土後先輝耀不肯叨蒞此邦心切仰止自恨質庸識陋於學無窺然此心耿耿未能放下爰創正學書院集環邑之士而月一再會焉非曰登壇說法也令民牧且教化之司也簿書期會而外施施然泄泄然不肯之所不敢出若夫質疑訂學就正交修其本志也予惟正學之不明也久矣流俗之漸既深功利之乘易入聲色

貨利汨其內文章技能騁其外於是乎富貴則汲汲貧賤則戚戚得則喜失則憂窮則濫樂則淫更勢以相軋利以相鬥者比比也雖有豪傑之士亦鮮克振拔飲其毒而莫覺哀哉近世言學者談王說霸酌古準今高極於無始細入於無倫大者罩天地而濶者範三九矣徐視其履乃多不厭人心目足身口自相背而馳者又比比也蓋醜習旣久則被除爲難清淄旣深則澄濾不易勢使然耳今日正要清源正本首以去欲存理爲急次卽以躬行實踐爲先耑精於身

心性命之微敦篤乎親親長長之誼澄其心而
皦然不滓修諸身而確乎不拔徵之家庭而雍
雍翁翁推之民物而藹藹熙熙此則見之履者
卽其所語者也若以神理爲精日用爲粗比擬
卜度與自己生機何所干涉且如此會有堂上
坐者有堂下觀聽者揆以前賢滿街聖人之論
則此觀者未有不指我輩爲聖人自視爲愚夫
婦須知我輩當自視爲愚夫婦觀者盡是聖人
彼特行不著習不察不自知其爲聖人耳我輩
若悠悠忽忽虛過此生不得一安身立命真實

受用道理雖欲求其爲愚夫愚婦而不可得孟
子曰人之所以異於禽獸者幾希是可懼也蓋
我輩心機智深巧發幸中易汨其良彼輩樸魯
無識無知能全其天也彼輩草木衣食而外谿
壑易厭我輩聲華相高營營逐逐比於乞墻穿
窬者更可耻也功名富貴得之不得有命焉不
可倖而致也若自性自命人入固有求之卽在
聖人可學而至豈難事哉須將一切世情冷煖
好醜順逆全體放下尋着一條血路精神打併
歸一直做到底如登山者必極其巔溯河者必

窮其源令此方寸地光光明明一點無翳所謂
太陽一出魍魎自消富貴貧賤之間有無入而
不自得之趣視聽言動之際有觸處逢源之宜
出則發爲經綸以兼善天下處則蘊爲康濟以
先細民孔顏飲水簞瓢明道光風霽月身世之
內窮達之間泰如也此名教之樂雖黃金白璧
不易焉不肖不揣不類敬列會約十有二條於
左諸君每月縱有俗務相妨亦須破冗一會虛
心相愛共成遠大惟吾黨是望焉

辨學

士何學學以變化氣質求至於聖賢之道也自堯舜以迄周孔相傳自有正傳精而性命顯而倫紀仰而參天俯而法地內而誠正格致外而修齊治平本末體用無不備舉此正學也吾輩須擇天下第一學術舍是而功利已焉五霸以來陋也舍是而訓誥而識緯而九流而釋老已焉漢以來陋也舍是而詞章而科第之文已焉隋唐以來波蕩至今又陋也學有不同人品因之不可不辨

立志

學莫先於立志志不立則學鮮有成者有必爲聖人之志而後有求至於聖人之學先儒曰賢希聖聖希天孔子十五而志於學卽希天也故曰五十而知天命吾輩爲孔子徒旣擇天下第一學術卽須學天下第一等人志在詩人則亦詩人而已志在文人則亦文人而已志在功名與氣節則亦功名氣節之士而已若志在聖人爲天地立心爲生民立命爲往聖繼絕學爲萬世開太平凡此者非有神竒之術高遠不可企

之事也論本體愚人亦是生知論工夫聖人亦是學知我欲爲之斯爲之而已矣語曰取法乎上僅得乎中若又法乎下則將愈下念之哉
明性

性者何理是也理者何仁義禮智是也賦於人謂之性出於天謂之命元亨利貞是也道者何率性而行各有仁義禮智父子君臣夫婦長幼朋友之道是也至所以具天命之性全率性之道皆本於心故曰心統性情自孟子而後荀楊以來或以爲性惡或以爲善惡混或以爲性有

三品至宋諸大儒出謂性卽理斷然於有善而無惡然後闡發明白大著於天下後世至今庠序育材師儒講習粹然一出於堯舜禹湯文武周公孔子顏曾思孟之正絕口於漢唐異端駁雜之學者周程張朱諸君子之力也

正心

心者人之神明具衆理而應萬事自非朱子言之人鮮不以知覺爲心者人心之有正位寂然不動感而遂通正卽得其正位之謂也大學曰心體上難着力乃教人於心之發動處用功

有誠意一段功夫意竅於知知微乎物故又有致知格物兩段功夫其實一正心而自足若主宰得正還其虛靈之本體廓然大公則動於意自無不誠發於知自無不致微乎物自無不格發於目自無非禮之視發於耳自無非禮之聽發於口與四肢自無非禮之言動赤日當空羣晦自滅必然之理也董子曰正心以正朝廷正百官正萬民齊治均平不惑乎此此端本澄源之學一以貫之之道也

慎獨

孔門心法相傳惟曰慎獨獨者吾心靈明之體卽天命之性而率性之道所從出也慎獨而中和位育修齊治平天下之能事畢矣然獨體至微無所容力則嚴之於不睹不聞之地一真無妄敬肆之分人禽之別皆君子曰十目所視十手所指其嚴乎暗室屋漏之中凜然上帝臨汝一涉自欺萬惡淵淵若輩若錯過此關後來枉費氣力到底爲厭然之小人矣君子之所不可及者其惟人之所不見乎

躬行

世之訾理學者非僞則腐吾輩試一一查點當
天下國家之任果能有齊治均平之畧乎若猶
未也則不免於腐察衾影寤寐之中果能無愧
怍疚惡之事乎若猶未也則不免於僞往見譚
道者恒言本來無物矣而不免競刀。雖恒言萬
物一體矣而不免介眚毗豈非躬行不逮暗行
多虧者之徒喋喋於口哉孔曰觀行孟曰論世
此何以焉先儒云學者於理若有所見便須一
一與之踐履過故反身而誠則樂莫大蓋非徒
知之實允蹈之也顧端憲公學不苟自恕常言
不可不知

篤倫

父子之親君臣之義夫婦之別長幼之序朋友
之信五者天下之達道也而仁義禮智之五性
屬焉與生俱生個個繫屬何等關切信如君不
君臣不臣父不父子不子夫不夫婦不婦兄不
友弟不恭友不信則人道廢亂之所由生也先
儒曰五倫間有多少不盡分處孔子求於子臣
弟友四者之間而曰丘未能一蓋言不盡分處

多也吾輩安可不常懷不盡之心以求必盡之道倘大倫有虧雖文章妙今古鴻猷震寰中疚心多矣聖賢千言萬語學者許多窮理功夫茲會下許多講說皆爲這幾件要緊事若此處落空百無足數凡我同志循分自盡求其無忝可乎

改過

喜怒哀樂未發謂中中節謂和常中常和何過之有一有不中節處便有過有不及不及亦過也子曰小人之過也必文小人既知文過則是

容城縣志

卷七

藝文上

三

人有過未有不自知者何改者之難其人也顏子有不善未嘗不知知之未嘗復行上也亦有過而不自知者昔子路人告之以有過則喜吾輩此會正當要相規相勸以善補過虛心遜志察言觀色痛自懲艾改之又改過復無過若只皮面補綴彌縫雖工終陷於惡是謂過矣陸子曰涵養是主人翁省察是奴婢吾輩大畧俱是鈍根人請先爲其奴者須得訟過法將平日聲色貨利病根逐一查簡直用純灰三斗蕩滌肺腸於此露出靈明方好商量過端下落期與諸

君共勉之

虛受

謙受益滿招損時乃天道器虛則受實則不受
物之恒也一得寸長矜飾炫露高視濶步旁若
無人以此事君則不忠以此事父則不孝以此
求友則不益以此進學則無益幸而發科取
第才華聲譽籠罩一時終非大受之器也吾輩
須以大舜之舍己孔子之無我顏子之若無若
虛爲法冲然歛然勿效時流以文章渺同輩以
才技博虛聲以堂園之見而侈然自盈以井管

蓉城縣志

卷七

藝文上

三

之窺而訾然自是以此結果一生則善矣
讀經

易詩書禮樂春秋各爲一經心乃全經心之理
散見於六經謂六經一心可也堯舜禹湯文武
周孔一人可也以經求經而經亡不因祖龍之
煨燼而亡以心求經而經存不因簡冊之昭垂
而存故曰六經皆我註脚六經註我我註六經
求之精神血脉之微彰之出處措設之大庶幾
經以人存若工程式專訓詁蔽昧剽剽其去秦
火幾何哉

持久

天以恒而常覆地以恒而常載四時日月以恒而常運行人而有恒可以作聖無恒不可以作巫醫蓋此道知之非難行之爲難非暫行之難持久之爲難也學者往往以厭喜之心乘之或作或輟銳進速退故亦旋得旋失豈有望哉易曰天行健君子以自強不息詩曰學有緝熙於光明蓋言久也聖人亦無大過人者獨是久而不已至誠無息與天之於穆同歸遂覺絕千古孔子自十五至七十少而壯壯而老何時非學况在吾輩又何有哉一墮百墮前功盡棄良足惜也

申約

每月之會初二十六辰刻赴院一揖就位趁此日力討個身心性命着落處所勿浮談勿戲藝勿騁能心勿誇勝見茶畢虛心靜坐默對凝神然後啓請或誦所得或贊所疑或徵六經四子之言以爲折衷或答前人嘉言懿行以爲模楷議論稍有不同則平心順理以商之貴以意逆志爭在躬行勿爭在字句勿固執一偏之見以

求勝勿爲機鋒之語以混人說得來卽須行得
去方與自家身心有益子弟有願聽教者不妨
携至交觀法考鏡俾知向道則習心習見可破
除也繼吾後者當視此爲名教樂地按約舉行
庶幾此會之可永也



修城碑

沈塘邑人

正德壬申大盜齊彥明等起於益津所過城池完固者僅得免焉時容城不完至則劫庫縱囚焚縣廳搜富家金餉馬於倉廩官民之財殆盡及盜去淫雨壞城垣議者曰非賢令不能傾否爲泰也甲戌春三月前隆平令劉相復起赴銓部以侯能且廉乃請命尹茲邑以起廢也始至卽謁神登講堂考民風按歷城治喟然曰此吾之責也與衆議衆曰治之而已侯曰治之不重爾之困乎曰不治則日入於壞國益重侯曰然

吾將思之俄而都憲下令築城額曰官能措處民有助之者工完勒石以垂不朽侯欣然曰得之矣於是量役之大小事之輕重爲緩急先後初修聖廟修靜修祠創門匾復土神於縣治起官箴之碑樓其次學宮葺矣而開水道講地利也烈女舉矣而親爲樹門匾正民行也又其次修憲司修郵舍而最後縣廳吏室以及案牘公座之類皆復之此勞費少故先之至冬民盡役遂議城焉城完議池池完議橋又穴土而閉柵木而扉城初無樓櫓禦守之具乃議西門次北

門次南門包土以磚包門以鐵門之上爲樓重
簷彩桁高拱入雲而復建旌纛於城壁設金鼓
於門屏又恐民不知刺伐坐作之法乃出金易
民田若干畝爲習戎之所而親教以戰又易民
居若干尺以便城下馬道此勞費多故緩且後
也計城袤五千四百尺池同之高四十五尺池
之深半之城門之樓各三楹興於甲戌夏五月
成於丙子夏四月爲日六百九十所費惟灰與
博民之助者十二三餘皆侯措以處之者也今
縣治煥然而民安且樂侯其賢矣哉邑民感侯
之賢於其工之完也礪石囑予爲記予故記之
如是

重修城碑

郭存謙

雄邑人

金容去京都二百里而遙去陳西乳道各數十里而僻處其中編戶稍減他邑然土膏而舉其人務氣尚義有大國之風焉顧其城墉高不踰尋丈其巔纔可容足城之門僅樸樾橫上豈旬服錯繡之區而藩垣形勝不中規制如此識者咸謂恢崇之宜亟而前人未遑也歲壬子東萊徐侯至鉉以興除循城而嘆曰城已惡矣不穀實受命主之敢曰僻陋在茲夫孰以我爲虞毅然決策恢而崇之經始是歲攝提之月不再月

役竣於是容之里獻通草庭者四君子焉相與抵掌誦侯奏績之奇也余揖而問曰若邑有城旣卑旣薄今修也奚如僉曰高矣厚矣增而上者二丈五尺有咫擴而博者丈五尺有咫末覆以甃灌以白堊可無慮而潦之潰毀也余曰百雉備乎僉曰卑墮伍列森聳而堅授兵以登可隱數人余曰門如制乎設麗譙乎僉曰三門洞闢如券斯覆重樓飛棟狀如掉雲抑且濬池長堤綿亘余曰壯險哉然赴役之民亦稱勞乎僉曰毋勞也徭役在丁丁役百過則擾直官直民

力交相易也其誰言勞余曰然則費茲多矣將
加賦乎移公帑乎僉曰否否是侯節嗇之所贏
也勸公之所鼓也二三子在侯之宇下稍稍捐
輸贊厥盛舉而嚮風慕義素封之家無不量力
而効助侯謀工省成之外無可煩籌畫者而加
賦借帑爲哉語竟余忻然擊節曰美哉侯之成
城也費鉅而省功遠而速保障之利詎惟一時
饗之雖城有圯時而媿意芳猷留範來禩吾見
衛民之深仁將與容俱永也遂錄之爲修城記
侯名廷松號恒山山東掖縣人四君子爲光祿

丞宋君鳴世臨朐令陰君助徐溝令張君一奎
歲薦宋君鳴陽其餘俱列名於左

增修文廟學宮記

嘉靖十

王允修

邑人

容城縣志 卷七 藝文下 五
容城縣志 卷七 藝文下 五
王侯來守是邑所以養吾民者必盡厥心而
自孚於人古者歲以養吾民者必盡厥心而
久頽圯嗚呼其意善牧哉乃請諸上官一
撤而新之於斯詢度晨夜於達甫四闕月而告
成大成殿及明倫堂視舊益弘其規門廡齋厨
罔不大壯俎豆之事百爾俱備期速而功倍費
省而材良嗟夫先以養而重之以教侯蓋允克
子民者居無何吾邑鄉舉及登第者繼有其人

容城縣志

卷七

藝文下

五

士類之興有所於徵引而上焉明心滌欲忠君
孝親挈萬世之天理而力主張之使豐功嫖節
炳炳烺烺於旗常竹帛之上斯於朝家立學及
吾侯作新之意爲不孤矣侯名懋元字崇善遼
之義州衛人溫茂充敏蔚有風問若教諭董君
孟縉訓導邊君漢章典史譚君珮皆同事而贊
厥成者得連書之

重修學宮碑

劉元震 任邱人

皇澤翔洽建首善由國都始容距都餘二百里
而土其言善地也今上御宇以學校興廢治忽
悠闊詔所司責屬學宮勸學修禮以覃文德而
風四方著在功令德意甚盛顧俗吏淺聞靡能
究宜第得書其會萬歷丁丑絳州張侯與行
來至本邑用經術飭吏事務孳孳得三賦其於
教化尤重一日周眎廟學頌其德而謂之二邑
博雅君奉章趙君軒謂之曰夫容也於圻甸爲
望邑聖天子方登闕化理通經綴文之士莫不

虛心而祇承迺吏茲土者將以作新其人而廟
學弗稱瞻仰之誠以爲之憂也夫容也於圻甸爲
沐者必歸之於此也夫容也於圻甸爲
何如邑博二君曰是定議規畫鳩工庀
材以充其舉八月庚子始其事以爲之
則拓其殿宇以爲之
經始越八月而始其事以爲之
建之奕奕乎改觀矣邑博二君聚諸生謀曰風
霧集則虎豹變雲水合而蛟螭騰惟茲學之旣
新也嘗落成釋菜之時雍容講習之際文物彬

蔚士人無弗思爭自灑濯斐然嚮風者要有所
自斯其德施於容甚厚引而竣之範乎來茲斯
其有功於容甚遠且是役也貲費悉出薦紳衣
冠復其身之家相與扶義以襄事上無損公藏
下不煩里旅不亦美乎察焉可闕弗紀矣因告
之張侯而以余典筆札之任余故錄其始終而
爲之記

文廟重闢甬道碑

杜越定興邑人

聖人之道昭融廣大配天無極而一本於取舍
進退常變關頭誠欲令此心矚然不滓爲仁體
世儒委委却流分疏原心杪忽較理分寸立說
愈精愈滋擔板於聖人之堂與奚當諸箋疏不
敢論直截痛快則自姚江外余邑鹿奉常師說
書最爲活現箋富貴貧賤則曰咬折精緻活掙
箇君子出來又進之志士章爲喝破人生大事
而仁字光燄倍出以鐵肩磨冰肝腑洗發真面
目宣聖堂矣若得其大卽子輿願學特標其指

於廣居正位大道而揭義禮爲門路以此觀宣
聖堂奧路徑固不在數宮墻明矣然士民習禮
家誅茅數楹躬灑掃妥先靈豈明禮重地反隣
偏仄何能趨踰聞也文廟崇於天下尊嚴厥謬
歷代帝王所加飭容邑櫺星門獨偏屏壁同趾
許官師生儒悃悃瞻仰會邑侯馮公下車入謁
愾然思創闢旣修學宮設義學已具成績此獨
以重大稍遲之或有難者聖道昭融廣大無論
堂奧矧甬道東南隔楊忠愍公祠僅一堦神路
遮而西忠裔炳炳文獻裁酌何居侯曰不然所

稱聖人關頭固於富貴貧賤造次顛沛以及志士成仁爲極然則忠臣孝子聖門嫡派而淵廟基以妥先聖慰人心正所以慰忠魂於霄漢且不日謂之立可因廟基而展乎議定乃先葺祠之於廟之左廟有加遂易別地直兩甬道而南得若干步迤西屬以重垣仍金碧德配天地道貫古今兩華表於櫺星門側將將矣噲噲矣是役也侯洎師紳儒氓各蠲金有差較前費更浩大獨計役不難於貲力特兩典並峙而修葺創闢次第條畫苦心人謂侯是何等擔荷或歸揮霍

以才堅定以識余獨歸諸成大凡任事之氣惟誠則心血迸注不疑不沮而才識生百餘年克藏陳事其美豈幾倖也歟役起丁巳某月日旣竣乃介胡封君孫明府李孝廉問礮石之文於杜子杜子曰聖人大而化易言哉雖然凡從事聖人皆聖人之徒也卽侯直行其本心而諸君子左右者是且忠愍祠矣西偏不百武巋然靜修廟貌而徵君孫孝子沒未期郡邑鄉賢並祀專祠可卜尺地孕何靈異理學忠孝接踵今多士猶樞樞篤行孝義孰非從此心安處證聖

謂仁字關頭非歟昭融廣大益覘聖道於無極
爰不辭草野而爲之記

重修北張村孔子廟碑

魏士昆人

容邑西去城十二里北張村東南隅有孔子廟大殿三楹魁樓一座舊傳創自元至正年間迄今數百年廟貌頽甚里人李五桂等慨然捐資重葺之功成索記於余前議祀典余曰文廟之設非神州赤縣不得與焉蓋尊之也斯鄉俎豆之設似與禮不符然先民既創之於前而茲顧廢毀之不敬又孰大焉昔靜修劉先生館高林村舊有孔子廟里人請議祀典先生因而叙之且以勒石蓋以廟爲神靈之所憑既有廟卽不可以不祀既舉祀卽不可以不誠今日諸公之舉潔其志備其物盡其禮固盛善也卽勒石以倣高林之舊制亦無不可衆曰諾因以立碣是爲記

勅建靜修祠碑

楊俊民 濬川

道統肇於羲軒而極盛於文武乃若周召同爲
文王之子則皆見而知之國風首列二南之化
其德固無優劣也周公封於魯傳五百餘歲而
孔子生於其地又未百年而孟子生於此邑是
知天道自西而東也明矣召公封於燕由有國
而下歷二千餘歲而無一人可方孟氏者韓嬰
盧植劉蕢輩章句辭華之流不足多也山川完
固之氣不過泄爲豪俠之助豈地靈清秘必待
天道之歸而興賢耶聖元立極朔方之四十四

容城縣志

卷七

藝文下

七

年爲歲己酉而靜修先生起燕之容城人品英
邁不下孟子是召公之國生賢雖出後世原始
要終抗衡東魯實賴先生而增重非近代諸子
所可擬也自其將生已有異兆旣誕而神彩炯
然甫成童進學之敏一日千里初爲經學究訓
誥疏釋之說輒驚嘆曰聖人精義殆不止此旣
得周程張邵朱呂之書一見能發其微曰我固
謂當有是也及評其學之所長而曰邵至大也
周至精也程至正也朱子極其大盡其精而貫
之以正也是時先生年方弱冠而其造詣如此

蓋間世之才上達之學天成自得振古之豪傑也平昔極罕許可一聞忠孝節義發揚蹈厲若自己出偶及王維馮道輩唾罵百至怒猶未解太山巖巖不足爲高秋霜烈烈不足爲嚴仰止風猷邈乎不可及也裕皇育德春宮詔起先生爲贊善大夫未幾歸侍母疾世皇復以集賢學士召謝病不起天下咸高其操至今稱道不衰惜乎起手足之日年纔四十有五天不欲斯文與耶何奪先生之速也近年學者追述範世之功請列從祀累章不報議者謂於經無所著述

嗟夫先生詩文無非陸籍箋註惟善讀者知之先師子安子曰吾每閱一過於經必有新得彼第以詩文視之何啻千里初謚文靖後欲改如許文正之例執政者曰渠安得儕許渠務獨善者爾是烏知先生之志者哉欽惟世皇聖慮深遠徵先生翊儲君蓋欲他日相須猶向之用許公也誠得裕皇嗣臨大寶先生天假以年君臣都俞道合言從必能致王道之雍熙還風俗之淳厚俾儒者之效大白於天下不但學者依歸而已奈何事與願違雖善無徵徒貽獨善之謂

豈非天平墓在容城溝市里縣大夫賈侯葬以
集賢侍講學士蘇公天爵之文表其上里故有
祠侯加崇飭徵記俊民俊民辭以道大難名伴
來數四期以必得恭惟先生既終之五年俊民
始生稍長學於先師先師卽先生私淑之徒侯
之先府君執經先生函丈侯能推庭訓之本以
圖報德俊民顧不可究師承所自以致力乎侯
與俊民間學旣出一源登科又爲同年故初讓
而竟諾恐負在三之義有孤賢侯之望謹摭管
見以爲祠記族系贈爵具載於表字諱稱號人
所共知不書戒瀆也至正戊子六月丙寅朔記

重葺靜修祠暨配祀諸賢始末碑 邑人 孫奇逢

先生之祠在吾邑者有二邑祠奉旨專額蒸嘗備矣一在溝市墓傍昔年建約同志創成者也邑祠修葺者屢今復增入配享九人合而新之逢樵寄蘇門胡君或過而傳記其顛末逢先生鄉後學也私淑有日竊負結異代之知嘗聞人言元有三儒耶律晉卿之諫殺許平仲之興學劉靜修之不仕三人而已又言伯夷薄周食首陽之薇而死管寧盜視曹氏迄不受爵靜修劉子辭元人之召夫所謂不仕元者非謂以宋人

不仕元之足嘉蓋謂以元人不仕元之更足嘉也自中夏陷於金百年而後元河北爲金元域而先生之先世爲金元人其仕宦於金元者已久先生於宋無故主故土之謹卽仕亦未傷義百世後以不仕元高先生以先生爲有宋孤臣也至以渡江賦爲幸宋之亡謂先生無篤念故國之意失先生之心矣悠悠之口傳流海內浮議未清劉宗伯愷已言其槩余有渡江賦辯惜言輕不足取信於後之君子也許平仲家單懷單懷地隸金元與先生輩同應召過先生商出

處先生曰公不出則道不行余亦出則道不尊
是其所處之義爲何如程朱之學禁於宋而元
興之儒者之道滅於金而元起之先生以行道
推許子而以尊道自任隱然係斯世斯民之重
豈大言而無當者乎許子問伐宋則不對先生
渡江賦爲宋求自固之策先生實有深心而其
情更苦耳王景畧不忍滅晉而謂先生幸宋之
亡乎先生研精聖典發揮大道聲之爲詩綴之
成文其詞如西山之賦其誼祖春秋之旨惜其
四書精義三十卷不天遺失而俎豆之典缺焉

未備豈謂世不遠以天下無真儒耶或曰
許子身行道不生暫出卽歸終於高蹈令
澤不被於不不知其不可也先生以處士
召是以名不爲食焉爾是故危邦亂世任
道則行不焉可也尊德則就具臣則避
焉可也先生身在運會之中道超運會之外謹
跡之士猶以贊善大夫一出謂有三分遺恨使
先生而果宋人也者則律之誠是矣先生清而
通和而介在聖門則閔子在宥儒則伯淳是惟
可與知者道耳先生旣不仕故得殫力於師友

之間而英才之成就甚多稽其人日與把臂行吟則有梁至剛者肥遯自甘嗜學不厭先生嘗爲南溪老人行贈之其及門追隨羽翼斯道者則有梁師恭以經行見徵侍講弟師安建廟立學廣敷師訓王綱至孝性成居喪哀毀滅性先生哭以詩復銘其墓劉英梁泰李蒙王果李貞皆負笈從游爲建書院於三台人各有道學足相成初曾繪像於兩廡與先生共享蒸嘗不謂世遠年湮遺像旣失俎豆遂廢弔古者有餘恫焉閭邑鄉紳梁炳等閭學諸生劉濯纓等合詞

而請於令君靳公台彥爲復此祀典也豈苟焉而已哉先是先生墓祠成同人考之誌記有元五經進士胡炳南屢徵不仕隱易水林尖山當時有楊李毛焦胡燕山五丈夫之稱元賜配享靜修厥典久廢公舉復祀又有監丞李仲處士張紹烈屢疏爲先生請祀孔廟得旨建祠厥功大矣僉議配享諸大夫曰可今此數公者親承教旨道合於先生有功於先生後進者登堂而親炙者入室烏足安先生之靈而慰九人者之精英耶先生元人也不仕元則元不得而有之

雷溪之濱先生之洙泗也三台之里先生之杏
壇也昔人謂元有三儒予謂惟先生一人而已
廉頑立懦伯夷比清而繩床木榻爲天子不召
之臣繼往開來先生過幼安遠矣是役也賢令
君主持其事邑博丁君耀亢張君燮暨紳衿贊
襄共成而始終拮据以倡其議者胡君彧也

忠愍公祠堂碑

汪宗伊

國於天地與有立焉寧獨其法制具哉蓋必有忠貞敢諫之臣能濟主闇推權奸力圖公室之安卽九殞之不爲回向易慮以成其義若是者蓋古今賴之當世廟時忠愍楊公以車駕員外郎疏折仇鸞謫狄道典史亡何鸞敗世廟心內直公一歲四遷至武選員外時嚴嵩方憑寵恣睢竄朝政公疏其十罪五奸復逮錦衣衛獄竟從吏訊赴西市嗟嗟以公之才其卓犖閎偉無論其他卽太乙壬奇堪輿兵陣諸家書亦

皆綜習能用之居嘗議天下事亶亶若泉注其論謫賜環後藉令以世俗爲心卽隱忍就列可立取通顯乃身再詔獄斷指節出脛骨繼以割膚擢筋流血數升將卒猶賦詩見志非天植其忠能然哉後竟以世廟遺詔贈貳奉常蔭子賜祠額曰旌忠祠建於邑庠之左捐資者則督撫劉應節孫丕揚督學傅孟春賀一桂兵憲高文薦王埏徐學古郡守劉泮賈仁元迄今王德新張與行相繼成之云

忠愍公墓祠碑

張鳳翔

容城縣楊忠愍公在嘉靖之季以論劾奸相嚴
嵩遭害素堊定興縣東引村至隆慶元年遵肅
皇帝遺詔贈官賜謚予祭錄蔭又錫祠於保定
府額曰旌忠而後公之寃始白至今皇帝天啟
三年俞臣翔之請予公諭葬蓋追大行肅皇帝
顯皇帝所欲予而未及予者而後朝廷所以恤
公之典始備然東引村墓距直道尚三里許獨
墓碑在道側凡往來其下者率徘徊欷歔而不
能去天啟四年夏翔被召入爲少司馬濱行與

定興令王君永吉謀卽碑所建墓祠塑公像以
便瞻拜憑弔與保定之旌忠者相望而後民間
所以風公之烈始久蓋予聞之故老公死踰時
肅皇帝尚惓惓問公獄欲釋而用之方知相嵩
附公名他獄辭以陷於死從此遂燭嵩奸而鄒
公應龍林公亦得繼奏甚力則公一死不惟無
損於肅皇帝日月之明且益增嘉靖中興之績
古云殺其身有益於君則爲之也而後
之爲公惜者或謂身非言言不爲忠或謂公
才兼律歷兵戎主眷方隆圖報何所不宜僅以

言死或謂語引二王開奸人以羅織之釁夫其
時言路皆奸黨也公安得勿言害無大於嵩公
何惜一死且奸人設穽奚患無辭以嵩世蕃賊
虐而翼以胡植鄢懋卿何鰲王學益曹天佑李
天榮劉慣輩公卽不辭及三王豈無所以死公
者此皆以身名與君父較重輕揣利害安足與
知公之心哉迄今七十餘年而人心之思慕者
如一日吾知公有功於千百世不死之人心矣
當時不避患難周旋公者都御史王公遴大司
寇王公世貞比部郎史公朝賓邱公秉文應公
明首請錄公忠者冢宰楊公溥請謚公者御史
陳公瓚請祠公保定者御史郝公杰題公墓道
碑者冢宰孫公丕揚今捨地爲公祠基者邑孝
廉范子士梅而畢力建祠費不煩民役不稽時
昭往勸來助流教化者邑令王公永吉也此其
人姓名皆當與公俱不朽凡公墓祠規制始竣
年月詳具王令公所自爲記中若其廟貌嚴翼
肅然興起則予異日尙當趨拜而弔賦焉

楊忠愍公祀田碑

贈太常少卿楊忠愍公丹誠直節炳耀古今自我

世祖章皇帝親製鴻文勒碑祠內顏曰表忠勅有司春秋致祭崇報之典蓋綦隆矣公祠凡五一在保定郡治列於祀典卽順治年所立

御碑處也一在郡城西關一在定興河陽渡一在容城縣治一在縣屬北河照村余巡部所至每登堂肅拜進公之後昆而存省之念其蒸嘗之難備物也爰檢河壩新墾得永清縣秉教村地六

容城縣志

卷七

藝文下

三

頃益以安州新安白洋淀地三頃官爲勘明界址藉其租入畀公孫楊曰楠等世守勿替以共五祠之祭祀並以所餘贍其饘鬻庶幾名節之後秀者橫經講業克誦先芬魯者負耒服疇亦得勉爲孝弟力田之士是則余之所尤跂望者夫容城爲公之故里邑令郭成峻構碑材請記於余爲書其緣起如此至其地畝之界租息之數並五祠之奉祀者之各有主名均令載之碑陰俾來者有考焉

乾隆二十四年初春

太子太保直隸總督右都御史桐城方觀承

容城縣志

卷七

藝文上

又三二

張徐二公生祠碑

鹿善繼 定興

去思者既去而思之也邑令之權境以內無不
得爲當其未去稱黃引龔恨不盡達令君之耳
去之日民無德而稱焉疇昔雷轟電擊之威至
此毫無所用蓋民爲政之時也至今令之權有所
不能到而令之品乃見張公冷容五載遷滄州
守去者徐公僅三載丁外艱去容之士民歌思
不忘合而祠之余以接壤竊聞其意蓋容至張
公始有天地云初經界不明併兼逞志公躬循
阡陌籍四至定三壤摘隱占者痛繩之百年迷

容城縣志

卷七

藝文下

三

不可尋之緒一旦井如也獲貳詭寄軍籍以避
力役悉爲釐正戶有不均漸成偏累提衡而哀
益之丁糧大減徭役頓平矣審編自爲簡覈不
用里書亦不拘成例容之賦役一一踰實卽童
子承糧莫之或欺不寧唯是大猾某某等鈎結
盤據魚肉里中勢併足以撼令公決策剪除卽
遠遁混跡輒偵得其處片檄逮至無能逃死者
又廉得黠吏某某舞文狀傳爰書竄之大奸旣
去闖闖清明至今談者猶起舞也容卽徧小邨
落謠俗子弟暴賴不知何緣盡入記識質訟至

庭叅素行決之警顧懼伏退求自新若家家日
有一張公至者精察中寓教化矣至於新孔廟
作人文增俎豆之光生賢書之色微公不及此
士民德公甚虞其持奸人太急或爲所中而公
素操取信於上下竟遷去譏公之徵糧者照市
價平收不言耗文憑大戶支解不問羨以是寬
民卽以是潔已媒孽莫乘有以夫公去三十年
而得徐公其持已之廉馭下之嚴察奸之明大
類張公下車未幾不逞者斂爪且徙他境尤可
異者白溝店分屬兩邑橫鶩少年不敢越容屬

一步卽比屋若天塹父老感泣謂張公威儀不
圖再見是時容之剗剗耗散尤急在生息公體
恤曲折無微不入不愛民一錢又不欲民妄費
一錢也行戶舊苦官價公悉照時估優免濫觴
極矣查革而均攤之一日而歌息肩者徹四境
自公至青衣使絕跡於鄉徵糧不用里長第先
爲期造木偶象隸責付後期者除自完外并合
戶催完始釋之轉責其當付者家家虞木偶之
至爭如期完里長旣無所用復并書手革之以
寫算任吏而侵欺科歛兩弊頓洗歲之不易積

谷七百石半價平糶復買百牛以助不能耕者
當其時飢民洶洶思亂各處俱以一日搶集若
有期會獨容安堵則公之靈也城大圯實難再
仍公不動里甲而新之偉麗如畫是役也非心
計如公而加派而肩破而賣放未增城之一毫
地無皮矣他如折橫瑄懲邪說旌節孝重興繼
干城名教尤復不淺是時政聲流行三輔有力
者爭欲得之曾擬調固安兩監司意各有屬不
果既而撫按調公新城議達部矣容人大駭奔
訴觀察涕泣請留觀察意動方沉吟間而公以

憂歸聞新城士民方延頸待公願緩須臾之死
而荷役豪舉者相率退以避公既知公憂乃復
進以此思公公可知已容人聚族而謀曰吾儕
即不知仁義亦必以饗其利者爲有德當張公
時天開日霽非大創不爲功至徐公潤瘁榮枯
更覺良工心苦爾兩公去矣德之在人豈與俱
去且因去彌思因共出力以伸尸祝之願相地
鳩材命工推孫茂才奇儒王茂才斌董其事兩
茂才私計所不悅於兩公者獨衙以內其或衙
以外必無行誼之尤者耳一日有藍纒數輩狀

如傳徒過而請曰向數爲公難而時五袴今誰
難我者而無襦小人今乃知恩願効一日之殺
復有數青衣叩公像而出曹偶相謂按察且夕
到何似公在時坦腹往無患兩茂才爲之悽然
因知事後思君子無論人善惡衙內外也此無
論兩公今日之權所不能到卽當日之意亦豈
萬有一及乎兩公於容一無所得而得其思民
之自爲政而不肯輕以與人者不能不以與兩
公容人所與其諸異乎人之與兩公所得其諸
異乎人之得歟丈夫生世讀聖賢書作父母官

如兩公可以無憾矣猶最奇者張公去久容不
知其無恙請祀名宦旣祀而有遇絳人於燕市
者談公善飯也卽徐公採容人之議請祀張公
亦以爲易世而尙友今乃同世而并棲於一堂
是皆非人之所能爲也天也然更有說焉旣去
而思誠爲今之所以見品而吁衙當世不營
構敢一一問哉孫孝廉奇逢持建祀議一以觀
察解公曰敝邑雖小從來無不情之吏勸味斯
言也覺余去思見品之說猶泛也張公諱與行
山西絳州人徐公諱廷松山東掖縣人

正學書院碑

學士 崔蔚林 新安

容城前有劉靜修後有楊忠愍兩先生節烈俱足風厲百世今徵君孫先生復接濂洛之傳爲海內儒人師表雖浮家淇水倡道蘇門而容邑一席地固歸然靈光在焉邑侯趙公以滇中名進士來蒞茲邑入祠必敬過盧必式治垂五載正身格物吏畏民懷一日慨然曰人生而蒙長無師友則愚余旣職任師帥而承流宣化無聞懼無以報稱服官之意於是集邑之學士大夫及耆民俊秀於明倫堂月凡再會因人心之固

容城縣志

卷七

藝文下

三

有發天命之本然反復開導切實明白不期年而士民蒸蒸羣爲鼓舞蓋登高之呼所由然也已而念明倫堂實有專司非宰官臯比談經學士藏修游息之所次以規久遠又苦清俸無餘會邑中貴人等捐旋里捐橐金數百於治東左次置大區門宇堂廊規模閎整因奉趙公講學於其中清遠素慷慨意氣充樂接賢士大夫助其所爲好善惡惡蓋亦巷伯孟子之倫維是淫祠梵宇棖桷連雲媚福徼利之私中於人之心髓而莫之能解也非一日矣而清

遠獨知崇敬正學助宣名教毅然揮金於不報
之地可不謂卓然拔俗見義必爲者乎趙公用
是大篇經紀修之廊之丹之護之榜爲正學書
院龕宣聖於中旁垂諸子像顏其堂曰敬一又
做胡文昭公遺意署經義治事兩齋諸鄉先生
服教樂義將貞珉以誌不朽走書請余一言記
其事余乃爰筆曰諸先生亦知公以正學命名
之意乎民受天地之中以生所謂性也中含五
德達爲五倫聖人欲人盡五倫以全五德爰立
五教五教修而五倫盡矣五倫盡而五德立矣

五德立而五行序矣聖人修己治人之道參贊
位育之功端不外此乃異端熾而正學晦於是
有隱怪之學以鳴高有刑名之學以規利有記
誦之學以誇博有詞賦之學以炫才邀譽間有
自命爲讀書窮理從事於身心性命者則又多
硜硜自是執罔鮮通又或色取行違高自位置
陽假講學倡道之名陰以求遂其富貴利達之
志嗚呼此與於異端曲學之甚者也諸先生及
多士素沐靜修忠愍之風且親炙敬君先生之
教固皆深明正學之義者今又得公提撕倡導

共澄淵源從此窮六經之指歸掃諸儒之同異
本之敬一以定其志肆之經義治事以厚其德
而瞻其才則是院也恢闔而嗣續之雖與白鹿
鷺湖並存天壤可也後之蒞茲土者尙其永念
前徽聿勤後效無使趙侯父母師保之心與清
遠樂善尙義之舉委諸草莽也哉是爲記

徵君先生故里北城村優免差役碑

許式玉

先生學貫天人道宗洙泗致知啟入道之門主
敬爲持身之要著作廣多髦勤不倦玉每心切
嚮往壬申冬由明通領容庠司諭及謁祠致奠
見門墻巖肅殿宇巍崇詢其後裔曰建自康熙
十九年邑侯孟公與本邑劉文靖公楊忠愍公
祠並列爲三乾隆十二年邑侯程公爲置祭田
二十四欵嗚呼先生之德積久彌光兩賢侯欽
崇之念踵事遞增固已足以安神靈而綿俎豆

容城縣志

卷七

藝文下

三

矣今劉公以黔南碩彥繼踵循良於徵君先生
尤所欽服適閭邑紳士以楊兩公故里雜役
皆免請徵君先生所居之北城村亦仿此例公
慨允之衆請勒石而屬文於余余謂此舉較前
兩侯之崇奉其感人爲尤甚焉夫立祠置地所
奉者一人而闔里得免差役不惟桑梓受其惠
卽異方聞之亦將興起曰聖學之風其感人心
也如是理學之德其庇里非也如是罔弗爭自
刻勵共相勸勉深究天人之旨秘契性命之微
而且砥節修行發爲文章則實學發爲政事則

實心與先生廬墓之孝釀金之義探極圖書闡
揚經旨先後輝映則上接洙泗之統下紹濂洛
之嶽者又不知幾多賢哲矣因不揣固陋而爲
之記

元

奧公去思碑

邑令 賈 夔 房山人

用賢養民三代盛矣降至秦漢雖曰霸王之道
雜然於守令必爲遴選蓋休戚所係莫近於斯
而圖治責成不爲不重也皇元混一區夏建官
立極布列內外共恭天職期於得人至其簡司
六事尤致慎焉涵濡百載循吏日著有奧屯侯
者亦可徵矣侯女真人初膺授安東州同知改
君容城下車之再載蝗災禾稼民多闕食侯力
請於上獲寶鈔一千錠以賑濟之賴以全活免

於流移者甚衆繼遇天旱露頂跣行三十里禱
於龍潭翌日雷雨滂沛原田周洽民爲刻石以
彰感應侯益謙退務修人事而不敢有功恒輕
減公田所收以優贍百姓之不足勸農行野未
嘗勞擾及民輯睦同寅而歡洽遠達於隣境下
至俗吏莫不待以恩禮焉憲司路府每循至縣
必加稱獎侯去位四年三月自林來守是邑未
幾士民王從善輩合辭請曰有善必揚無德不
報德化如侯而可忘耶久欲樹碑數或有待願
文其實而示勸不朽也嗚呼禮義刑罰爲治雖

不可偏廢而輕重本末詎弗殊科或謂此功運
而彼効速致逆施以拂民心苟聞此風亦可以
愧矣侯本遼東右族高大父扎魯立功金源封
黑峯王天兵起朔方曾祖相溫識達時變以德
興守都元帥來歸承賜編戶養老中山因而家
焉祖考布魯終澧州路總管通議大夫禮部尙
書車騎尉恒山貞憲侯侯雖習奢貴而克抑損
雅好讀書輕財愛士推其蘊藉將何往而不能
歎今遷懷寧而此民追頌彌切使人奮勵願企
芳塵第慮素非所長亦未免於汗顏耳至若儲
材有方審賢有術必致天下之民牧皆侯輩則
其職責當有所歸焉殆非疎遠有司敢詳議也
侯名羸字彥高跡其行能固可述而士民所爲
尤可嘉旣爲潤色來狀而復係以詩

明

謝公去思碑

少卿李旻

披列事功載之金石曰碑碑以去思名示不忍志不忘也繫有縣則有長以受之曰大夫也長容城者遷拔告寧計今將幾大夫矣間多任交承如過客聞送御而疾首也謝大夫受容城幾兩考成政通譽流當路者旌其賢能有山東濟南二守之命也吏奉檄百姓稽首佐二師生躋堂爲禮慄不墮淚而躑躅也昉嚴駕引裾者籲天者擁馬以泣者抱膝不起者愚至婦孺僉失

容城縣志

卷七

藝文下

七

我父母也曰若受縣來謂學宮爲報本右文之地自殿堂以及廊廡齋居櫺星之門先賢之祠皆鞏以完雕峻丹堊帷幙器用悉飭而具於是貌益嚴而道重學益隆而氣新也若城池若神宇若憲臺與夫更鼓之樓儲蓄之廩橋梁道路傾者立衰者正隘者豁庫者繕固次第以時無闕畧也民有田廬有桑雖祁寒而無身不衣之民雨雪而無突不烟之家也障殺水患平理馬政畫積糧草惟均力役縣無廢事人無後言也匪直哀此惇獨而已布肉以快其生材木以安

其死也不染不矜不苛察不姑息敦行信義使人自効也故能剔決煩冗善處官僚疇昔狡黠之吏竄玩法之民遠也斯民常產沒於豪右者踰數千頃力能歸之囊橐不行而貴戚斂手也摘伏不以術而姦盜服旱不行禱而歲恒稔蝗不災也大小士民咸戴實德今大夫不可留而情以有不忍德則不能忘也爭先樹石爲記以張本遠大而昭示無窮同懷舉人沈塘狀奔告於不穀按大夫名璽字宗玉世爲鳳陽府壽州人曾大父以武功爲太原鎮武衛所鎮撫遂衍

派於此以詩經中山西鄉試式爲成化歲辛卯蒙賜進士則弘治歲庚戌也壬子授蒲臺美大修明之政優優在人不一報而奔父喪也蒲臺有衆泣留無方禫而從吉以謁選繼授容城時則歲丁巳也今之庶績都凡類蒲臺往而觸物與風聞聲泣下蒲臺之情決不異於容城也况今蒲臺隸濟而福星再臨今且喜矣於戲不有召伯何以遺甘棠之歌不有羊叔子何以墮峴碑之淚先民有言善不由外來名不可以虛作也卽其實而述之則求者非偏私而記者非浮

溢也

容城縣志

卷七

藝文下

美

劉公去思碑

宋 牙邑人

萬歷癸未春三月侯蒞容以來百廢俱興政通
民和賢能卓異薦舉頻仍甲申秋八月聖天子
欲大其用特轉雄順啟行時閭縣父老等無計
挽留遮道流涕戚然弗捨去後戚相告曰侯未
去也吾儕雖不食而飽今去矣吾儕雖有衣而
寒思何能慰盍捐貲焉建碑於縣治大門之左
以昭永思遂狀侯遺愛敬持狀來請記其狀曰
侯清廉天植平易近民不苛察不瑣屑我等不
能文莫能名狀大畧省刑罰而蘇民生字催科

而紓民力節供億而恤里甲勤檢閱以儲戎馬
嚴訪緝以清鹺法重學校以勵士氣協濟之苦
申請蠲之疑獄申請寬之澤及枯骨冤枉伸之
以至出行前呵也雞豕不咎我畜以蕃糞壤不
責我禾以粟仁愛周窮困剛毅定糾分明以燭
隱斷以剖貳勤以蒞政興利除害懇惻舉行汲
汲焉惟恐孤弱之不獲其所良善之不安其生
德輝藹然溢然所過者化恩威並著吏畏民懷
禱雨輒應蝗不入境歲屢豐靡瞻匪父真我父
也靡依匪母真我母也古之循良莫之能踰鄰

封之民間風赴愬尙有青天之稱來如歸市况
我容沐澤尤深雖思侯有歌留侯有靴繪侯有
像豈足以罄所思哉誠願勒記貞砥以垂永久
朝夕如見我侯焉庶少慰無窮之思謹狀其畧
質言無文稽首請記不穀曰昔召公遺愛所舍
甘棠當時之民不忍伐且剪也至今咏之今容
邑民庶被侯德政戴佩不忘其情如一卽其所
舉淪肌浹膚公道所激非出於人心秉彝之自
然奚以至是乎千載之下啟人慨慕又曷有已
也不穀據所狀嘉其義舉可爲世勸遂記侯名

羽國別號淮瀾庚辰進士河南唐縣人

趙公去思碑

孫奇逢 邑人

河陽玉峯趙公諱士麟以甲辰名進士初授黔平遠司李繼裁改知吾容蓋天之以公惠容也容之登春臺者幾六稔矣會歲大計公以治行為畿輔八郡卓異第一

天子特徵 天部邑昨叟驚聞奔走號泣如失所怙擬叩 闕借寇拘於例弗獲留啟行日攀臥塞衢引裾籲天車爲之枳公亦依依然不忍去送者數千人直至國門解靴還以識遺愛且營祠尸祝公於是邑薦 新大夫暨博士弟子及里父

容城縣志

卷七

藝文下

三

老問記於余門員之氓以昭永思余曰嘉哉此秉彝人心之公余同樂與天下道不獨爲容私一公也公家 性學問道甚早爲治躬行德化以正風俗淑人心爲首務視邑如家愛民若子民戴之亦如真慈母地方利病增損皆掌丰姿開爽目無沙棘每大奸巨慝不動聲色捕繩之其餘狐鼠之輩皆不寒而栗屬俗 不知公何以能畏其志若此胥不下鄉 官府一點硃民間一點血不得已信牌告示而已旗下與民鬩力爲作主始則以理和解之不從以威

壯甲於諸邑會范陽大盜某某輩劫掠肆出爲
畿南大患勢漸燎原兩經招撫姑惡弗俊奉
勅緝捕所在束手賊益橫公密爲嚴辦一夕偵賊聚
某處走蠟丸安肅梁令君俾督所部會野橋躬
率蒼頭廬兒悍健者及夙所勒習騎射邑子弟
貫兜鍪設弓矢公亦嚴裝履行間乘夜縱圍或
殪或擒無或脫者卽日獻俘轅門大中丞金公
大奇之謂當世選文治莫公若也乃武備又克
奮若此以其狀聞於

上得可其奏下議優叙自是安不忘危鄰封不逞者

幸皆竄伏至於... 荒省瘵瘁... 代厝償滿... 以然者公學有淵源... 婉美前修而恢宏吏治也公一人而所任者千
百人不敢做之事公六載而所留者千萬載不
可泯之思噫使天下司民牧者盡若是豈不立
致太平乎德澤如公政事如公經術人品如公
真儒作用如公宜乎民愛之戴之旣去而思之
豈非人心之公秉彜之良哉余不文僭爲之記

李公革除加派感德碑

李濂學

恭惟我侯閎闕名門筮仕金容巍巍兩榜甫膺
一命淡泊成性孔孟家風不尚華麗樸素是崇
鞠育六里至公且明凡有詞訟批令自拘不差
役行恩准和息靡有爭競親見百姓鵠面鳩形
公心惻怛祇飲容水柴米草豆盡行蠲免不令
民供挨門雜派一槩革去感格天地風調雨時
五穀豐登千倉萬箱婦子安寧實民父母萬姓
歡騰教養勞心好惡與同老少大小均沾實惠
羣荷帡幪種種善政班班可稱萬民戴德各抒

容城縣志

卷七

藝文下

聖

衷誠謳歌祝頌不論紳衿不論滿漢不論童蒙
更可快者 國課徵催漏弊多端一徵二派已
經多年民受其害無可控訴無處申寃追呼索
討實難措辦室如懸磬家無隔宿質當變賣各
村皆然又兼水旱年景荒歉一分一文民命所
關苦已極矣其孰憫然我公臨蒞茲土洞悉弊
竇輒欲除蠲既而息之錢糧大事不肯自專詳
請憲臺蒙諭瘠土萬民貧窮加派從寬公心甚
喜遵諭定數其孰敢言永爲定例奉行弗倦總
之我公寧廉毋貪惠我元元毫無別念似此

德似此大恩若非大智若非大勇難動輿情愛
慕欣瞻士民咸佩欲報其德昊天罔極冀公益
壽期公延年無忝祖德得近堂廉過庭承訓家
學淵源指日高陞每歲高遷庇我士民賴以保
全詩云中心藏之何日忘之我公之謂所以閭
縣心悅誠服捐貲立碑並呈金匾萬世永傳

孫徵君祠堂記

邑令 孟長安 洛陽

容上谷最靈地也天地清淑之氣磅礴而鬱積其水土之奇林木之秀人文之蔚興不能獨任也當必有瑰奇非常之人生於其間是以於元得一人焉曰劉靜修先生於明得一人焉曰楊忠愍先生然猶未足以盡之也越數十年有徵君先生者應運而興齠年登賢書然志不在科名而在乎廉洛關閩之學追慕康節之遺風遷居蘇門講學夏峯其從遊者皆世賢豪余每聞而慕之思遊門下乃意未遂而先生云逝竟不獲見焉戊午春余請選都門奉

容城縣志

卷七

藝文下

四

命容邑尙未知爲

先生鄉也都人士語余曰

先生長於斯歌鹿鳴於斯潛心理學者且數十年於斯矣夏峯諱乃先生講道處也先生

雖葬於衛實容人也邑之北城村有先生

先塋先生之孫潛居焉蓋其故里也余慕

先生有年適蒞茲土亦一奇也庶幾見先生

之文集如見先生焉見先生之故廬如見

先生焉見先生之後昆更如見先生焉

然余之心猶未盡也先生之文集旣與劉楊

二先生合傳 先生之祠宇亦宜與二先生鼎建使堂構未崇榱桷未煥將何以妥神靈而垂不朽也哉己未秋謀之紳士咸以爲善越明年庚申仲春縣治西南有民房二座厦房數間欲售近南小房二間亦欲售共價六十餘金其地寬宏周嚴與靜修祠鄰左右又一奇也余喜出望外乃指貲與紳衿共成厥事更市木石磚瓦命彼梓匠擇日興工而邑人踴躍從事不數月而祠宇告成更一奇也大門一座捲棚三間祠堂三間羣房七間於以妥神靈垂不朽洵不誣

矣要以此敬也表異也使後之人仰而望之跋而及之焉耳如謂愛之深奉之至 先生之神必依於此此與蘇子所云掘井得泉而曰水專在是何以異哉但祠之旣建吾知容之人皆知有 先生也東西南北行過是邑者皆知爲

先生之故里也卽千百世而後世遠言湮亦皆知有 先生而誦之不衰也其始與周程張朱同日而語以上接孔孟以來之統哉夫旣勒諸石胡不載其行事不知 先生之行備載文集其書人皆得見之是以不論論其創祠之事是

役也工起於康熙十九年二月十五日告竣於
是年之五月初四日然此猶其大畧也潤而章
之修而飾之是所望於後之君子

劉靜修墓表

元侍講 蘇天爵

先生墓容城縣易水之陰溝市里至正戊子縣尹賈侯始捐俸買石表諸墓書來請辭余謹考求遺文掇其出處大節一二而爲之書按先生諱因字夢吉保定容城人世爲儒家五世祖琮生敦敦生武校尉臨洮府錄事判官昉昉生奉議大夫中山府錄事侯侯生秉善金貞祐中南徙其弟國寶登興定進士第終奉直大夫樞密院經歷秉善生此是爲先生之父壬辰北歸刻意問學尤邃性理之說獨好長嘯嘗游西山嘗

容城縣志

藝文下

墓

秋風木落時作一曲而感慨係之中統初左三部尙書劉公肅宣撫正定辟武邑令以疾辭歸先生將生之夕父夢神人馬載一兒至其家曰善養之旣覺而生乃名曰颺字夢璣後改今名及字先生天資絕人三歲識書日記千百言隨目所見皆能成誦六歲能詩十歲能屬文落筆驚人故國子司業硯公彌厚教授真定先生從之遊同舍生皆莫能及獨中山滕公安公差可比硯公皆異待之謂先生父曰令子經學貫通文詞浩瀚當爲名儒初先生父四十猶未有子

乃曰天果使予無子則已有子必令讀書故自
真定還居保定謝絕交朋專務教子先生年未
弱冠才器超卓日閱方冊思得如古人者友之
常愛諸葛孔明靜以修身之語表所居曰靜修
閑游郎山雷溪又號雷溪真隱先是京師有曰
田尚書者西域貴族頗尙文學聞先生名厚禮
請教其子先生以水齧先墓遷避之不及往旣
而易州何公瑋辭兩淮鹽使奉親家居藏書萬
卷亦以教子爲請先生平居苦無書讀又樂易
之風土遂允其請三年卽歸何公贄以銀幣皆

謝不受時先生年雖甚富聲聞已彰中朝賢士
大夫多稱譽之故相文貞王不忽朮薦之尤力
至元十有九年詔起先生於家擢拜承德郎右
贊善大夫未幾母感風疾卽日辭歸明年母卒
治喪合禮二十八年復遣使以集賢學士嘉議
大夫來徵先生以疾固辭不起世祖聞之亦曰
古有所謂不召之臣其斯人之徒歟明年國子
助教吳明陳書於朝薦先生爲國子祭酒士論
高之三十二年夏四月十有六日先生終於容城
春秋四十有五海內聞之無不嗟悼先生之

未久吳明復違言於朝曰風俗之薄久矣五六
處世不自貴重聞人譽已喜見顏色不復知有
廉恥等事何則欲動於中利奪乎外故也伏見
故處士劉因隱居教授不求聞達授以三品清
要之官辭而不受若蒙賜詔雖官庶幾息奔競
悖風化士類知所懲焉延平先生三樹林
學士資德大夫上護軍追封容城郡公諡文正公
是後中外風紀儒臣咸以先生勵俗與先生
昭代宜如許文正公從祀夫子廟廷禮官會議
亦皆曰可而當路者未遑行也先生早歲去世

卷七

藝文下

完

雖不及大有著述然風節凜然天下慕之扶世
立教之功大矣賈侯由進士入官治邑有聲獨
能訪求先賢遺蹟彰之其於風勵俗化悖

崇名其人其德云

孫徵君墓表

尙書魏象樞蔚州人

康熙十有四年四月二十一日徵君前明舉人孫鍾元先生卒其年冬十月葬於輝縣夏峯之東原又八年蔚州魏象樞表其墓曰先生諱奇逢字啟泰鍾元其號保定之容城人大父臣嘉靖辛酉鄉薦歷官河東鹽運司運判父丕振邑諸生先生年十七舉萬歷庚子科鄉試與定興鹿忠節公善繼爲友以聖賢相期勉忠節家江村先生家北城相去十里雖風雪暑雨過從無虛日討論濂洛之旨而證諸六經發爲文章皆

自杼心得不屑屑訓詁詞章也性至孝連丁父母憂哀毀成疾喪葬一準古禮偕兄弟結廬墓次者六年巡按御史以聞下詔旌焉家故貧饔餐常不及有巨室以金粟餽者婉却之一日與鹿忠節公講學自晨至日昃蒼頭始持豆麪作羹以進怡然無不足之色嘗言從憂患抑鬱中默識心性原本生平學問實得力於此天啟末魏忠賢竊柄荼毒正人左忠毅光斗魏忠節大中周忠介順昌先後被逮三君皆與鹿公爲友於先生有國士之知時鹿公贊高陽孫文正公

軍於榆關先生遣弟奇彥上書高陽曰左魏諸君善類之宗直臣之首橫被奇冤有心者孰不扼腕昔盧次楨一莽男子耳謝茂秦以布衣爲行哭於燕市曰諸君今不爲盧生地乃從千載下哀湘而弔賈乎李獻吉在獄何中默致書楊文襄求一援手康德涵至不自愛其名左魏之品可方獻吉非次楨所敢望某一介書生無由哭訴尙慚茂秦閣下名位比肩文襄豈至出德涵下乎高陽覽書卽具疏請入朝而陳軍事將爲諸公申救忠賢聞之謂高陽與晉陽之甲夜

遠御床而泣乃馳詔止之時左誤賊二萬魏周皆數千嚴期追比三君子皆清白吏無以應而忠毅舊爲三輔屯田使有遺愛又嘗督學畿內門下士甚衆先生與鹿太公及其友張果中倡義蠲助輸者雲集甫就而三君子相繼考死則又經紀其喪餘則按籍俵散嘗是時選校嚴急士大夫觸手糜爛親戚故交鍵戶謝絕先生慷慨急難呼號同志禍福不足動心而禍亦卒不及也高陽知其有經世才將題授職方郎與共事先生知時不可爲自陳願老公車不敢借途

求用臺諫交章推舉堅辭不就崇禎丙子容城被圍土垣將圯率宗族閭黨矢志守禦城賴以完巡撫都御史上其事特詔褒嘉南兵部尙書范公景文聘贊畫軍務亦辭不赴時秦晉已陷寇氛漸逼都城攜家入易之五公山結茅雙峯嫻黨門人依以自保者數百家飭武備定條約暇則講詩習禮修冠婚喪祭儀節簡而可行干戈搶攘之際弦歌俎豆遠近服其德教盜賊聞而屏跡時以方田子春無終山焉

國朝初祭酒薛公所蘊具疏讓官兵部左侍郎劉

公餘祔及巡按御史薦剡上先生堅卧不應蘇門爲康節魯齋讀書之地泉石幽勝遂移家築堂名曰兼山讀易其中子孫耕稼自給門人負笈來者日衆先生涵養日邃每晨起謁先祠畢澄心端坐雖疾病未嘗見惰容接人無貴賤少長必以誠有請問者隨其淺深傾懷告之無不人人自得子孫甥壻數十人進退揖讓皆有戒法卽耕夫牧豎亦知尊敬時節花放隣村爭置酒相邀兒童皆歡喜相就曰我先生也年九十一卒士大夫弔哭屬路不絕市者罷販耕者廢

未督學使檄郡邑列祀百泉書院容城夏攀皆
立專祠祀之先生著述甚富理學宗傳表周元
公以下爲十一子別爲諸儒考附之蓋出獨見
非依傍舊聞者其學主於慎獨而於人倫日用
體認天理嘗曰喜怒哀樂中節視聽言動合禮
子臣弟友盡分此終身行不盡者自言平生年
愈進功愈密天理二字是千聖心傳非語言文
字可以承當世之學者不務躬行惟騰口說徒
增藩籬於道無補體先生之言可以自悟矣余
昔奉母里居無由親炙與聞緒論間嘗馳書請
質所疑荷先生手教還答千里如侍几席今典
型旣邈後進誰宗因其孫壬戌進士淦之請謹
書其大者如此過其墓者低徊俯仰當有慨然
興起不能自己者則先生之風教愈遠而彌新
也其子孫名次列在志銘者不具述

河圖之說朱子盡之矣後人雖欲議之不可得而議之也然其自私者必出於已而後是是以致疑於其間者尙紛紛然也有指伏羲八卦次序爲之者有指先天圖而爲之者亦有主劉牧而疑朱子取舍之誤者近世大儒又有自畫一圖爲之者其圖八卦次序者則曰大傳旣謂河出圖洛出書聖人則之是必有其所謂圖與書聖人可得而則者矣今夫十數之點誌安可則以爲八卦之畫象也此其爲說蓋出乎漢儒洛

書有文字王肅河圖卽八卦及蘇子瞻圖書粗有卦疇之象之說而與張敬夫以河圖爲興易之祥聖人則其時以作易而力詆先儒有所則其圖者正相反而各極其偏也若是則卦固自畫安得謂聖人則而畫之而聖人亦何必復觀取於遠近俯仰之間而程子何爲有河必圖至於因見河圖之說也哉其圖先天圖者而其失尤甚固可以借唐孔氏天語簡要不應若是之煩及朱子伏羲淳厚未必如是之巧者以破之矣其主劉牧者則以九數之變見於列禦寇之

書九宮之文。見於張平子之言。而巽四兌二震三艮八。又雜出於魏晉諸儒之說。固不可必以八卦之本。於九數。而謂劉氏之說無明驗也。然其列氏之說。則緯書從而出者。而說者固以一爲北方陽氣之始。七爲南方陽氣之盛。九爲西方陽氣之究。而與圖合矣。而圖之下之一得六。固可上變而爲七。上之七得二。固可左變而爲九。九窮則復下變而爲一。又無不合者焉。然彼以七爲衍。而九爲元者。亦無不可。然於圖亦安見其不合者。而必以洛書爲說也。就使列氏指

洛書而言。則洛書固可以爲易。而亦不必遂以爲河圖也。夫九宮之說。出於緯書。而張氏亦嘗破之。且其言又曰。雜之以九宮矣。蓋不卽以九宮正爲八卦也。斯爲九宮之說。與河圖九篇之說者。鄭康成也。其於明堂之數。則曰法龜文。是鄭氏又不以九爲圖。而其說有自相矛盾者。則是亦可以證劉氏之失矣。安得引之以爲助乎。彼又爲邵子。但言方圓之象。而不指九十之數。若以象觀之。則九又圓於十矣。且其所謂方圓。而前後乎此者。皆不過指陰陽剛柔奇偶而已。

在此則一少陽而土少柔其偶者固當爲方而
爲陰而一有固宜爲圓而爲陽矣故朱子發張
又饒精一節學者而皆以十爲書而九爲圖也
若設是而朱子之所取所證者則關子明也然
彼既以其書爲僞矣何獨於此而信之乎曰邵
子之所謂方圓固無一定之指獨於此則言之
甚明且以六數少陽之十既合乎曆紀而應天
之時而八方并虛中爲九又合乎州田而應地
之方且十既尅方則惟三三爲九又可以畫方
而爲井而五位既鉤一六書爲九四偶旣布則

容城縣志

卷七

藝文

五

目無所容十而又三十一爲範之數矣安
得爲洛書反圓故一不指九十之數哉夫
僞關氏之書者一六之託夫關氏也蓋僞
其書實關氏之書而乃託之爲聖人之書
異人之言獨書一六之託夫關氏也蓋僞
氏之自謂也一六之託夫關氏也蓋僞
說託言出於一六之託夫關氏也蓋僞
夷龍圖乃以五十五爲說而范氏八卦亦以河
圖而演之是不足以正劉氏之失乎曰龍圖之
說未必出於劉氏之前而呂伯恭從而誤信之

猶張敬夫之爲戴氏所欺也夫希夸未聞有書傳至邵子而後有書其太極圖則朱子亦未發於穆伯長而胡仁仲因之遂以爲穆特周子學之一師陸子靜因之遂以爲朱錄爲有考而潘誌之不足據也蓋胡氏兄弟於希夸不能無少譏議是以謂周子爲非止爲穆種之學者陸氏兄弟以希夷爲老氏之學而欲其當謬加無極之責而有所顧藉於周子也然其實則穆死於明道元年而周子時年十四矣是朱氏胡氏陸氏不惟不考乎潘誌之過而又不考乎此之過

也然始也朱子見潘誌知圖爲周子所自作而於行錄附注雖破朱氏之說而猶以胡氏之抑希夷種穆謂特其學之一師者爲過而疑其傳自希夷至周子始筆之書而亦不敢遽以爲不傳於希夷種穆也豈其後有所考於此也故於注圖書則曰莫或知其師傳之自記遺文後則曰非有所受於人記書業則曰不由師傳默契道體實天之所畀也而其問答之間則常謂希夷未嘗有濂溪之說濂溪之說未嘗出於希夷周子自爲周子之學而未嘗考夫邵子者

子自爲邵子之學亦未嘗考夫周子者而斷然以爲無所傳授而不出於希夷而敬夫亦以謂自得之妙非數子所得而知也若夫邵學則雖穆李之前不著其傳先儒謂有深意而始推反理自得爲多固有如二程之言者然其源之隱於方士而發於希夷爲無可疑而不必強爲授於王豫得之歸藏之說也蓋義理人心之所同不必託之異人異書而後神義理天下之公器雖得之外方之書亦不當爲之諱也若言希夸之學則當以邵學爲正也彼以五十五定四方

之位以水火木金爲四正卦之象分四象之數自左旋去三而生四偶卦之畫則關氏之說而范氏取之者然其所合乃文王之八卦固已與邵學不合矣亦安可以僞而攻僞也哉夫前之所論皆託言出於希夸而不合乎邵學者也若朱子發張文饒又求之邵學而失之者也若夫朱子則極邵子之大盡周子之精而貫之以程子之正也後人惡得而議之雖然抑有一說而竊附於朱子之後夫河圖之中宮則先天圖之所謂無極所謂太極所謂道與心者卽太極圖

之所謂無極而太極所謂太極本無極所謂人之所以最靈者也河圖之東北陽之二生數統夫陰之二成數則先天圖之左方震一離兌二乾三者也先天圖之左方震一離兌二乾三者即太極圖之左方陽動者也其兌離之爲陽中之陰即陽動中之爲陰靜之根也河圖之西南陰之二生數統夫陽之二成數則先天圖之右方巽四坎艮五坤六者即太極圖之右方陰靜者也其坎艮之爲陰中之陽者即陰靜中之爲陽動之

根者也河圖之奇偶即先天太極圖之所謂陰陽而凡陽皆乾也凡陰皆坤也河圖先天太極圖之左方皆離之象也右方皆坎之象也是以河圖水火居南北之極先天圖坎離列左右之門太極圖陽變陰合而即生水火也而易之爲書所以首乾坤終坎離終既濟未濟而先天之爲圖中孚頤小過太過各以其類而歸於正也如是則周子邵子其學雖異先天太極其源雖殊而其理未嘗不一而其所以出於河圖者則又未嘗不一也若夫其自爲圖者則曰河圖之

數凡五十五而十位洛書之數凡四十五而九位舉不合夫畫三卦八錯綜之六十四若以位言則去九與十合夫乾一兌二離三震四巽五坎六艮七坤八之叙然不知所以爲卦所以爲畫雖爲推衍奏定不免牽合若五十爲衍母一九爲衍數則揲著求卦之法非按圖畫卦之本此其爲說似也然及自爲圖則亦不外乎十數而爲白圈黑圈爲五相間而爲十以白爲天奇以黑爲地偶取三奇爲乾三偶爲坤其餘卦取之亦然觀其附合乃有纂組華紛之極所不能

爲者而謂出於天之自然之數必如是而聖人之畫卦如根幹枝葉迫於不得已而然者亦必如是是則可疑之大者若其以天五地五合各一太極而爲六爲重卦之本二五相合而爲十爲揲著之本凡其不可曉皆此類而其假合悠謬又有出於林黃中郭子和百千之下者然其反復辨論幾數萬言蓋有欲盡廢先儒而獨行已說之意嗚呼朱子之於河圖雖推本爲畫卦之源而欲人玩心於其間然亦有不易之式而其爲說第於其理可通而事有證者而叙次之

然亦有傳疑而未嘗以爲河之所出伏羲之所目覩者必如是也今斯人也旣以先儒之或有所傳而來者盡以爲非而於千萬世之下出於已手之所纂畫者自斷以爲必合乎天之所出則是以天自處其所見亦必有甚異於人者也惜不得從而問之姑與諸說雜而記之以俟叅考

格物說

徵君 孫奇逢 邑人

先生曰格物致知爲聖學全功故聖經一章歸本於此此處不明而能明德新民止於至善者未之有也先正之言曰天地間觸目皆物日用間動念皆格一部大學皆格物六經皆格物孟子七篇便可作大學註疏然則天下古今只有此一物千聖萬賢只有此一格本無同異緣朱子補傳陽明復古本遂成聚訟愚以爲朱子當日之意以理有未明則知有未盡若偏以窮理屬知也故陽明白窮至事物之理其功用之要

容城縣志

卷七

藝文下

空

在一窮字用力之地在一理字若上去一窮下去一理直曰致知在至物其可通乎故於五百年後效一諍論曰格正也物之得其正而理始極其明此於朱子之說亦兩相成而非兩相背後儒未解其理之一而徒執其辭之殊遂爾戈矛竊思朱子所竊取者程子之意也程子之言曰道外無物物外無道在父子則親在君臣則敬又曰窮理亦多端或讀書講明義理或論古今人物而別其是非或應事接物而處其當皆窮理也斯言也政博約合一之功豈徇外誇多

與世之博物洽聞者同耶朱子又曰凡物必有當然之則而自不容已所謂理也外而至於人則人之理不異於已遠而至於物則物之理不異於人極其大則天地之運古今之變不能外盡其小則一塵之微一息之頃不能遺總不外乎知之明處之當兩言而已矣夫知之不明而處之能當者也亦未有處之不當而可謂知之能明者也紫陽窮理說得渾成陽明正物之說直截總謂有物必有則窮理窮其所謂則也正物正其所謂則也以親還父子以義還君臣

以叙還兄弟以別還夫婦以信還朋友是合天下國家身心意知以爲物不離平治修齊誠正以爲格朱子恐後人不守格物之說而事幽深恍惚之論既補其傳又於或問發明之陽明正恐學者以紫陽格物爲偏於知也謂致知在實事上格又曰去心之不正以全其本體之正道爲天下公共之道學爲天下公共之學紫陽與陽明何嘗相背百餘年聚訟訟愈多而言愈晦矣後儒兀然有心於一草一木之間以爲格物如是此豈當日學問答在枝上生枝竟成岐路

故道之不明也不在無言而在有言不在寡言
而在多言非敢爲兩家調停道理固自如此因
爲之說告我同人

貞節說

邑令 趙士麟 雲南人

忠孝節義天下之不恒有也而在閩中爲尤難
婦人而能節煢煢一身耳乃能確乎不拔介如
石凜正若冰霜焉是必有以得天地之正氣夫
而後三綱立九法章日月爲之明風雲爲之震
山岳爲之峙海濱爲之停人得之而爲心鳥獸
草木得之而若其性國家得之而久立人君得
之而化成反是則寡廉鮮耻人道廢亂之階也
容小邑忠孝節義之區也理學則劉文靖公忠
節則楊忠愍公千古表表矣余下車之始首詢

容城縣志

卷七

藝文下

七

貞節今昔指殆不勝屈最著者人咸稱宋母孫
氏云年十九爲未亡人爲宋氏撫孤兒兒能立
且有聲今幾五十矣二十餘年間吾不知日月
風霆山岳海濱爲孫氏何如也吾又不知孫氏
爲人心爲國家爲君人所歸復何如也嗟嗟一
婦人耳乃能與理學公中節公屹然并峙是非
有得於天地正氣而然歟余故式其廬而扁以
旌之且爲之說

人之制行近於當理者多矣欲必其治行之初
真見義理之當然而斷然無一毫人欲之私者
則未易知也然考其平生則心術之微亦有不
可得而掩者矣如高允中情之直亮蓋其生質
之本然其設心處事必非善爲僥倖委曲之人
也如觀翟黑子有罪首實亦以義理之當然爾
而作史者遽繼之以庶或見原之語則所謂首
實者乃所以爲僥倖之資也至於史事不欺則
又以爲恐負翟黑子故則允之所以爲是非以
義理之當然第以此爾此皆史臣不明義理而
於遣辭之際輕爲增損往往使人忠亮之心不
灑然於天地非止允一端而已讀史者亦不可
不知也

王孝女旌門銘

劉因 邑人

父家容城西以母喪感念遂不嫁終身州上其
有御吏按實禮部令旌表之內翰盧公署其門
曰孝女王氏縣人劉因銘曰勢不娶終身曰魯
山之元道州之陽史名卓行何謂非平常二子
且然女奚責望盧公表之何用以戒荒

忠愍公墓祠碑銘

張鳳翔

嗚呼號乎以爲厲頰壯決也筮口以爲明斗沫
斷也謂忠無益并可深也剝堅之刀還缺折也
孰厭邱米用自齧也噲正而噦冥辛夷楔也揮
容城縣志 卷七 藝文下 奕
虹以遞蜺靈旌揭也會唵恒悲無穉耄也伊彭
咸之故居引村以東轍也死乎不死乎俊與杰
也

贊

靜修先生像贊

歐陽元

微點之狂而有沂水風雩之樂資由之勇而無
北鄙鼓篋之聲於裕皇之仁而見不可留之四
皓以世流之累而過不能致之兩生嗚呼麒麟
鳳凰固宇內之不常有也然一鳴而六典作一
出而春秋成則其志不欲遺世而獨往也明矣
亦將從周公孔子之後為往聖繼絕學為來世
開太平者耶可謂振古之豪傑矣

又

邑令

趙士麟

雲南人

城縣志

卷七

藝文下

李

道行萬世孔子我師正學藜藿倡明者誰伊惟
先生斯文在茲繼往開來一身肩之洙泗淵源
不絕如絲周程張朱並為世資辨河圖於易未
盡而元邪疑解希聖於道既墜後純理無私
實其雷溪抗迹名教所司視人世浮雲富貴錫
耀勳名淡淡曲肱飲水卷舒自宜他人之賢及
肩而已先生之風如鳳翔千仞龍蟠九淵固不
在乎爵祿可辭不識者乃比之並老商山之四
皓不赴綿蕞之兩生何其渺小如斯

李忠愍公贊

徵君

孫奇逢

邑人

吾鄉知後之有楊忠愍而不知前之有李忠愍也李忠愍以世職洪永間授浮圖峪守備積功至總兵鎮遼陽癸丑之役以一當千連戰四十餘里至八角大屯嶺環圍數十重與長子松俱戰死則少保諡忠愍亦烈矣沒之後表彰無人鄉黨且不傳後死者之過也無怪乎古之英人烈士多湮沒而不聞者也魏彥昭叅劉瑾疏亦失傳惜哉

楊忠愍公像贊

孫丕揚

謂官即署耶而自任天下謂節忠烈耶而志小

容城縣志

卷七

藝文下

矣

天下謂言逆鱗耶而力匡天下謂身韜毛耶而風動天下然則斯人也殆庶幾乎孔孟仁義之正傳而與易簣結纓以並駕

又

李知新

浩氣充塞肇此孤忠剛歎尼父樂授重瞳羞與奸佞斥鴛劾嵩百折不迴上貫長虹成仁取義怕伴千達日星河嶽瞻騁靡窮

徵君先生贊

鹿善繼

私嘗怪容城彈丸地先有靜修後有椒山迄今又有鍾元何物一撮土多生千古人或謂其左

天津右狼山遠吞岫色平揖巨浸細縕靈氣入
不偶生豈有然歟夫徵書再至雲卧益堅靜修
清矣擊鸞不死竟死擊嵩椒山忠矣一廬六載
孺慕終身鍾元孝矣子文之忠文子之清未知
其仁而伯夷之清與伊惠同仁比干之忠與微
箕同仁此際正須隻眼仁者人也親親爲大則
孝弟爲仁之本固不問而知之者也劉以高尚
無愧伯夷楊以死諫無愧比干孫以純孝無愧
劉楊道不同而趨同容有三仁焉

又

崔蔚林

容城縣志

卷七

藝文下

堯

其容晬然其背盎然機忘識化氣靜神全不知
者以爲先生清風高節七十餘年確乎不拔如
鳳凰翔於千仞又安知先生學全體用道綜後
先殊未嘗以不事王侯自高其節其肥遯安貞
也要不過順時而止隨遇而安也耶

又

大學
魏裔介
士
栢鄉人

自昔聖賢之生皆天之所以爲生民計故自孔
孟而後若董仲舒若韓昌黎若周程張朱若薛
文清若王陽明雖其所得於聖人之道有偏全
大小之不同而其行見知聞知之脉則一也正

嘉之際百年幾無人焉萬歷中季而先生乃崛起於容城容城之先賢有劉靜修楊椒山先生之穎悟如靜修而不炫其才也節義如椒山而不失於激也至於孜孜矻矻耄而好學躬行實踐體備元和則又集諸儒之成今天下言道學之統者必歸焉先生之爲人何其醇而且備也

歌

九日九飲歌

劉因邑人

一飲君聽第一歌誰知此際見天和醉鄉開物
工夫密春意空濛尙未多

二飲重賡第二歌春風毛髮欲婆娑寸心又到
欣然處莫怪山人語漸多

三飲山人笑且歌羲皇相去已無多舉杯爲向
諸君道自此光陰奈樂何

四飲須歌第四歌山人未醉竟顏酡屬君輕摘
黃花露滴向杯心生小波

容城縣志

卷七

藝文下

三

五飲初喧四座歌黃花滿意入紅螺人間此樂
知無復魚鳥聞聲亦太和

六飲相將醉景過令嚴斟淺欲如何正滿
黃花萼宜與南山細拊摩

七飲人驚飲量多兒童休唱接籬歌青巾一帽
千年在只恐西風不奈何

八飲人驚飲量過劇談不記竟云何中正有
春風在無奈蕭蕭落葉多

九飲蒼崖蕭翠簦江山搖落奈何閉物
胚胎密中有山人第九歌

修九日九飲歌

楊繼盛 邑人

一飲初歌第一歌乾坤萬物屬中和解鄉能發天然樂况復幽人情興多

二飲停杯歌二歌西風短簷任婆娑四時佳興俱堪賞誰道當秋百感多

三飲幽人發浩歌百年風月屬予多此身不是乾坤蒂留我蒼天欲若何

四飲須聽第四歌傍人休笑醉顏酡曾經雪浪翻天湧風落杯中漫起波

五飲起來鼓缶歌萬年宇宙一紅螺閑中看破

容城縣志

卷七

藝文下

七

盪虛殼聚散浮沉總太和

六飲將酣豪興多仰天長嘯奈吾何片雲忽暗樓頭月只欲凌空一拂摩

七飲相關樂趣多風吹萬籟盡笙歌區區懷抱俱春意笑爾高秋奈我何

八飲自驚飲量過踈狂成癖竟如何縱然痛飲珍珠酒却恐醉來語更多

九飲渾忘披翠蓑聖明恩厚復如何釀成四海合歡酒欲共蒼生同醉歌

和靜

徵君 孫奇逢 邑人

一飲悲歌第一歌蕭蕭烟壠轉清和雙楊鴛鴦時
插天半想見先生道韻多

二飲重慶第二歌乾坤舒卷任婆娑莫愁白日
期功少翻喜今朝展墓多

先生在日本
無期功之親

三飲山人笑且歌晉家處士孰居多堯天萬古
猶容許勝國荆榛奈我何

四飲須歌第四歌幽人未飲已顏酡腹鱗唇甲
方酣對尺木無風自起波

五飲須歌四座歌太行徒倚吐青螺非憑酒力
容城縣志 卷七 藝文下 七

常風力坐對先生分外和

六飲相將醉景過問心不語意如何半生有志
今搖落仍欲從頭細撫摩

七飲人驚飲量多牢騷忽爾起悲歌儒不識
真儒肯惜肆譏彈可奈何

八飲人驚飲量過百年天地竟如何好留底本
歸來海內畧雄圖未足多

九飲蒼崖藉翠簑羲皇一枕樂如何椒山曾爲
憐同調舉我樽前漫和歌

賦

橫翠樓賦

劉 因 邑人

金臺雄壯甲天下而山水人物爲最也其西北
有峯望之巍然而立巍然而高琅然而秀者郎
山也其西四十里有泉穴城而來流分而派衍
環乎市井之間爲一時之偉觀者雞水也水之
上又多樓亭臺榭之美而宏麗特出俯瞰閭閻
騁懷遊目足以極登臨之勝概者橫翠樓也樓
之上飄輕裾曳長袖解劍指廩醲酒臨江養賀
中之天地游物外之文章爲燕南文物之冠冕

容城縣志

卷七

藝文下

七

者樓之主人也主人觴於斯詠於斯會賓客於
斯見千巖萬壑盤紆拂鬱而坐致乎几案間故
樂而名之曰橫翠也然而樂其所以樂者非爲
景物役也將以取山水之秀而助其氣也若夫
嵯峨巖巖刻削峯巒混涵天地呼吸萬壑斬絕
峻拔嶷嶷然有可望而畏之者與秋色而相高
也雲開日朗雨霽虹銷崖巒窈窕若拂嵐撲黛
藹藹然有可喜而玩之者朝來之爽氣也霜露
旣下木葉盡脫水窮霞盡天高鶩鷺行微螺髻
隱隱蛾眉者天寒而宜遠也日上壁而垂彩月

上軒而飛光開簾柱笏把酒而觴者翠屏之晚
對也朝暉夕陰烟容雨態如萬物之供四時而
無窮也由是觀之主人氣象巍然襟韻磊落靈
臺洞月玉骨嶙峋飄飄然有凌雲之風者殆不
偶然也燕趙諸公多以詩歌道其美記之者有
陵川之雄文詠之者有木菴之絕唱前人之作
述已脩主人復以文命僕僕不自揆拾人之滯
漣丐人之殘炙亦爲之賦而贅之於後其辭曰
丙寅之秋七月與主人相携登於橫澤之樓覽斯
宇之所處極蒼溟之盡以地連西鄙雄冠中州星

分鎮尾州別冀幽控鴈門之右塞引鷄距之清流
倚六行之宕觀接易水之長洲有如陰雲慘慘晦
日冥冥林響失色幽壑潛形或風雨驟至汨然如
半夜之潮生或波濤怒捲湧然如萬馬之軍聲使
人竟飛胆慄心折骨驚儼然失胆慄然忘形悵惘
於懷慄兮而若有遠行者乎又如雲開山色雨沐
秋容天光接塞水影涵空浮一天之灝氣快千里
之雄風使人滿飛逸興浩發吟魂如登太山漂崑
齋有可挾日月而薄風雲者乎又如騁出岫之白
雲傲橫空之素靄掛列壑之青嵐訪攢風之翠黛

窮島嶼之縈迴觀宇宙之宏大吞燕趙之精英吸
乾坤之沆瀣發胷次之瑰珂豁中襟之蒂芥其亦
有愜乎古人之登高而弔古傷時而感慨也若乃
太行之英郎山之靈開岫幌開暑局收霧幃列雲
屏供詩情於晚翠畫圖畫於新晴於時吾與子詠
春風於舞雩濯塵纓於滄浪來登斯樓終日徜徉
歌紫芝之曲酌明月之觴渺天地於一粒隨造化
而翱翔期萬代於咫尺順四時而行藏下視萬物
杳焉如千里之毫芒然後囂囂然洋洋然庶乎可
與天地俱忘者矣

詩

南溪行贈梁浩然

劉 因 邑人

老人耕牧南溪南南溪草淺牛新食大孫携書
小携酒青蓑爲席樹爲菴以書教孫仍自讀隔
溪遙聽聲誦誦牛眠樹陰孫勸酒老人未醉意
已酣老人氣高軀幹小面狹於髯森若杉年週
甲子辰又浹世事十率八九諳早歲精勤傳世
業口誦太素手弄甘以藝發身寧久屈安車徵
起詔使監入爲天子侍從臣龍沙萬里嘗陪驂
鼎湖白雲望不極招之歸來山有嵐身出夢關

容城縣志

卷七

藝文下

七

涉覺境人間萬有皆空函侍從之名不復記老
人自署南溪銜呼兒來前雙玉立曰我愛女擇
所堪自我中年學讀書方寸若有神明鑒活人
之功豈不美一有木中中或懸青囊密封不再
展塵迹從此乃一艾讀書力田兩交進困有所
收心有函開此樂國自我始繼而大之在汝男
我今已成齊變魯汝等當爲青出藍東北一舍
容城翁今年卧病家山岩其室雖邇人甚遠汝
糧自裹簦汝擔雪中欵段來叩門僕夫汗流扶
酒甌侑樽有物隨土產厥包雜進鴨與鷄飲劇

談發不自禁四鄰驚走來窺探先生靜默如水
鐘叩之愈大聲愈諧今觀昔吐瀉河漢老人
誰開其緘所之令去不復語與亡萬古手自
空鈎意約不在棋澹然相對如禪龕老人思家
不可留二兒扶歸杖几叅臘醅開時魚可膾相
邀載酒遊溪潭

渡白溝

文天祥

昔時張叔夜統兵赴勤王東都一不守羸馬遷
龍荒適過白溝河裂眦髮欲張絕粒轉不死仰
天

容城縣志

卷七

藝文下

夫

地撫卷爲淒涼我生何不辰異世忽相望皇圖
遘陽九天墜滿飛艎引軍詣闕下捧土障澗狂
出使義不屈持節還中郎六飛狩南海金鉞將
煌煌武懷空盛心出師驚四方吾屬竟爲虜世
事吁彼蒼思公有詩節一死何慨慷江淮我分
土我欲投滄浪滄浪却不受中原行路長初登
項籍宮次覽劉季邦涉足河與濟回首嵩與恒
下車撫梁門上馬指樓桑戴星渡一水慘淡天
微茫行人爲我言宋遼此分疆懸知公死處爲
公出涕滂恨不持束芻徘徊官道旁我死還在

燕烈烈同肝腸今我爲公哀後來誰我傷天地
垂日月斯人未云亡文武道不墜我輩終堂堂
前題
劉因邑人
東北天高連海嶼大行蟻蟻如怒虎一聲霜雁
界河秋感慨孤懷幾千古只知南北眼長江誰
割瀉溝來此處三關南下望風雲萬里長風見
高舉萊公灑落近雄才顯德千年亦英主謀臣
使臣強解事枉着髮頭汗我鼓十年鐵視自庸
奴五載兒皇安足數當時一失榆關路便覺燕
雲非我土更從晚唐望沙沈自此橫流穿一縷
來雲放殘陽指歸渡

觀雷溪

劉因邑人

飛狐天下脊老氣盤五回三江瀉天怒合爲一
水東南來此勢不殺令人愁石門喜見西山開
未補青天裂誰鑿混沌胎奇聲猛狀萬萬古山

根幾許猶崔嵬兩山倒傾瀾百尺逢顛崖先聲
動毛髮餘爽間襟懷初疑萬壑轉奔石意像仿
彿坤軸推又疑鼓角鳴地中百步未到仍裴徊
荒祠下石磴駭目何雄故春風不到太古雪今
日乃得留中雷穿石誰能窮窟宅流沫勢欲浮
蓬萊平生芥蒂今寒灰兩耳到骨無纖埃酈元
筆頭天下水石門之奇猶見推乃知茲遊亦奇
絕快弄素電噴瓊瑰東崖一片石坐撫千年苔
爲招郎山君共捲長鯨杯江妃爲搥靈鼓催赤
鯨躍出銀山堆先生醉來泉灑面狂歌一和湍

容城縣志

卷七

藝文下

全

聲哀

遊郎山

劉因 邑人

昨日山東州馬耳索御凌風嘶今日軍市中不
覺已落山之西山之面背亦無異不待風烟變
化神已迷危關度雪嶺亂石通荒蹊林間小草
不識風日自太古我行終日仰見木杪幽禽啼
但見雨色來雲物颺以淒忽然長嘯得石頂痛
快如御駿馬蹄萬里來長風五色開晴霓長劍
倚天立皎潔坐鸛鷓平地拔起不傾側物外想
有神物提詩家舊品嵩少同畫圖省見巫山低

誰令九華名獨與八柱齊千態萬狀天不知
以兩目窮端倪騫騰誰避若飛隼側瞰何厝如
怒猊千年落窮邊烟草寒淒淒若非酈亭書生
此鄉國物色誰省曾分題酈道元注水經說郎
上形勢最真今涿郡
有酈亭其先
世所居也乾坤至寶會有待豈有江山如此
不著幽人棲頗聞山中人雲間時聞犬與雞只
疑名山別有靈境在不許塵世窮攀躋不是先
生南遊有成約徑欲共把白雲犁九疑窺衡湘
禹穴探會稽玉井爛賞金芙蓉日觀倒捲青玻
瓔風烟回首莫瀟灑南遊準擬相招携

容城縣志

卷七

藝文下

全

黃金臺

劉因邑人

燕山不改色易水無新聲誰知數尺臺中有萬
古情區區後世人猶愛黃金名黃金亦何物能
為賢重輕德輝照九仞鳳凰才一鳴伊誰腐鼠
棄坐見饑鳶爭周道日東漸二老皆西行養民
以致賢王業自此成黃金與山平不抹兵縱橫
落日下荒臺山水有餘清

午睡次敬所年兄韻

楊繼盛邑人

踈懶百年還舊癖功名此日負初心本來面目
頻頻照恐落寰中第二人

赴義二首

楊繼盛

邑人

浩氣還太虛丹心照千古生前未了事留與後人補

天王自聖明制度高千古平生未報恩留作忠

魂補

題靜修墓

孫奇彥

邑人

古木森森一望中孤城烟雨自濛濛當年大節乾坤重奕世清修姓字崇易水有情環斷壠金臺無地不聞風茵芸半畝殘碑滅賴得仁侯祀事隆

容城縣志

卷七

藝文下

全

又

司理

李承光

邑人

幽蘭曠代結餘芬幾望雷溪夕照曛神跡定隨箕尾宿松楸尚護岱恒雲文雄河朔誰堪擬道叶濂關樂與羣廟貌臨流波浪息橫空佳氣正氤氳

又

孝廉

李進光

邑人

白楊蕭颯檜龍蹲古壠烟荒廟貌存斷碣數行留歲月寒鴉幾點送黃昏金臺高卧北窓穩易水長歌吾道尊梓里至今仍俎豆漢陵風雨已邱園

又

進士李瑞徵 邑人

馬鬣何時築潛龍此地藏
乾坤真骨子河洛大
文章嚙岸狂瀾折牽流
翠藻香徘徊思不盡烟
水自蒼茫

題靜修祠

狀元吳寬 崑山

水落西山見一峯容城何處訪遺踪
德輝欲覽空翔鳳王業如興有卧龍
隱跡微芒隨世代悲歌激烈發心胷
靜修宅裏高風遠晚學振衣恨莫從

又

周崙 崑山

本城縣志

卷七

藝文下

全

曙色初開捲翠烟念年瞻拜靜修前
凄凄草濕窓前雨淡淡雲浮柳外天
賦斷渡江心已矣歌殘采菊與悠然
螭頭年號曾翻覆爲整新鐫換舊鐫

又

尙書高景 新安人

文靖風清百代殊蓮生原不染泥汗
幸從光霽尋真樂詎待葦鱸憶五湖
威鳳暫鳴憐世主祥麟徐步蹈康途
賞音尙有蘇公輩河朔靈根自大儒

又

徵君孫奇逢 邑人

文靖元大儒處士召不至非不事裕皇易稱
尙志祖父生金元舍此身何寘尊道與行道情
同事無異希聖學已深點由置非位俎豆擬孔
庭後來如薪積

題忠愍墓

尙書 馮琦

直臣未可等閑看骨鯁終能禍鵠冠諫草肯隨
塵土暗忠魂不作海濤寒九霄夢斷風雲歇八
極神遊天地寬聖代名賢多建白讜言誰似此
心丹

又

鹿善繼 定興

容城縣志

卷七

藝文下

舍

窮海說椒山佳城在此間穿林看寂寂渡水聽
潺潺兩疏當年淚一碑萬古顏從來臣子訓誰
破死生關

又

彭而述 天中

履虎攫鱗氣薄雲封章纜上死生分已將鐵筆
誅奸相敢愛鴻毛答聖君故國寒鴉啼斷堽空
郊落日照孤墳先生如可九原作不悔椒蘭只
自焚

又

大學 魏裔介 栢鄉

何世無龍比哀君王佐資孤墳留易水碧血黯

荒祠正氣無今古招魂有歲時白溝舊戰壘
樵徑野風吹

題忠愍祠

邑令 蕭 迎 汚陽

拜謁先生意未闌獨憐勁節喜今難遺容尚覺
丹心古正氣渾驚白晝寒諫草兩篇凌董賈忠
魂千載重龍干誰知身死園墻後廟祀於今百
代看

又

學諭 李學道 隆昌

砥柱中流人所難丹心浩氣重龍干回天兩疏
燕山並扶世一腔易水寒頸血誰憐臣節苦褒

容城縣志

卷七

藝文下

全

封猶覺主恩寬芳聲應自標青史廟貌於今百
代看

又

邑令 趙士麟 雲南

遺像瞻依易水滔松風萬里助悲號忠肝塗地
君何忍勁骨撐天臣獨勞國破鄉關留俎豆神
來雷雨擁衣袍英雄快事知無憾兩疏千年恒
岳高

又

進士 孫祚昌 邑人

浩氣飛虹掩落暉孤忠視死竟如歸生前惟恐
塵蒙面身後何妨血灑衣兩疏笑彈辭帝簡一

腔幽憤結霜飛夕陽古篆悲風起猶是先生鐵
面威

題徵君祠

尙書魏象樞蔚州

金容家世舊儒宗四海淵源一派中膝下曾玄
承祖訓門前弟子坐春風純修妙合程明道睿
學全追衛武公聞說當身渾太極年年遙拜歲
寒翁

又

胡或邑人

郎山無分住孫登却讓蘇門色倍增千里談心
聊對酒百年問字得傳燈嘗關忍令微言絕論
世方知大道興從此漫云深處著恐教縹帛又
來徵

朱陸異同辨

崔庚邑人

大道原於一聖賢無異旨入門或自別要歸安
厥止祇緣承學者不究終與始意見遂橫分妄
執彼合此晦翁與象山紛紛生詆毀或謂鄰於
禪或疑不近裏迄今讀遺文曷得作兩視加惠
聖人徒總之成其是晦翁恐躐等致知以窮理
象山懼外馳先從主敬起尊性與道學朱陸同
一軌五六百年來精爽同魚水象山有後身于

秋道不死

古城春意

教諭 李 伸

荒年百折幾經春
每際春回景物新
民庶雜耕偏樂業
牛羊羣牧豈憂貧
花開紅樹聞啼鳥
柳折青枝贈遠人
共喜陽和添氣象
遊歌來往挹香塵

前題

李龍光 邑人

督亢西望舊山河
此地偏宜春意多
柳浪鶯啼聲早滑
桃花村曲草如衰
晴霞歷歷荒城曙
夕照沉沉牧豎過
回首英雄曾築此
迷離烟雨尙

容城縣志

卷七

藝文下

七

嗟峨

前題

邑令 趙士麟 雲南

烟樹蒼蒼遠春城
春色霏埃虛遺過
晴麥徑雜花飛
斷雲生西塢
歸鴻點夕暉
驅車遊賞再此
意繪應稀

易水秋聲

學諭 李 伸

壯士歸秦後
滔滔水自流
北來經故邑
南向渡雄州
鴻雁三更雨
蒹葭兩岸秋
西風同哽咽
疑訴昔人愁

前題

李龍光 邑人

白虹勝氣已烟飛尚有秋聲落翠微
關擁紫荆催木葉筑移羽調怒靈妃
鳴沙南岸衣冠往寒霧橫江城郭非
燕趙悲歌猶未已舞陽臺畔幾鴻歸

前題

邑令 趙士麟 雲南

天地踈秋色雲流水亦東遠沙明野渚孤雁叫
寒風壯士看雄劍筑聲落斷虹蕭蕭無限意今古爲誰憫

玉井甘泉

學訓 周 倫

穴地通千尺中心常自明曾消金主渴雅稱玉
容城縣志 卷七 藝文下 矣
泉名利用元無極仁功終有成願言均此施四海濟蒼生

前題

楊友桐 邑人

鸞輿曾此駐宸遊一剎寒漿沆漑流地僻幾經
削竹契香情尚可傲龍湫巡行旣錫甘泉額咫尺還看梳洗樓憶自南臯記勝事高賢煮茗其
題榴

前題

邑令 趙士麟 雲南

開道玉泉寺乘輿此舊遊金鞍簇野甸石甃掩
寒瀾去指渥城樹回瞻勳闕樓至今題額處尚

有赤霞流

白溝曉渡

李進光

邑人

綠楊堤畔早鶯啼客路長征望欲迷商船渡頭
催棹急皇華渚曲擁颿低星踈月澹人呼釣雨
細風柔馬踏泥倏忽秋高驚落葉一聲款乃雁
行西

前題

邑令趙士麟

雲南

北路薊門古秋空易水沉晴沙帶宿莽初日到
平林連馬登舟過羣鷗坐石吟碧流清見底澹
宕灑吾心

容城縣志

卷七

藝文下

允

賢塚涸瀾

張瑄

桑田萬頃漚成波賢塚依然信可奇自昔先生
能繼述至今神物尙維持波光迴合無乾土山
色淒涼有碑欲叩九原尋陸緒茫茫何處是
津涯

前題

邑人

集賢堂
歸劫火三方澤洞盡迴瀾天留荒壠烟消老地
護靈根松栢九猶憶佳辰拜掃日花茵柑酒共
盤桓

前題

邑令 趙士麟 雲南

極目蒼岑外驚濤蕩里門地因神物護道以先
生尊元宋當時改乾坤此墓存共知英爽異風
雨暗高原

忠祠松雪

陳伯友

廟貌清幽倚碧岑庭前松栢互森森一腔浩氣
還天地寸念丹衷貫古今胡塞竟成市馬計明
朝空費射狼心懔留遺像伏臘在媿殺奸雄骨
已沉

前題

李用楫 邑人

容城縣志

卷七

藝文下

李

精忠天賦障狂瀾贏得祠宮額尙丹夾陞青松
鳴澗溜半天絳雪倚霜寒亭亭跡影摩霄漢落
落孤踪照碧灘面目自猜終第一長餘浩氣斗
邊看

前題

邑令 趙士麟 雲南

再拜明禋下堂堂真丈夫松杉立地矗俎豆見
忠孤白雪凌層翠青天開一圖徘徊瞻望久英
爽在清都

古篆播風

汪天宿

碑是何年建秋風撼欲搖文章傳左史歲月紀

前朝鳥篆鐫猶在
蝸蜒字半消
我來懷古蹟
灑瀚興逾饒

前題

李龍光 邑人

蛟螭石室閃雲旗
時有驚風扣紫扉
蒼縞乍搖疑動蟄
古亭久貯訝還飛
宸奎四壁金石色
天翰雙鈎日月暉
自是地靈多異蹟
尋常苜蓿有光輝

前題

邑令 趙士麟 雲南

壁片文明地
歸然隔代碑
飄風隨樹過
斷碣向人欹
蘇剝瑤章古
籀鐫鳥篆奇
石鰲戴不去
應

容城縣志

卷七

藝文下

七

有巨靈支

白塔鴉鳴

汪天宿

突兀懸平礎
昭曉接太清
七層連雁起
一角聽鴉鳴
豈是凌空韻
應知響梵聲
登臨摩醉目
白塔獨題名

前題

梁永溥 邑人

浮圖東矗入層雲
怪有鴉鳴是處聞
鈴閣響騰因入訟
王舟登魄為行軍
茗蕚影接天河柱
响答風飄落馬鬣
惟祝改顏稱雁塔
寶光千尺爛秋雯

前題

邑令趙上麟雲南

青天塔直上皎皎覆霜花常有聲呼鶴怪無色
變鴉乾坤孤峙老雲日映輝斜近郭晴遊處稜
層壘若遮

題新讓士讓田

鹿善繼定興

山可裂川可竭還田之義無休歇簡可折字可
滅興讓之名無殘缺有詩何必按唐音有字何
必律晉帖只取聞風感慨時那箇肝腸不如雪
悠悠俗夢苦難醒還田遠勝廣長舌此田當日
卽不還其飯豈能至今設旣已與人已愈有消

容城縣志

卷七

藝文下

三

息特借若人泄

題孫孝子廬墓詩

潘嗣袞

先生醇懿本天成弱冠蜚聲擢帝京黃鐘大呂
匪錚錚閉門掃徑何涇涇容城寧比舊武城聲
名豈讓古滅明世味情輕神益清父母恩深死
不更先後捐賔靈旂征六載荒林野鬼驚野鬼
何驚中熒熒依依墓庭如事生此段精誠誰則
並天子下詔華袞旌他日登朝喜起賡移孝作
忠名巨卿

前題

鹿化麟

中原寒色照平蕪
寂歷茅椽倚暮隅
午夜瞻依還戲彩
六年枯墨僅留癯
蓼莪刪後吟偏苦
棠棣移來影不孤
幾度論心經此地
豆棚瓜蔓盡堪圖

咏崔節婦

陰繼先妻

宋

貞

元進士

爲見金夫不有身
幾人曾作未亡人
貪生惜命金閨秀
羞比陰娘卷上塵

弔陳節婦

孫國祥妻

魏一鰲

三十餘年未亡峻
嶮風節歷水霜空
閨涕泣

寒窗冷院
凄悲夜月涼
黃鶴重歌河嶽重
栢

容城縣志

卷七

藝文下

三

舟繼作日星光
今朝仙化歸華表
壠畔籠葱草木香

輓李烈婦

大學士張廷玉桐城

綺歲深閨大義存
貞操千載植乾坤
烏頭行見標芳蹟
彤管真堪表烈魂
設說居然留浩氣
捐軀豈爲殉私恩
徵君理學堪師表
姆範遺馨萃德門

附錄

讀渡江賦辯

孫奇逢

先生此賦丘瓊山謂其為幸宗之亡竟以此阻祀孔廟按先生之祖父五世仕金則於宋原非有故主故土之誼也似不必苦為求況此賦具在滿帶悲憤其為不無辭意遂令先生之心不自於天下遂世世謂彼為問答北燕處士淮南劍客也然則兩名耳先生曾受學賢學士以北燕為一稱則意可知已淮南劍客四字丰采有為無望得此人焉為宋室吐

峯城縣志

卷之七


七

氣正是王景畧不欲疲晉之意嗚呼噫嘻想夫陰山虎土茹毛飲血狀若神鬼氣傲霜雪嬉於戰鬪業在征伐咆哮而驅兇怒感激而風雲變顏崑崙而翻海浪折江河而崩雷電川谷為之蕩波丘陵為之震眩此段極模元勢之強宋室立見難支及曰哀哉宋君可憐也戰則為黃泉之士降則為青衣之奴上絕奈宮之遭下久皇祐之區草滿金陵鹿走姑蘇五溪雋士七澤丘墟何其痛哉此段字字淚點血而謂之幸乎客謂可笑三言如公言以謂遂無宋矣我長江

所以限南北山川所以界封域西接巫峽東至
海陵臨谷爲塞因山爲嶂一人守隘萬夫莫前
我主彼客彼勞我逸彼雖有甲騎百萬橫絕
岸安能飛渡我長江乎蓋言宋室規模形勢家
當自在只恐不能立定手脚故又有義士奮袂
良將登壇既有枕戈之劉琨豈無擊楫之謝安
假祖邀以黃鉞之威拜陸遜以都督之權而曹
公赤壁之役符融合淝之戰公獨不聞之乎辭
氣激昂多少打動人心處符融合淝之戰明以
晉室予宋符堅予元先生心事合盤托出矣見

旃裘而膽落毳窟而竟飛身周之意合盤托
出至於是帖然失氣循墻匍匐口怯心碎不知
所對滿腔酸楚不能爲情真令人垂首喪氣憤
悶欲絕而幸之一字從何處看出瓊山讀書破
萬卷絕無以意逆志之意亦爲不善讀書矣先
生固不以不從祀爲恨祇以幸宋之亡一言誣
先生之心滋悠悠之口一言以爲智一言以爲
不智可不慎諸元世祖極嘆爲真古所稱不召
之臣從其志而不敢召不可謂非先生第一知
已但中外君臣千古爲昭不能用中變外豈遂

以外而城中耶先生此賦爲集中第一之篇。細
釋其言而設身以處其地當自得其苦心。其詞
遊關門曾以此說質之鹿伯順與澄陽先生。二
公曰侯事平後爲一疏入告關發三百毒未揚
之古惜未暇及此後之君子讀渡江賦者諒不
乏孫達二公之人敢請以愚言質之有此一辯
先生之心可以白于天下後世矣



容城縣志卷之八

災異志

天道甚可畏也冥冥莫測之中倏降災異天心仁愛實見諸此先正有言一歲無災天其忘我志災異謹天戒也容邑輿圖尺幅災異所宜惕厲其世遠言湮邈不暇稽者不敢贅惟就耳目所及有確據者列之以爲修省之助云

弘治四年張紹先妻劉氏見空中一人逐紅羊自南而北行甚急呼其姑出視已不復見紹先質於陰陽家曰當有火災邑自臘月至次年二月

容城縣志

卷八

災異

火災頻見傳爲異事曰空中紅羊

正德五年六月大雨連綿渰傷禾稼歲大饑

六年大盜齊彥明等陷城焚掠殺虜無算

七年三月亢陽地生虫蝻二麥田苗食殘

八年冬無雪春亢旱二麥盡枯

九年七月霪雨害稼大半

十年春無雨二麥不熟秋暴雨傷禾大半

嘉靖三十二年大水漲開老鼠灣城幾圯次年大

水更深尺餘連年禾稼盡渰

萬曆十四年七月雨雹大如瓶盃東南禾稼盡傷

二十年春蝗夏雹大如鷲蛋平地盈尺
二十五年地震

三十三年蝗黑小如蟻

三十五年秋大水房屋田苗漂沒無筭

三十七年大旱蝗次年更甚民大饑

四十年人病大頭瘟疫傳染死者甚衆

四十一年大水

四十二年蝗黑小如蟻

四十三年春夏大旱

四十六年三月風雪行人有凍死者六七九月

容城縣志

卷八

災異

二

地凡三震

四十七年三月風霾蔽日路迷行人

秦昌元年十一月暴風驟雪行人死者甚衆

天啓五年大旱秋雨連綿黍穀皆化爲灰

六年六月夜地震如雷閏六月大雨浹旬平地

水深數尺壞民居無數禾稼盡泮

七年飛蝗蔽天春麥秋禾殆盡

崇禎二年兵抵白溝盜賊蠶起九年十一年十五年皆有兵變

三年六月蟲生傷禾

九年正月二十日巳時地震

乾隆二年大水

三年十一月地震

八年天氣亢旱自五月二十四日至六月初五

日人多暈死夜忽怪風起始

九年蟲十身長寸許形華色禾稼盡壞

十五年大水房屋田疇漂沒無數

十七年夏山雹大如核桃木葉脫落殆盡縣西
南村莊爲甚

二十四年春夏大旱秋有蟲災

容城縣志

卷之

災異

四

九年五月雨雹大如瓶孟行人死傷甚衆木葉脫落如冬六月地震

十二三大旱歲大饑

十三年大旱飛蝗蔽天

十四年大饑斗米八錢樹皮草根殆盡餓死者無筭

十六年大疫死亡無數辰星八月

十七年流賊陷北京偽官肆虐士民洶洶莫保其生

國朝

容城縣志

卷八

三

順治五年大蝗害歲歲饑

六年土賊陷城

九年大水

十年十一年大水

十四年大水

康熙四年地震雨四十日

七年大水八月怪風揭瓦屋吹石徑十數步

五十九年六月初八日地震

雍正五年大水

八年八月地震

乾隆二年水

十五年水

十七年螞蚱生

二十六年水

容城縣志

卷八

災異

四

